

Jamoatchilik kengashi raisi:
Abdulla ORIPOV

Jamoatchilik kengashi:

Najmaddin Jiyanova
Abulqosim MAMARASULOV
Minhajiddin MIRZO
Feruza MUHAMMADJONOVA
Ahmad OTABOYEV
Shuhrat SIROJIDDINOV
Ahmad USMONOV

Bosh muharrir:
Sobir O'NAR

Bosh muharrir o'rinnbosari:
Luqmon BO'RIXON

Mas'ul kotib:
Akbarali MAMASOLIYEV

Tahrir hay'ati:
Bobur ALIMOV
Iqbol MIRZO
Abduqayum YO'L DOSHEV
Abdusaid KO'CHIMOV
Sirojiddin SAYYID
Alisher NAZAR
O'rozboy ABDURAHMONOV

Sahifalovchi: Saodat RUSTAMOVA

Ushbu son "Yoshlik" jurnali tahririyatining
kompyuter markazida sahifalandi.

Manzilimiz:
Toshkent. sh.
O'zbekiston shohko'chasi, 16-a" uy.
E-mail: yoshlik-xatlar@rambler.ru
Tel/faxc: (8371) 227-0-227,
245-5-793, 245-0-552



© "Yoshlik" № 6 (258) 2012-y.

O'zbekiston Yozuvchilar uyushmasi,
"Kamolot" yoshlar ijtimoiy harakati muassisligidagi
yoshlarning adabiy-ijtimoiy jurnalı
1982-yildan chiqsa boshlagan.

MUNDARIJA

MINBAR

Asad ASIL. Zafar uchun shaymisiz, yoshlar? 2

MULOQOT

Ahmad A'ZAM. Adabiy asar – til hodisasi. 4

ADIB XONADONIDA

O'roz HAYDAR. Ruhiyat farroshi. 11

NASR

Ne'mat ARSLON. Ko'ngil tubidagi dunyo. Hikoyalar. 16

NAZM

HUMOYUN. Intilganing sayin olislar tog'lari. 34

Orif HOJI. Suv bo'lib oqqay o't uzra muzmi bu yo dilmi bu? 48

Shukur QURBON. Kino tasmasiday charx urar hayot. 54

JAJJI TADQIQOT

Rustam MANNOPOV. Bedor qalb tug'yonlari. 33

KITOBINGIZNI O'QIDIM

Rahmon QO'CHQOR. Ixlos va shijoat. 36

MUTOLAA

Adhambek ALIMBEKOV. Izlanuvchanlik. 50

JAHON HIKOYACHILIGI

Emili KARL. "Yashashga haqqizingiz bor". Hikoya. 52

BIRINCHI UCHRASHUV

Dinora RAHIMOVA. Qishloqdagi buvijonim. Qissa. 38

MUNOSABAT

Gulhayo UZOQOVA. Rep haqida gap. 56

TYUG'U

Muxlisa HAMROYEVA. She'rga sig'magan tuyg'ular. 58

BIR SAVOLGA BIR JAVOB

Yulduz FAYZIY. Baxt nima? 59

TADQIQOT

Toshtemir TURDIYEV. Satrlarda Surxon surati. 60

YOSHLAR OVOZI

Fayozbek RUSTAMOV. Taraqqiyot tayanchi. 62

YELPUG'ICH

Temur QURBON. To'qilmagan hikoyalar. 63

Bosishga 10. 07. 2012 yilda ruxsat berildi. Qog'oz formati 60x84 1/8. Nashriyot hisob tobog'i 8,7. Indeks 822.
ISSN 0207-9137. Jurnal 2007 yil 4 mayda Matbuot va Axborot agentligi tomonidan № 0253 raqami bilan ro'yxatga olingan.
Jurnaldan ko'chirib bosinganda "Yoshlik" dan olindi" deb izohlanishi shart.
"O'qituvchi" NMIU bosmaxonasida chop etildi. Buyurtma № 120-12. Adadi 3850 dona.
Toshkent shahri, Yunusobod tumani, Yangishahar ko'chasi, 1-uy.



Asad ASIL

ЗАФАР УЧУН ШАЙМИСИЗ, ЁШЛАР?

“Ох, сенинг ёшлигинг менда бўлсайди!” деган кўшиқни ҳар сафар тинглаганимда бошимдан кечирган қаро кунлару азоб-укубатлар ёдимда жонланаверади. Биз – қирқ биринчи йилда туғилганлар не-не оғир кунларни кўрмадик! Эсимизни таниб улгурмай онамиздан айрилганмиз! Яна қай бирини айтай, оёғини танк мажақлаб кетган ногирон отамиз билан олти фарзанд чорасиз қолганимизними, турмуш ташвишларида ҳар куни минг бор ўлиб-минг бор тирилган ҳётимизними!.. Уларнинг барини гапиришга ҳатто тил ожизлик қиласди. Яхшиямки, Қодир Аллоҳ яратган она табиатнинг бағри бутун экан, бир амаллаб яшаб қолдик, табиий неъматлардан таъминланаб ўсдик-улғайдик. Чиндан ҳам атроф-муҳитдан ўзга таянчимиз йўқ эди. Айнан шунинг учун ҳозирги баҳтиёр авлодга жуда-жуда ҳавасим келади! Ҳа, бизнинг Мустақил Ватанда ўғил-қизларимиз ҳар қанча фаҳрланса арзигулик ажойиб шароитларда яшамоқдалар. Юртбошимиз раҳнамолигида нафакат шаҳар, қўргон ва қишлоқларда, балки энг чекка овуллар, кичик-кичик аҳоли пунктларида ҳам замонавий таълим-тарбия масканлари, кўркам ва тўқис тиббиёт мажмуалари, спорт иншоотлари ва бошқа зарурий шароитлар барпо этиб берилгати. Улар барча керакли техник жиҳозлар билан ҳам тўлиқ таъминланган. Хуллас, яйраб-яшнаб билим олиш, меҳнат қилиш ва яшаш учун зарур ҳамма шароитлар муҳайё. Демак, энди бор куч ҳамда имкониятларимизни ишга солиб, она-Ватан равнақи ва халқимиз фаровонлиги йўлида барчамиз, айниқса, баркамол авлод ўзининг муносиб ҳиссаларини қўшмоқлари ҳам қарз, ҳам фарз. Халқ ибораси билан айтганда, оқ юваб-оқ тараётган, башанг кийинтириб, едириб-ичираётган юртимиз нон-тузини оқлашимиз шарт! Хўш, бу борадаги аҳвол қандай?..

Даставвал оилаларда тўғри ва яхши тарбия олиб, таълим масканларида ҳар тарафлама чуқур билимларни ўзлаштираётган фарзандларимиз ушбу масъулиятни тўла-тўқис ҳис этиб, Ватаннинг ҳақиқий фидойилари эканликларини амалда исбот этмоқдалар. Айнан шундай йигит-қизларимиз ҳур Ўзбекистоннинг довругини бутун олам узра тобора кенгроқ купоч ёйдирмоқда. Эндиликда баркамол ёшларимиз дадил-дангал кириб бормаган бирон-бир соҳа қолмади ҳисоб. Бу азаматлар дунёвий техника ва технологияларни, билимлару ҳунарларни, жаҳон типларию урф-одатларини шу қадар шиддат билан ўзлаштираётганларини кўргач қойил қолмай бўладими! Бундай ўринбосарлар билан ҳар қанча фаҳрлансанк арзиди. Шундайлар омон бўлса жонажон Ватанимиз тобора гуллаб-яшнайверади, кексалар рўшнолик оғушида тинч-хотиржам ҳаёт кечириш баҳтига мусассар бўладилар...

Эзгу хотирапар, яхши ишлар ҳақида гапириш нақадар кўнгилли! Ҳаммамиз ҳам ёмонлик тўғрисида эшитмасам, ёмоннинг юзини кўрмасам, деймиз. Аммо, начора, далилу исботлар ўжар. “Касални яширанг, иситмаси ошкор айлар”, дейдилар. Фарзандларимиз, уларнинг ҳаётдаги ўрни, келгусидаги орзу-режалари хусусида фикр юритар эканмиз, авлодларимизга керакли барча заруратлар мукаммал бўлишини истаймиз. Турмушимиздаги ҳар қандай кемтикларни, улар бартараф этиб бўлмас даражага ўтиб кетмасдан бурун изга солишимиз зарурлигини ҳам унутмаслигимиз лозим. Шу ўринда ҳақли бир савол туғилади: ҳозир атроф-муҳит мувозанати қай аҳволда ва ёшларимизнинг унга муносабати қандай?

Биз истаймизми-йўқми, ҳаёт ўз ҳукмини ўтказаверади: ёшлар улғаяди, ота-оналар кексайиб,

авлодларга ўз ўринларини бўшатиб беради. Қани эди, фарзандларимиз ҳар тарафлама гўзал табиатни, ҳақиқий маънода жаннатмакон оламни биздан мерос қилиб олсалар! Табиат муҳофазаси масаласига доир турли-туман йигинлар, давра сухбатлари, учрашувлар кўнгилларга анча таскин бергандек бўлади. Тоғу тошлар, қиру сойлар, дарёю кўлларни кузатар эканмиз, қоғозларда ёзилганлар ҳаёт ҳақиқатига унчалик тўғри келмаслигини кўриб ҳайрон қоласан киши. “Ўз-ўзимизни алдашнинг кимга кераги бор?!” деб юборамиз беихтиёр. Энг ёмона: хаспўшлаш, ахволни бўяб-бежаб кўрсатиш қалби беғубор, нияти пок келажак эгаларини тўғри йўлдан чалғитиб юбормасмикин?! Охир-оқибатда олди олиниши мумкин бўлган табиий инқирозлар сурункали иллатга айланниб кўп ноёб табиий неъматларни бой бериб қўймасмикинмиз?! Очикчасига айтганда, кўриб-билиб туриб келажак авлодни она табиатнинг бебаҳо неъматларидан маҳрум айлашимиз ҳеч гап эмас. Бундай қалтис вазиятда айrim табиат “ҳимоячилари”: “Қани, аниқ далил кўрсатинг!” дэя оёқ тираб оладилар. Ҳаётий далиллар эса табиат бағрида тўлиб-тошиб ётиди. Уни кўриш учун энг қийин жойларга оғринмай, эринмасдан бориш, яқиндан кўриб-кузатиш керак. Бир мисол, Зомин тоғларини икки кун айланниб юриб, биронта ёввойи жонзорларни учратса олмадик. Нурота тоғларида икки мингдан зиёд алкор бор, дея хужжатларда қайд этилган-у, кун бўйи йўл боссангиз ҳам улардан биронтаси кўзга ташланмайди. Қадимда ёввойи жоноворларга энг бой худуд саналган Чотқол тоғлари эса айни пайтда ғариб ва танг ҳолатга тушиб қолган. Айдаркўлдаги хароб ахволни-ку, таърифлашга тил ожиз...

Бу каби ачинарли воқеаларни мен – ёши етмишдан ошган табиат жонкуяри азбаройи ачинганимдан очик-ойдин айтяпман. Токи, фарзандларимиз табиат муҳофазаси оламида ахвол тобора мураккаблашиб бораётганини билсинглар. Билсинглар-да, ташаббусни ўз қўлларига олиб, ўз ризқ-насибаларини

ўзлари ҳимоя қилсинлар!.. Она табиатимиз муҳофазаси хусусида кўп йиллардан бери аниқ далилу исботлар асосида матбуотларда турли-туман чиқишлилар қилганман. Уларни ҳатто китоб ҳолида нашр эттиридим. Ажабланарлиси шундаки, табиатга алоқадор ташкилотлару турли ҳаракатлар томонидан бирон-бир акс-садо бўлгани йўқ. Ҳарқалай, биз – ёши улуғлар вақтни бой бериб ўтирамай, баркамол авлодларимизни олға даъват этишимиз, керак бўлса бирга юриб-бирга туриб улуғвор вазифаларни бажаришимиз лозим...

Үрни келгандага ўринбосарларимизга ҳам нордонгина ҳақиқатни айтиш керакка ўхшайди. Кўриб, гувоҳи бўлиб турибмиз: баркамол ёшларимиз фанолиятида жанговар ҳаракатлар, дадил олға интилишлар тез-тез учраяпти. Аммо баъзи муҳим ташаббуслар негадир охирига етказилмайди. Мана бир мисол: “Ёшлик” кўрсатуви ўтган йили бутун Ватанимиз бўйлаб чиқиндилар соҳасидаги тартибсизликларни нишонга олган эди. Ундан барча баравар хурсанд бўлиб, ёшларни олқишилашарди. Нима бўлдию, бу шиддат кўп ўтмай ўчди-қолди. Ёки чиқинди оламидаги тартибсизликлар батамом тугатилдими? Қаёқда дейсиз, ҳаракат тўхтаганини кўрган тартиббузарлар авваллардагидан ҳам баттарроқ “жавлон уришга” киришдилар. Бошланган яхши иш ижроси чала қолдирилса, оқибати жуда ёмон кечади. Наҳотки кимлардир покизаликка қарши турган бўлсалар?! Ахир сизлар суянадиган Мустақил Давлатимиз, жонкуяр ва меҳрибон Президентимиз бор-ку! Қолаверса, табиий бойликларни асраб-авайлаш, бутун мамлакатимиз бўйлаб покизаликни таъминлаш энг муҳим вазифалардан эмасми? Бу, биринчи навбатда, ўзларингизга керак-ку! Демак, ҳеч қачон ярим йўлдан қайтмаслик, улуғвор ишлар, юксак зафарлар учун доимо шай турмоқ фарзандларимизнинг асосий вазифаси бўлмоғи лозим. Биз каби ёши улуғлар эса уларнинг ёнида мудом мададкор бўлишимизни ҳозирги шиддатли даврнинг ўзи тақозо этмоқда.



АДАБИЙ АСАР – ТИЛ ХОДИСАСИ

Ёзувчи Аҳмад АЪЗАМ билан сұхбат

— Аҳмад ақа, ўзбек насрининг бугунги мавқеи ҳақида гаплашсак. Яхши биласиз, ўтган асрнинг 90-шилларигача кимдир бирор қисса ёзса машҳур бўлиб кетар эди. Не тонгки, ўшаларнинг айримларинигина бугун ёдга оламиз. Икки ўшл бурун Ёзувчилар уюшмаси йигинида жонкуяр мутахассислардан бири Мустақиллик шилларида юз ишгирмадан ортиқ роман чиққанини таъкидлаб, уларнинг рўйхатини тақдим этди, бунинг устига мажлис қатнашчиларига шу йўриқда анкета саволларига жавоблар ўйғди. Табиийки, рўйхатдаги асарларнинг аксариятини адабиётчилар ҳам, ёзувчиларнинг ўзлари ҳам ўқимаган бўлиб чиқди. Ҳайронман, ҳозир ўқимаслик мода касалликка айлануб қолмадимикан?

— У пайтлари... бошқа нарса ҳам бор эди – катта асар ёзишга, эълон қилишга унча-мунча одамнинг ҳадди сифмас, қиссани ҳам насрнинг равиш-йўналишларини яхши ўзлаштирган, поэтикасини ҳис қила олганлар ёзган, бу ҳам аввало муаллифнинг малака чиғирифидан ўтиб, жамоатчиликнинг яхши кутиб олишига шуури етгани тақдирда эълон қилинар эди. Тоғай Мурод, Мурод Мұхаммад Дўст каби у пайтлари ёш адилларнинг қиссалари тили, бадиияти, поэтикаси билан ярқ этиб кўзга ташланган. Адабиёт олдида, Сўз олдида масъулият жуда катта, кейин асарнинг ҳар бир жумласи, ҳар бир сўзига қарайдиган Ваҳоб Рўзиматов каби қаҳри қаттиқ синчиларининг назаридан қолиш, бемаза ёзисан деб заҳрини сочадиган Маҳмуд Саъдий каби таҳrir пирларига рўпара бўлиш доим кун тартибida турар эди. Ёшларнинг ўз адабий давраси ҳам яхшигина ҳакам, янги чиққан асар аввало шу давранинг ўзидаги муҳокамадан ўтар, бемаза нарса босилиб қолса, ўқиган одамга ҳам худди беҳурматликка учрагандек таъсир қилар эди. Шунинг учун ҳам оз ва соз ёзилган аксарият асарлар. Адабий тилимиз мартабаси ортган, бўшроқ ёзадиган ёш ёзувчиларнинг асари ҳам ишлов берилмай, пухта таҳрирсиз чиқмас эди. Адабий тилимизнинг катта ривож босқичи ҳам шу даврда кечди. Ҳа, дарвоқе,

ҳозир бир нечта ёзувчиларимизнинг ёзганларини эълон қилмаётганлари сабаби ҳам шунга келиб тақалади – бугун текин таҳrir қилиб берадиган заҳматкаш “мардикор”лар замони ўтди. Кўп нарсалар қандай ёзилган бўлса, шундай чиқиб ҳам кетяпти. Бунинг бир яхши томони ҳам бор: шерикликка сунъий асар яратилмайди. У даврларда, очиқ гап, баъзи ёзувчиларимиз романлари ҳам унинг устида нашриётдами, редакциядами етти букилиб тер тўкиши билан қаторга кираради. Қандай ёзган бўлса, шундай эълон қилаётганларнинг миси ўз-ўзидан чиқяпти, буларнинг тили пала-партиш, тозаланмаган, албатта бунақа асарни кўлга олган китобхоннинг умуман китобдан кўнгли қолади.

Тил масъулиятининг йўқолиши сўз санъатига яқин ҳам келмайдиган нарсаларни урчтиб юборди. Тўғри келган одам хаёлига келган нарсани ёзяпти, қўлбола ривоятлардан тортиб қотирма романларгача. Илоннинг нималигини билмаган болакай чақишидан кўркмай ушлайверади, тарих нима, унда ҳақиқатан нималар кечган, одамлар қандай яшаган, руҳияти қандай бўлган, қанақа шеваю оҳангларда гаплашган, буни ўйлаб ҳам ўтирмай, бир манбани ўқиса, шунга суюниб ёки “бадиий” кўчириб, “бородурман-келодурман” деган ясама “тарихий” тилда жилд-жилд романлар ҳам ёзиз ташланяпти. Майли, ёзсинлар, шу ёзганлари хужжат, манба асосида бўлса керак, уларнинг маърифий қиммати ҳам бор, лекин тадқиқот десинлар, изланишлар, таассуротлар десинлар, лекин роман деб жанрнинг обрўсини тўкмасинлар.

Ёшлар ўқимайди, деймиз – шунақа нарсаларни ўқийдими? Ўзимизнинг ҳам савиаси паст нарсаларга кўзимиз нурини кеткизишдан бошқа юмушимиз йўқми? Ахир, ўқийдиган нарсани ўқиймиз-да. Менга, очиқ гап, асарнинг бошланишидан ярим сахифа, ҳаттоқи, биринчи жумласини ўқиб кўриш кифоя, тортса – калла ташлаб ўқийман, ёқмаса, жойига қўйиб қайтиб кўлимга олмайман. Тил бадииятини эгалламай асар ёзиш –ўзига нисбатан беҳурматлик ва китоб ахлига нисбатан ахлоқсизлик. Ахлоқсизликни сўккандан кўра, уни қулоқни бекитиб, эшитмаган маъқул деб биламан..

— Албатта, одамнинг ўша романларга бирварақай баҳо беришга журъати етмайди. (Адашмасам, ўша мажлисда ўша “мутахассис” томонидан “нега Эркин Аъзам роман ёзмайди?” деган хурмача дўй ҳам урилган эди). Биринчидан, уларни ўқиш керак, иккинчидан вақт ва ундан сўнг ҳафсала ҳам зарур. Назаримда, биргина Қозоқбой Йўлдош уларни муттасил ўқиб, эринмай фазилатлар топиб мақола ёзиб ётибди. Ҳеч ким баҳсга ҳам киришмайди. Биз талаба эдик, Аҳмад Аъзам деган танқидчи бот-бот адабиёт газетасида енг шимариб катта олимларга ҳам кўрқмай ташланиб қоларди ва ҳақ гапини исботлар эди.

Нега ахир, бугунги 60 ёшлилар ўша фаолликдан безиб қолишдими?

— Айни кунларда адабий танқидчилигимизда мезон бўла оладиган фикрлар, етакчи танқидчиларимиз йўқ. Бевосита адабий жараёнга ижобий таъсир ўтказдиган фикр даргаларини назарда тутяпман. М.Кўшжонов, О.Шарафиддинов сингари салобатлари билан кўр тўкиб, адабиёт даровазасидан кирмоқчи шунчаки ҳавасмандларни ҳайиқтириб турадиган устозларимиз ўтиб кетдилар. Адабий-танқидий тафаккур беэга қолгандек, унинг майдони ҳам ниҳоятда торайиб, таъсир кучи йўқолиб, ўзи таназзулга юз тутди. Ўзингизни ёши ўтган танқидчи ўрнига қўйиб кўринг: бир умр бу борада меҳнат қилгансиз, ёзганларингизни илгари ўкувчилар назардан қолдирмаган, қайси асарларни таҳлилга олган бўлсангиз, ўшаларни ҳам излаб топиб мутолаа қилган, бугун сизни ҳам, сиз умр бўйи таҳлилу тадқиқот қилган асарларни ҳам ўқимайди. Замонга мослашиб янги нарсалар бозорига тушишга эса оёғингиз тортмайди. Нима қиласиз? Нима қиласиз? Э-э, бу замон қаёққа қараб кетяпти, ўтган ўртacha ёзувчиларимиз майли, лекин нимага буюкларимиз ҳам эътибордан қоляпти, ҳа, ҳаммасига ОАВ, кўча матбуоти, Интернет сабабчи, адабиётга эса ғарбдан модернизм балоси кириб келяпти деб, ёмоннинг кучини япалоққа кўрсатамиз; кучимизни ўзимизга нисбатан ёш, лекин аллақачон элликни қоралаб, олдинга ўтишга одоб сақлаб турган адилларимиз ё шоирларимизга кўрсатамиз, янгича бадиий тафаккур ўзгаришларини ёт таъсирларга йўйиб, қани анъаналаримизга садоқат, қани буюкларимиз хотирасини ҳурматлаш деб наъра тортишга ҷоғланамиз – бефойда, ёшлар ғадир-будур бўлса-да, ўзлари кашф қилган йўлдан кетавради, ўтмишимизнинг чўнг қояларини дарсликларда тиклаб қўйган бўлсак-да, уларга қарамайди. Ҳа-я, тортадиган наърамиз ҳам ичимиизда – китоб ўқимагандан кейин ўтмиш изтироби билан ёзилган мақоламизни ҳам ўқимайди-да. Кейин, ўн кун, бир ой ўтириб ёзган мақоламизга ўзи зўрға кун кўраётган газета ҳемири ҳам бермайди.

Дамимизни ичимиизга ютиб ўтираверамиз. Ҳаёт эса илгарилаб кетиб бораёттир, адабий жараёнда, истаймизми, йўқми, ўтмишга тармашган иродамиз билан ҳисоблашмай, ботиний ўзгаришлар кечәтири. Дагишишини қиляпти, қирғоқнинг тагидаги кумларни аллақачонлардан бери ювиб ўтяпти, юпқагина юза турибди хотирамизда, қуриган чинорлари билан. Ўзимизни ҳали ҳам рўйхатдаги шу чинорлар соясида деб ўйлаймиз...

Тўғри, вақт ўтиши билан адабиёт саралаб, сараланиб бораётради, анча-мунча асарлар эскириб, тасаруфдан чиқади, уларнинг ўрнига янада янгироқ, янада тозароқ асарлар кириб келади. Бу – муқаррар кечадиган ички ривож қонунияти, бусиз сўз санъати яшай олмайди

Лекин сиз айтаётган тўқсонинчи йиллар бошида фақат саноқли асарлар эмас, адабиётнинг янгиланиш жараёнининг ўзи тагдан бухронга учради, айни пайтда шу бухрон тубидан адабиётимиз келажаги ўлароқ янгича бадиий тафаккур қоялари ўсишга бошлади. Бу фақат шўро тузумининг патарот топиши билан боғлиқ эмас... Тўғри, янги Мустақиллик тузуми, янги даврдаги фикр эркинлиги айни бадиий тафаккурнинг эски маҳсулларидан қониқмай, унда ҳам ўзгаришлар қилиш талабини қўйди. Бу табиий ҳол, лекин бозор талаблари, эркинлик ҳавоси деб адабиётни ўз ҳолига ташлаб қўйишида жамият ўзгариши билан бирга ўзимиз “яратган” сабаблар ҳам бор. Китоб тарқалиши, савдоси буткул издан чикиб, бадиий адабиётни тарғиб этадиган матбуотнинг номи кўпайгани ҳолда тиражининг тамом тушиб кетгани ҳам бир омил.

Вакуум бўш турмайди, профессинонал бақувват асарлар билан ўзини тўлдира олмаган вакуум бозор орқали савияси паст, адабиёт эмас, бизнесни кўзлаган олди-қочди бежамаларни сўриб олди. Ҳозир китоб дўйонлари шуларга тўла.

Бунинг янада ўзимизга, адабий жамоатчиликка тегишли жиҳатлари бор. Янгиланиш тарихи бошланганига йигирма йилдан ошиб кетди, биз эса ҳалигача ўтган устозлар етагида юрибмиз. Ёшлар китоб ўқимайди, ҳамма Интернетга ёпишган деймиз, лекин нимани ўқимаяпти, нима яхши асарлардан юз буряпти китобхон? Эскидан қолаётган, эскираётган асарларни бизнинг тенгдошлар ҳам ўқимайди, чунки шўро замонида яратилган асарлардан ҳидини бир чақиридан билиб қочамиз, янгилари эса ё йўқ, ё уларга дидимиз кўникмаётир. Ёшларга эса адабиёт дарсликларидаги шу эскилар ҳам юқмайди, ўзларига тўғри келадиган янгилар жуда кам. Нима ўқисин улар? Очиги, шу саволни қўйялман-у, жавобига худди адабиётимиз ўтмишига тош отаётгандек, қийналяпман.

Албатта, янги асар, янгича тафаккур йўқ ердан пайдо бўлмайди, адабиётда давомийлик бор, у – адабий тилнинг равнақи, бунда узилиш бўлмайди. Лекин А.Қодирий асарлари яратилганига саксон-тўқсон, А.Қаҳҳор асарлари яратилганига эллик йилдан ошяпти, ҳозирги шаклланган авлод ёзувчилари шу асарлардан тил тарбиясини олган, лекин адабий тил чиқсан довонида қотиб турмайди, ўсади, устозларимиз ҳам бир жойда қотиб турмайди-ку. Устозларимиз ҳам мен келган чегарадан у ёғига ўтмайсизлар деган ўйт бермаган. Тоғай Муроднинг ҳалқона суюмли, Мурод Муҳаммад Дўстнинг баланд ҳаволи, теран фалсафага бой, Эркин Аъзамнинг ҳар бир сўзни чеरтиб олиб ёзилган тили яралиб бошлаганига ҳам ўттиз-қирқ йил бўляпти. Тил туйғуси она сути билан, ақл билан бирга берилади, кейин ўзгаради, сайқал топади, лекин ilk асарлари тилидан унча узокка кетмайди ёзувчининг тили. Демоқчиманки, адабий тилимиз ривожи саксонинчи йиллар охиригача келди, кейин ҳаёт ташвишларига уралашдик, бозор тамойили деган гаплар чиқди, хуллас, унга эътибор ўлди. Ана шундан кейин, сиз айтгандек дўйон пештахталарини ўз дидини аядиган, ўзини ҳурмат қиладиган одамлар ўқимайдиган китоблар истило қилди.

Эркин Аъзам нимага ёши олтмишдан ошиб роман эълон қилди? Ҳалиги мутахассис иддао қилгандек, олдинроқ нимага ёзмади? Нимага биз ҳавас қиладиган истеъоддларнинг бор-йўғи битта ё иккита романи бор? Бу кучи етмаганидан эмас, балки роман нималигини, унга қандай тил тажрибаси зарурлигини англаб, ўзини тайёр билмагунча кўли бормаганидан. Эркин ҳозир ҳам ёзиб ташлайвермайди, бундай ёзувчилар учун ёзиш

– Сўз масъулияти, виждан иши. Ҳозир қаранг, буларни айрим ҳам дея олмайсан, кўш жилдлик, трилогия, ҳатто тетралогиялар чиқиб кетяпти, икки хатбошисини ўқийсиз-да, қайтиб қўлингизга олмайсиз – тили ёзувчининг тили эмас, тасвир йўқ, диалог йўқ, поэтика йўқ, бадииятнинг асос хоссаси – тили гаридан гарид.

Китоб дўконларида савлат тўкиб турган муҳташам безакли "ёстиқ"ларни кўриб одам ҳайқасан: э-э, бунга озмунча меҳнат сарф бўлганми, қофозию бошқа харажатини қўяверинг, қанча умр сарф бўляпти; майли дейсан, катта қисми яхши ниятда қилингти-ку, эртами-бир кун бу оқим ҳам тиниқлашиб, ичишга ярайдиган бўлиб қолар, деб тилингни тиясан.

Олтмишни уриб қўйганларнинг фаол эмаслиги... ёш билан, оиласвий, турмуш ташвишлари қўпайишига, моддий манфаат йўқлигига боғлиқдир. Лекин адабиётни кузатиб-ўқиб бориши сўнмаган бўлса керак дейман. Мен кўп гаплашадиганлардан Иброҳим Ҳаққул, Эркин Аъзам, Хуршид Дўстмуҳаммад доим ўқиб бориши мисолида тенгкорларимиздан кўпчлиги адабий жараёнга бефарқ эмас деган хуласага келаман. Шоир Хуршид Давронни гапирмайман, унинг фаоллигини ҳамма билади, тарихий сиймоларимиз ҳақида қатор насрой асарлар, тадқиқотлар яратиш билан бир қаторда Интернетда ҳар куни туркӣ адабиётлар, тиллар, маънавият ҳақида ўнлаб(!) китоблар эълон қилади, баҳсларга аралашади, ўз фикрларини мунтазам билдириб боради. Энди, барибир, кўпчиликнинг бунча жимиб кетишини маъқул кўрмайман. Тенгкорларимининг пастга тушиб, тортишув-олишувларда қатнашмаса ҳам, тўрда қўр тўкиб ўтиришларини истар эдим, чунки уларнинг борлиги мажлис аҳлига адабиётнинг юкини ҳар ким елкалаб кета олмаслигини эслатиб туради. Қозоқбой акага келсак, у киши бизга тенгдош, демак қаторимизда фаол мунаққидимиз ҳам бор, омон бўлсинлар, лекин бошқалари... бармоқ билан санашга ҳам етмайдими дейман. Энди бугунги кунда танқид билан шуғуланишни ҳеч кимга осон тутиб бўлмайди. Бу иш жуда катта заҳмат ва рағбатни талаб қилади. Лекин, умид шулки, ёшлар етишиб келяпти, насрнинг йиллик муҳокамасида кўрдим, уларнинг чиқишлирида асар ҳақида умумий гапириш йўқ, муайян концепция билан ёндашиш, аниқ фикрлаш бор. Шундоқ, кейинги авлодларнинг ўз танқидчилари бор, лекин менга улар ҳаддан ортиқ боодбек, устозлар қошида тортиниб турадигандек туюлди.

– *"Асқартоғ томонларда" деган қиссангиз бо-силаётганда мен "Ёшлиқ" журналининг кичик ходими эдим. Очиги, бу қиссада биз кўникуб қолган силлиқ мавҳумот ва мавҳумдай туюлуевчи зидди-ятларга қарама-қарши ўлароқ фавқулодда реалликни кўрганман. Ў.Усмоновнинг "Гирдоб" романидаги домлалар билан "Асқартоғ..."даги домлаларнинг, гарчи замон ўша-ўша бўлгани билан, фарқи анча эди-да. Бу билан Сизга пишанг бериб мақтамоқчи эмасман-у, ҳар қалай вақти-замонида ўзингиз айтган бир гап миямда муҳрланиб қолган: "Проза одам одам билан бемалол, очилиб суҳбатлашгани сингари табиий бўлиши керак". Шундан бери қарайман, кузатаман, ўқийман. (Ёзганларингизнинг деярли барини ўқиган чиқарман). "Эл қатори" анча жимиб кетдингиз ҳам. Кейин: "Тиқин", "Ҳали ҳаёт бор", "Тугмачагул", "Дутор билан танбур", "Ўзи уйланмаган совчи", "Рӯё ёҳуд Фулистанга сафар""", (шу романни андак истисно қилганда) табиий маромни кўраман. Ўйлаб қоламанки, бу бошқаларга ўргатиб*

ё татбиқ қилиб бўлмайдиган Аҳмад Аъзамнинг ўзигагина хос ижодий принципи бўлса керак...

– Адабиёт, сўз санъати ҳақида гапириб турганда, одамнинг бирдан ўзига ўтиши жуда ноқулай. Саксонинчи йиллар жаҳон адабиётiga айниқса ружу қўйган йилларим. Битта мен эмас, қирқ тўққизинчи йил авлоди деймиз, бизга дунёнинг сара асарларини мутолаа қилиш, ўрганиш бир урф эди. Мен рус тилини "твоя-моя" даражасида билган ҳолимда, ўқиши ҳарбийда бирданига Д.Ж.Селинжернинг "Над пропастю во ржи" асаридан бошлаганман. Кутубхонада бор экан, сўзни сўзга тўқишириб, йигирма кунлар босиб ўтириб ўқидим ва шу билан рус тилидаги гўзал таржималар билан танишишга йўл очиб олдим. Хемингвейнинг бир сұхбатини ўқиб, у ўқиган ёзувчилар асарларини қидиришга тушдим, адабиётшунос бўламан деганим учун ёзувчиларнинг ўз ижодлари, адабиёт ҳақидаги сұхбатлари, улар ҳақидаги тадқиқотларни ўрганиб, ҳаёлпимда дунёнинг сара ёзувчилари рўйхатини тузиб олдим. Шу билан аста-секин жаҳон бадиий тафаккур майдонини ўз билигимча кезишга тушдим. Ҳозир ҳам Ясунари Кавабата, Хорхе Луис Борхес, Жан Пол Сартр, Ғуломхусайн Саадий (русчада "Саэди"), Макс Фриш асарларини қайта мутолаа қилиб турман. Тили оҳорли-тоза асарларни севаман, табиийки, "Қиссаси Рабгузий", "Бобурнома" тили қанақадир, энтиқтирадиган ҳаяжонларга тортиб кетади, ростдан! "Ўткан кунлар", "Ўтмишдан эртаклар". "Болалик", "Шум бола" ёшлигимдан тилига маҳлиё бўлганим асарлар. Тили унча тоза бўлмаган асарларни ўқий олмайман, жумладан қиёмига еткизмай қилинган таржималарни ҳам. Демоқчиманки, мени танқидчиликни ташлаб, ёзувчи бўлишга ундан омил шу. Дунёнинг сара асарларидан жуда кўпини ўқиб юрдим, рус тилига қилинган шу таржималар орқали шакландим. Ёзувчи бўлиб, у-бу нарсаларга эришган бўлсам, ана шу таржималар ва ўз адабиётимиздан териб-тергилаб олиб ўқишим туфайли. Ва бунда, албатта Самарқанд университетида Навоий бобомиздан чуқур дарслар олганимизнинг ҳам улуши жуда катта. Қанақа ёзувчи эканимга ўзим бир нарса дейишим қийин, баҳони китобхон беради. Мен қанақа ёзувчи бўлишга интилганимни гапиряпман. Шу ўқиш, ўрганишлар маромида ўкувчи, китобхонни ҳурматлаб, унга ақл ўргатавермаслик, ҳаёт ҳақида унинг ўзи ҳам биладиган хуласаларни тикиштирмаслик, тенденцияю мафқурадан қочиш, холис туриб, тасвирдан фикр чиқариб олишни ўқувчининг ўзига қолдириб ёзиш йўлини танлашга ҳаракат қилдим. Ҳа, сиз айтгандай, одам билан одам очилиб гаплашгандек тасвирлашни. Бунинг тагида, албатта, тасвирни худди расмга туширгандек ўзини бериш назарда тутилмайди, детал, тафсилот, воқеа ҳам ўқиган одамда бошқа таассуротлар ўйғотиши лозим. Ёзувчи холис қолади, ўзини билмасликка олади, баъзан анойи тутади, тасвирлари кераксиз ҳам туюлади, лекин тил оҳанглари билан тортиб туради ва шу оҳанглар китобхон кўнглида акс-садо бўлиб, фикр ўйғотади. Орзуим шунақа чиройли. Қани эди шундай ёза опсам дейман.

Бир маромда, узмай ёза олмаганман, бир ишда ишлаган пайтларим ёзмаганман, шунинг учун кўп жойда икки йилга бориб-бормай, бўшаб кетавергандан. Факат ТВда ўн бир йилдан ошикроқ ишладим, шу пайти ҳам ёзмадим, орада муҳарририят алмашгандан учта ҳикоя ёзиб қолганимни истисно қилса. "Рӯё"гача бир маромда келган бўлсам, ўша ўзим эканман. "Рӯё"ни дардда ётиб, дард билан ёздим. Ишқилиб тутатай деган хавотир, М.М.Дўст айтгандай, "васваса билан" охирига етказдим. Ҳаммаси ўзининг табиий маромида, ютуғу камчиликла-

ри билан бирга бўлсин деб, одатимга хилоф равишида тилига ҳам қайта тегинмадим. Яна ёзишни мўлжал қилган, бошлаб кўйилган нарсаларим бор, уларга ҳам вақт қолиши, куч етиши керак эди. Худо хоҳласа, сиз айтган, менга хос ижодий принцип шу уринишларимда кўринса керак. Билмайман яна нима дейишни, куч берса, ёзаверай-чи; ёзишнинг ўзидан ҳам каттароқ гап йўқ мен учун.

– *Ёш ёзувчилардан бири бундан роса 15 йил бурун “бу ёғига адабиёт элитарлашади” деган фикр айтуди. Ўзи-ку ёзувчи ўшандан буён тамоман жим. Лекин ҳар замонда ён-веримга қараб, мен ғафлатдалигимда адабиёт жонивор “элитарлашиб” қолмадимикин дейман... Сиз ҳам шунақа фикрга борганимисиз?..*

– Бу саволга жавобни мисолдан бошласам. Саксон еттинчи йилмиди, ёзувчилар уюшмасига Париждан “Аксион поэтик” деган журнал вакиллари келди. Улар билан танишдик, сұхбатлашдик. Гапдан гап чиқиб, қайсимиздир бизда Эркин Воҳидов, Абулла Ориповнинг шеърий тўпламлари саксон-юз минг нусхада чоп этилишини айтган эди, французлар анграйиб қолди. “Мен сизларда қанча нусхада босилади?” деб қизиқдим, э-э, буларни тоза уриб кетган экан-ку деган маънода. Улардан бири “Юз-икки юз нусхада. Буни ҳам шоирнинг ўзи чоп қилдиради, ёру дўстларига тарқатади, ўтса яна чиқаради. Катта тираж беш юзга боради-да”, деди. Мен ажабланиб, “Дунёга машҳур шоирларингиз ҳам шу аҳвондами?”, деб сўрадим. “Ҳа, мен буюкларни айтяпман”, деди. “Шеърият бундай бўлса, прозанинг аҳволи қандай? Масалан, Францияда яшаётган Нобел мукофоти лауреати Семьюэл Беккет асарлари қанчадан босилади?”, деб сўрасам, “Беккетни уни тушунган одамларгина ўқииди. Булар ҳам кўп эмас. Беккет театри ҳам бор, унга эллик-олтмиш хос одамларгина тушади” деди. Мен Чингиз Айтматовни сўрадим, “Унинг асарлари катта тиражларда босилар экан-ку сизларда ҳам?” деган саволимга, “Ҳа, Айтматов катта тиражда босилади. Лекин у бестсеплер”, деб гапни лўнда қилди.

Узун мисол бўлди, лекин нима демоқчилигимни билляпсиз. Китобхон деганимиз бир хил юксак дидли одамлардан таркиб топмайди, ўқиётган омма қизиқиши, диidi, билими, савияси, дунёкараши турли даражада бўлган қатламлардан иборат. Бутун дунё китобхони шундай. Дўйон пештахталарини асар эмас, асарлар босиб кетди деймиз, демак, шунча нарсага талаб бор, уни ўқиётган омма бор-да. Нашриётлар ҳам ўтмайдиган молини саводога қўймайди. Бадиияти теран асарларни диди теран китобхонлар ўқииди, бу қатлам унча қалин эмас, озчиликни ташкил қиласди, келиб чиқадики, адабиёт элитарлашяпти. Дунёнинг илғор адабиётлари шундай: ҳар бир китобхон қатламишининг ўзига яраша маҳсуллари бор, лекин, келинг, шунақа дейлик, юксак адабиётни бозор адабиётидан паст кўрмайди, айни пайтда бозор адабиётини ҳам юксакка кўтартмайди. Ҳаммаси ўзининг ўрнида, ўз мароми билан ривожланади. Ҳусусан ўзимизнинг шароитга келсак, адабиётнинг бачки новдалари ғовлаб кетиши бор, лекин бу шохлар мангу кўкариб турмайди. Элитар адабиёт умуман адабий жараённи озиқлантириб, бачки новдаларни қайчилаб туради бари бир.

– *Адабиёт, ҳусусан, насрининг ўзини олганимизда ҳам ҳад-худудсиз бир макон. Умрбод ўқувчи бўлиб яшаб унинг сарҳадига етиши қийин. Фақат машҳурларнинг асарларини ўқишига улгурши ҳам маҳол. Бизда классик романчилик анъаналари бор.*

Ҳозирги кундаги проза бари бир кечагидан фарқ қиласди. Бу ҳам табиий. Сабаби бугунги одам бугунги шарт-шароитга мослашиб яшаетпти ва ўз-ўзидан фикр-ўйи ҳам, муаммоси ҳам кечагиникидан фарқ қиласди. Кеча сокин ва турғун бир кечмишида яшаётганимизда Тогай Мурод ҳалқона оҳанг ва дардлар билан қиссалар ёзганида севиниб, севиб ўқишига тушиб кетганмиз. Бугун, масалан, шу кайфиятдаги ёзувчи чиқишига ва сўнг одамлар унинг асарларини ёпирилиб ўқишига кишининг кўзи етмайди. Пафос дегани ҳам айрим замонларда кўтарилиб, бошқа вақтда тушиб иўқолиб кетади шекилли-да. Умуман олганда бугунги ўзбек насрининг ўрнини қандай баҳолар эдингиз?

– Нима бўлганда ҳам насрининг ўзи ҳам, аҳамияти ҳам иўқолмайди. Ўзгаришлар тубдан ё очиқ кечиши мумкин, лекин миллатнинг маънавий эҳтиёжи бир-икки давр ё навбатдаги мафқура билан қониб қолмайди. Бадиий тафаккур ҳаракати азалий-мангу жараён. У ҳозир сустлашгандек, унинг гуркираб кетишига ҳаво етмаётгандек туюлар, лекин туб оқимлар ҳаракатдан тўхтамай, ўзишини қилиб, янги истеъододларни етишириб ётибди. Мен, масалан, ўзимга нисбатан ёш, лекин аллақачон катта адид бўлиб танилган Назар Эшонқул, Сиз, Иса-жон Султон, Улуғбек Ҳамдам кабиларни назарда тутяпман. Бир давр шеъриятини бадиий тафаккурдан айрича олмаслик керак, бизда кейинги йиллари, Мустақиллик замонида шеърият янгича талқинлари билан олдинга ҳам ўтди, унинг Фахриёр, Абдували Кутбиддин, Баҳром Рўзимуҳаммад, Азиз Саид, Хайрулло Файз сингари устунлари борки, булар ўзларидан кейингиларининг эркин фикрлашига кенг йўл очиб беряпти, жуда ёшлар орасида унда-бунда ҷиқиб, ўзларининг янгича фикрлаш тарзини намойиш этаётгалири бор, мен шуларга қараб, жараёнга некбин ёндашишга уринаман. Ҳозир бугунги ўзбек насрига бир қарашда аниқ ташхис бўладиган баҳо бериш мушкул масала, Иzlaniшларнинг жуғрофияси жуда кенг, кўп юза қатламда, ҳали шаклланмаган, айтганимдек, туб оқимлар кечяпти, ҳали унча юзага чиқмаган, кейин, адабиётимиз, жумладан наср тарғиботи шу реклама замонида ўгай соҳа бўлиб келяпти. Ҳозирча, эртанги наср ҳам аниқ белги бераётгани йўқ, лекин тагдан қалқиб турибди, ёриб чиқиб қолар деб умид қиласми. Зоро, ҳар қандай шароитда ҳам адабиёт ривождан тўхтамайди. Янгиланиш руҳи, янгиланиш эҳтиёжи бугунги ўзбек насрининг хос аломати бўлса керак.

– *Таниқли ёзувчи Мурод Муҳаммад Дўст шоир Фахриёр билан сұхбатида (“Ёшлиқ”, 2012 й. 4-сон) япониялик X.Муроками, бразилиялик П.Коэльоларни пуфлаб шиширилган “даҳо”лар деб атайди. Тўғримикан? Шунингдек, “Уруш ва тинчлик”, “Акука Карамазовлар”, “Мастер ва Маргарита”, “Арсеньевлар ҳаёти”, “Доктор Живаго”, ҳамто Айтматовнинг айрим романларини ҳам “орқаси кенг” баъзи зиёлиларгина ўқиятти десак бўлади. Ўзи адабиётда қандай асарлар яшаб қолади?*

– Кейинги ўн беш йиллар мобайнида иш, сиёсат ва турмуш ташвишлари билан бўлиб, илгаригидек кўп ўқий олмаганман. Жараёндан узоклашдим, ёшлиқдаги ишонч кетди, ҳакамлик қилишга ҳаддим симайди. Кейин, рус тилидан бошқа хорижий тилларни билмайман, бинобарин, чет адабиётни аслиятида ўқишим имкони йўқ. Мен ҳам кўп қатори жаҳон адабиёти намуналарини рус тили орқали, русларнинг танловида, улар тавсия қилганларини ўқийман. Масалан, Муракамини ҳам, Коэз-

льони ҳам мутолаа қилганман. Кафкани, Сартрни, Борхесни севиб ўқиган одамда кўттар-кўттар бўлган бу ёзувчилар унча ҳайрат уйғотмайди. Масалан, буларнинг ҳеч бирини Камю даражасига қўймайман. Памук асарлари ҳам менга халқаро Нобел мукофоти оладиган даражада туюлмади. Сиз тилга олган асарлардан Толстой ва Достоевский романларини баҳодан баланд туришини таъкидлашни истар эдим, Ч.Айтматов асарлари эса ҳали вақт, замон синовида.

Хозиргиларидан қандай асарлар яшаб қолади, деган саволнинг жавоби келажак китобхонига ойдин бўлади. Ҳар ҳолда, аччиқ ҳакиқат, шаккоклик эмас бу, кўп асарларимиз тарих чифтириғидан ўтмайди. Кимdir ё кимларнингдир ҳоҳиш-иродаси билан эмас, замон ўзгариши, мафкура – фикрлашимиз янгиланиши билан қанча асарларимиз ўтмиш мулкига айланди, бу жараён ҳали давом этяпти, адабиёт эҳтимол шафқатсизларча ўзини тозалаяпти, бизнинг ёзганларимиздан қанчаси бир куни ўтмиш мулки бўлиб қолади, бу – бошдан дўпини олиб, хотиржам ўйлаб кўрадиган масала.

– Ёзувчилар уюшмаси ҳузуридаги ташкил этилган “Ижод” жамоат фонди кўмагида адабиёттимизнинг кўзга кўринган асарларини инглиз, испан, немис, рус тилларига таржима қилиш ишлари бошланяпти. Ўзбек адабиётининг қайси намуналари дунё миқёсида бизнинг юзимизни ёруғ қиласи деб ҳисоблайсиз?

– Э-э, шу саволнинг жавобига қийналаман. Гап ўзинг кимсан деган эътиrozга рўпара келишимда ҳам эмас. Адабий танқид билан шуғулланмай қўйганим боиси шунда. Дунё адабиётининг энг зўр асарларини ўқибериб, ўзимизга чофиштириб кўра бошлаганда, очиги, айни шу янгиланишини “уриш” эмас, қўллаб-кувватлаш кераклигини англаб, “оташин” курашнинг бефойдалигига ақлим етди. Чунки, шуро даврида шунча довруғ қозонган адабларимиз бўлишига қарамай, бадиий тафаккурда ёш, навқиронлигимизча қолганимиз. Адабий

тилимиз ҳали довонлар ошиши керак. Буни нечоғли зарурлигини бадиияти, дунёбинлиги бизнидан тубдан фарқ қиладиган, тафаккур тарзи ўзгача асарларни ўз тилимизга ўтирган таржимонлар жуда яхши билади. Тағлама орқали биздан қилинган таржималарда ғалати ҳолат пайдо бўлади, тили, бадиияти ғариб, лекин воқеаси, сюжети чет эл китобхони учун қизиқ туюладиган хомашёдан бинойидек асар яратилади. Четга чиқкан яхши асарларимизнинг ўзи ҳам жуда кам, бир миллат адабиётини таниш учун тўла тасаввур бермайди. Лекин ўзим ўқиб келаётган чет эл ёзувчилари асарларига хаёлан қиёсласам, биздан уни таржима қилса бўлади, буниси бўлмайди, деган гапларни айтишга, очиги иккилана-ман, гапни бемалол кўйиб юборишга кўрпамиз калталик қилмасмикан дейман. Чўбир отлар пойгасидан воз кечиб, ўзимизга қайтайлик, аслимизни тиклайлик; эгамен мамлакат, мустақил миллатмиз, типимиз давлат тили, ўзимизга қолди деб, уни бунча топтамайлик, ривожлантирайлик. Аввал адабий уйни саришта қилиб олайлик, дунёга чиқиш қочмайди... Юзимиз биринчи галда ўз китобхонимиз олдида ёруғ бўлсин. Адабиёт, адабий асар биринчи галда тил ҳодисаси, у миллый тилда яратилади, унинг миллый жарангি бўлса, четдагилар эшитади, йиртиқ карнайу тешик чилдирма билан дунёга чиқишини ўйлаша.. ҳай, билмадим.

Ижод фонди ғайрат қилаётган эканми, омадини берсин! Лекин бу ёқдаги эмас, у ёқдаги конъюктурага қараш керак. Ўзимиз ошна-оғайнингарчилик қилиб тузган расмий рўйхат бўйича қилган ишнимиз у ёқда изсиз ўқолиб кетиши мумкин.

Ҳа, яна бир гап айтмоқчиман, яхши асар уни ўқийдиган яхши китобхон бўлсагина, уни кўзлаб ёзилади, бинобарин, китобхоннинг асар яралашида ҳиссаси катта. Бу учун ҳам унинг танглайи яхши китоблар билан кўтарилган бўлиши керак.

Суҳбатдош: Собир ЎНАР



Aҳмад АЪЗАМ

ОЙИМНИНГ ГАРАШАЛАРИ

Матн

Бир мунг келади, қадимлардан тўғри чиқиб, кўкрагимни қийиб ўтганича эртанги кунимга тортилиб турди бу ингичка сим дор. Болалик кунларим шу дорга тизилган.

Ойим, тиззаларида тикиш, нигоҳлари игна тешигидан ўтиб, узок-узокларга – қизилклари ўтган узоқ тоғдаги Гараша деган қишлоққа кетиб қолган. Оғир сўлиш олишларидан биламан: э-э, тошқўронда турар эдик, бир ёнғоқлар бор эди, бир ёнғоқлар! Хаёлимга ҳайбатли тоғлар келади, шарқираган сойлари бўйи қуюқ ёнғоқзор. Ойим бир куни сув олишга тушсалар, бир одам осмонинг шохалаб кетган шундай ёнғоқнинг тагида унга қараб туриб: “Э-эҳ-ҳе! Аққол солибди бу！”, деган экан, шифил солиб турган ёнғоқ бечора шу заҳоти ўртасидан қарсайрилиб, синиб тушибди. Кўзи шунака ёмон одам, бир нарсага тикилмасин, тўғри бўлгани одамми, ҳайвонми,

ўзича ўйсиз ўсиб ётган дарахтми, нима бўлмасин, шикаст етар экан. Яхши ҳам кўзи ёнғоққа тушган, ойимга қарамаган, қарагандами, Худо кўрсатмасин, ойим ҳам, мен ҳам бу ерда шундай ўтиргмаган бўлар эдик деб, неча-неча йиллар олдинги хавотирдан энди сесканаман. Қўрқанидан елкасидаги обкашга илинган сатилдаги сувгача дир-дир титраётган кичкина қиз кўз олдимда келиб, Гарашага, ойимнинг ўша ёшликларига тушиб бориб, кўзлик одамдан қўригим келади.

Ойим Гарашани гапиришдан олдин бир чукур нафас олиб оладилар-у, мени бу ерда қолдириб кетадилар. Гарашани гапираётгандарига эгилиб пастдан кўзларига қарайман: йиғи йўқ, йиғлагани ёш қолмаган.

Бугунларга келиб биламан, йиғлайдиган кўнгилларини ўша Гарашага қўйиб келгантар, бу кўнгил қўл бўшаб, тинчини топгани чоғлари “хий-й” деган сўзиз



фарёд бўлиб изланади, йилларнинг тах-тахидан сизиб ўтиб келиб, менинг ҳам юрагимни симишладади.

Самарқанд уч юзу олтмиш дара,
Кўрмадим ҳеч бир одами дусара...

Маталми, қўшиқми, хиргойими, нималигини билмайман, бошқа давоми йўқ. Ойим менга мени кўрмай бир қараб қўядилар. Ўзимни кераксиз, бегона сезиб, юрагим шувиллаб кетади. Сўрашга тилим айланмайди. Биламан, э-э, болам, одамзотнинг бир гапи-да бу ҳам, деб қўядилар, холос. Ичимга ғулгула кириб, ойимга шу ўтиришимда қараб туриб, ўзим кўрмаган Самарқанднинг кунгуруали қоялари устидан учиб ўтаётган бўламан, пастдаги дараларда оломон шовқинлайди, ғовир-ғувурда отим ҳам умид билан чиқиб туради, шу учган кўйи юрагим така-пука, одами дусаранинг изига тушганман, уни излайпман-у, учратиб қолишдан кўркаман; калласи иккитами ё орқа-олди ҳам бет битта бошми деб кўз олдимга келтиролмай ҳам ғам босади. Унинг йўқлигини, минг изласам ҳам учратаслигимни билиб, излаш ваҳмидан қутулгим кепмайди, шу ваҳмда учиш нимадир мардлик ҳам бериб, ойимнинг ҳимоясида кезавераман.

Кўп учганман ўзим кўрмаган Самарқанднинг устида.

Тошкўргони қанақа бўлса, уйлари ҳам тошдан тикланиб, баланд деворлар билан ўралганмикан? Фазирамиздаги уйлар хомғиштдан қурилади ё синч. Иморатларнинг қўшошёнлиги йўқ. Чиқиб баҳорикордан қараса, ҳаммаси устига ғубор ёйилган кўклика кўмилиб қўринади. Ғубдин тогимиз етти чақирим нарида, қорлар биринчи ўша ёқса тушади, лекин қишида туравермайди, ҳар қанча ёқсан ҳам кўкламнинг бошига етмай эриб кетади. Ўнагани чиққанда бургут-мургут деган нарсаларни кўрмаганмиз. Архар бўлган дейишади, лекин бу ҳам маҳоват, ҳамма тоғда бўладиган айиқнинг уруғи ҳам йўқ. Ҳай, номига каклиги бор, одамлар тутиб, тўрқовокда сайратиб қўйганини эшишиб қоламиз. Тогимизнинг нари ёқлари ичкарилаб кетган, жуда катта деб гап қилишади, аммо бу ёқдан, Фазирамиздан кул босган тепалик мисол кўринади. Тоғ оти бўлгандан кейин қўр тўкиб турса, унга қараганда кўнглинг кўтарилиб кетса-да.

Ҳе-е, бу ёқда сиқилишдан бошинг чиқмайди. Ойим устимда қарчигайдек қанот ёзиб олганлар: ҳай болам, у билан ўйнама, бу билан пиёла алишма, ҳом сув ичма, офтобанинг офтобда қолганига қўлингни ҳам ювма, терлаб Қипчоқариққа тушма, наҳор уйдан оч чиқма, бир тишлам нон билан бир пиёлагина чой эсингда турсин, ўйталсанг жон қоладими менда, тиришма гапимга, аччиқчандан ўргилдим... сени одам қилгунча ўзим ўлиб бўламан...

Тугамайди! Қақашашга мени атайлаб туққанлар, тергаб толмайдилар. Ҳа, қўйманг, деб бақириб ҳам бераман, ер тепаман, араз қилиб сакраб тураман, далаға кетиб қоламан. Э тавба, ўзимда эс йўқми! Ахир, ўйнамайми ҳеч ким билан, мактабга бормайми, тўйга кирмайми! А, у одам айириб ўтирасаса, бир доридими, кейин тамом, бу бола яхши бола, овқатдан олдин қўлини ювади, қўлини касали борлар билан бир товоқа узатмайди, пиёла алишмайди деб қўйиб қўймайди, олиб кетаверади. Ойисининг айтганини қиладими, қилмайдими деб сўраб ўтирадими!

Лекин ойимдан кун йўқ, жуда ошиб тушадилар – сувга туилилиб қолсам ҳам юраклари ёрилади!

Мусаллам мен тенги, ҳамсоямиз, орамизда битта уват, уларнинг ошқадиси палаги бизниги ўтиб тугади,

куритмагунча кетмади. Олдин отасини олди, кейин Мусалламни, дардларда қўйган онаси сўғин йиқилди, йўқ, орада онанинг укаси, Мусалламнинг катта тоғаси Баҳром ака ўтди (у кишининг хотин-бала-чақаси нима бўлди, ёдимдан буткул ўчган, лекин иккита рўзгор битта ҳовлида, Мусалламнинг отаси ичкуёв эди шекилли), сўнгра ҳали уйланмаган кичик тоғаси Ҳамдам ака ҳам қайтиш бўлди. Битта беш ёшли Тешани амакиси Эшим кал ўзига олгандан кейин, шунча боласини ютган азахонада ғам ютиб бир боши билан Зийнат холанинг ўзи қолди. Таравадай қотган, касал илинадиган эти ҳам йўқ питрак кампир энди яшаб ҳам нима қилдим деб, дунёга кўл силтаб ўзи ҳам кетиб юборди. Тупиркилос обод бир ҳовлини секин-секин одам турмайдиган чолдеворга айлантириди. Эшим кал ўзига янги жой қилгандা бу уйларни бузиб, болорларини олиб кетгандан кейин деворлари осмонга анграйиб, одамнинг юрагини увиштирадиган ваҳимазор бўлди-қолди. Бир ўзим бўлсан, тиклаб қараашга ҳам юрагим бетламас эди: кимдир паст бир йиғи товуши билан ўзига чақираётгандек туюлаверар, бу йиғи Мусаллам ҳам бўлар эди. Ҳовли неча йил ташландик ётди, ҳамма ерда юрадиган илон ҳам чиқмади бу ердан, балки шу палакат нарса ҳам омонатини авайлаб бу ерга яқин йўламагандир.

Асли бутун балонинг кони кунботишдаги Пўшкинда эди. Шамол ўша ёқдан туради, тупиркилос касалларнинг йўталган нафасини бизнинг Фазирага олиб келади! Шу заарланган ҳаво тўғри ўпкага урилиб тургандан кейин гўрга қочасанми! Сил касалликлари шифохонасини куриб қўйган ўша ерда, бутун тумандан ётқизилган силлар йўталиб, кўхна касални ҳавога ёйиб ётади. Нимага бунақа касофатхона одамларнинг орасида, қишлоқнинг ўртасида бўлиши керак? Овлокроқ жой куриб кетганими? Ана, Губдиннинг тагидаги Қорақасмоқ, одам турмайди, дараҳтлари кўп, серсоя, саратонда ҳам ҳур-ҳур шабада уриб, тоғдан бери ёйилган баҳорикорларга ўтиб кетади. Кейин, қадамжой, ёздан одамлар бориб жонлик қилади, кўй сўяди, касалларга ҳам яхши. Қиши қаттиқ, ёзлари қайнаб кетадиган паст ҳаволи, чанг-чунг Пўшкинда пишириб қўйибдими!

Биз томондан, Фазирадан туриб тикилиб қараса, тупиркилоснинг шу Пўшкин ёқдан, ўртадаги Исталиннинг дараҳтлари оша ими-жимида сийпалиб ўтиб келаётгани қўриниб қоладигандек ҳам туюлар эди.

Лекин ногаҳонда ўзи ҳам лоп этиб келиб қолади. Мактабга борсак, оқ теракми-кўқ терак ўйнаб, копток тепадиган жойимизда сўррайиб турган бўлади-да! Ҳамма ёғи, ойналари ҳам бир хил оч кўкка бўялган узун тобут! Қочиб кетишига оёқ ҳам ишламай қолади. Ана, касали очилиб қолишидан кўрқди, деган гап чиқиши бундан ёмон... Қатор навбатда турамиз, ҳамма ўзи билан, ўзининг жони ташвишида, атрофга жавдираймиз, бир-биримизга бегонасираб мўлтираймиз. Касал эмасман, кирмайман, менга тегманлар, деб ичимизда изиллаб йиғлайверамиз, лекин химоячи йўқ, отамиз, онамиз бу ерда эмас, муаллимларнинг эса ўзлари ушлаб беряпти. Коронғида қалт-қалт титраб, яланг кўрагимизни рентгеннинг совуқ темирига тутамиз, гира-шира кўринаётган халатли хотинга унсиз ёлвориб қараймиз. Автобусдан тушгандан, қаранглар, мана, бу касал чиқди, ушланглар, деб яна шу автобусга тикиб Пўшкинга жўнатиб юборишадигандек, фирра жуфтакни урамиз. Синфда ё кўчада нафас ростлаб олгандан кейин, дўхтир хотин хеч нима демади-ку

деб, мардлигимиз ҳам тутади, рентгенга қўрқмай тушганимизни мақтанамиз, намойишга қаттиқ-қаттиқ йўталиб, бу бошқа нарсадан деб бемалол изоҳ берамиз.

Яна битта эмлашлари бор, бу ҳам қўрқитади-ю, лекин кўпчиликнинг ичида, рентгенчалик эмас. Билакни чизиб тилиб, ачитмайдиган ҳам бир дори кўйишади: касални шунақа қилиб юқтириб кўришар экан, агар тилинган жой қизарип шишса, организм соғлом, қаршилик кўрсатяпти; шунақа гапга жуда ишонамиз, организм нималигини ҳам биламиз, шишмаса – урди Худо, Пўшкинга талабгор, энди бошланаётган бўлса, семиз-семиз кўй гўшти, кўйруқмойни уравериш керак, шунда қайтади. Катталарнинг оғзидан олинган бу гапга жуда ихлоқ қўйганимиз.

Бир куни нимадир иш билан Пушкин колхозига борганимда ўша касалхонанинг олдидан ўтдим. Даҳшат – одамлар яшайдиган жойнинг ўртасига қурилган! Гирд айланаси ҳовлилар, эгалари эса ёнларида шунақа юқма касаллар борлигига парво қилмай, бемалол кириб-чиқиб турибди. Эй инсонлар, ахир, ахир... нимага бу ерда яшайсиз, деб бақиргим келди, лекин буни ўзлари ҳам билади-ку, қаёққа ҳам кўчишсин, бирор босхана жойда уйлар куриб, тайёрлаб қўйибдими, кейин ўзлари ҳам ўрганиб, иммунитет пайдо бўлган, дедим яна ичимда. Иммунитетни ҳам кўп гапирав эдик: одамда шу кучли бўлса, мингта касалнинг ичида бало ҳам урмайди.

Тупиркилос Мусалламларнинг оиласидан шунча одамни олиб кетиб, ўртада девор ҳам йўқ, худога шукр, ўйимиздан биттамизга ҳам кўзини тикмади. Бу энди ойимнинг ғайратларидан. Энди ўйлаб қойил бўламан, нима қилиб бўлса ҳам бизга касал текизмаганлар-да.

Кушда тиним бор, менда тиним йўқ, дер эдилар. Эртадан кечгача рўзгор билан томорқага фидо, кўзу кулоклари бизда, катта қидиришлари Фазиранинг бозорига тушиб келиш. Ҳатто Самарқандга ҳам бормаганлар. Жиндай нафас ростлаб, қўлларига тикиш олган пайтлари Гарашани дард қилиб қоладилар, унинг тош кўргонлари оралаб ёнғоқ тагида шарқираган сойида ҳасратлари оқиб кетади.

Гарашани ойим бу ёққа тушгандаридан кейин қайтиб кўрмаганлар, шундан у кишлоқ хаёллари кун-кундан чирой очиб, ёнғоқлари тобора гуркираб, тоги ҳам осмон қадар баландлаб кетаверган. Фақат Самарқандда кўринмаган одами дусара тўғрисидаги мунгли маталларининг мағзини чақа олмайман. Нимага дараси уч юзу олтмиш эканини ҳалигача билмайман. Лекин шуни айтсалар, нимагадир Гарашанинг тоғлари менга яқин келади, қорларидан оқиб келган ҳаводай тип-тиниқ сувлар бўйида, тош кўргонларида яшайдиган одамлари ёнига касал ҳам чиқа олмайдигандек туюлади, ўша ёқда бўлганимизда ойим менга бунча кўп жаврамаган бўлур эдилар.

Фазиранинг кўкликлари ичида сувга чўккандек юраман, нимага қишлоғимиз тоғда эмас деб кўнглим чўқади. Губдинимизнинг булат кўланкасидек келбатига қараб ўзимни камситаман: нимага бунча паст, чўқилари чўққи эмас, дўнгалак, қищдан ёқкан қордан ёзда оқ қаллоп киймайди, шу ҳам тоғ бўлдию. Лекин Гараша! Катта бўлсан, ойимни олиб бораман, деб шунчалар орзу қиламанки! Аммо катта бўлиб, ўзимдан бўшамадим, машиналик бўлиб, олиб боришга имкони келган пайти эса ойим ётиб қолдилар – армонлари менга қолди.

Хозирлари шаҳарда яшайман.

Мен турган жойдан тоғлар кўринмайди.



Ўрз ҲАЙДАР

РУХИЯТ ФАРРОШИ



Мен илк машқларимни эслолмайман. Аммо “Гулхан”, “Ғунча” сингари журналлар таҳририятидан кўнгилни кўтарувчи мактублар олганим эсимда. Ўша пайтлари қўлига қалам туттган кимса борки, улардан “тарбияловчи” нимарсалар талаб қилинган. Бизнинг қишлоғимизда бир машҳур молбоқар бўларди. Мен илк марта ана шу киши ҳақида ёзганман. Унинг ўзидан ҳам номи машҳур эди. Биласизми, ана шу одам кексайган чоғида дилдан ҳамсұхбат бўлдим. “Поданинг энг яхши соғин сигирларини “катта”ларга совға қилардим-да, ўрнини кичикроқ ғунажинлар билан тўлдириб қўярдим, болам”, дейди. Бу қаллобликда подачининг қанчалик айби борлигини билмадиму, аммо ана шу “ишбилармон” киши ҳақида шеър ёзганим рост.

Мақтанишга йўймассиз деган умид билан айтишим мумкинки, мен болалиқдан шеърга нисбатан жуда талабчан эдим. Шунинг учун “Ўқиши китоби”ни унчалик жиним сўймасди. Китобдаги шеърлар ёқимсиз эди. “Роса пишса ёз ойлари, Қашқадарё буғдойлари...” сингари туйғусиз шеърларни бидиллаб айтишганида пешонам тиришиб кетарди. Бунақа қофиялар шақилдоғини чалгувчи шеърлар тифж-тифж эди. Айниқса, “Менинг икки онам бор” деб бошлинувчи шеърни ўқиб роса кулганман. Ўқитувчим Жўра



Илк шеърим раҳматли акам Назар Шукурнинг ташаббуси билан “Ёшлик” альманахида босилган. Ўшандада 22 ёшда эдим. Энам раҳматли халқ оғзаки ижодини яхши биларди. Акамиз иккимизга термалар айтиб берарди. Ёзинг сутдай оқшомларида иккаламиздан “Жетиган жулдуз жеттига борса савоб бўлармиш, нафас чиқармай айтинглар” дерди. Акаука бўғилиб қолгунча бу калимани айта-айта ухлаб қолардик. Шоирлик нуқси иккаламизга ҳам онамдан юқан.

Илк тўпламим “Навқирон давра” жамоа тўпламида “Қуёш ўтови” номи билан чиқкан. Қаттиқ суйинган бўлсам керак, энам: “Севинчингни ичингга ют, болам”, деб қўйғанлигини эслайман. Аммо китобимни кўлимга олиб бирор кишига тутмаганман. Профессор Низомиддин Маҳмудов менинг ижодимга алоҳида эътибор берганлиги кўнглимни кўтарган. “Куйловчи тошлар” тўпламим ҳеч қандай баҳоланмади. Ҳеч кимдан эмас, ўзимдан ўксиндим. Мардона ва дадил ёзмоқ кераклигини уқдим.

Энг оғири, акамнинг вафоти мени чилпарчин қилиб ташлади. Узоқ йиллар қўлимга қалам тутолмай юрдим. Ёзганларим охорсиз эди. Туман адабий муҳити эса ниҳоятда ғарип эди. Ана шундай паришон кунларнинг бирида кекса бир чўпон елкамга қўлини қўйиб: “Ўроз, сен ўзингни дадил тут. Энди икки шоир учун яшашинг ва ижод қилишинг керак. Айримлар акаси шеър ёзиб бериб юрганилиги учун ҳам у ёзишдан тўхтаган деб айтаяпти. Сен чекинма” деди. Устимга бир чепак совук сув сепиб юборгандек бўлди. Чўпоннинг мана шу далдаси ҳамон қалбимга қўр ташлаб турди. Шундан сўнг ўз синиқларимни териб олиб, ҳаётга мардона боқдим. Акамнинг қўлёзмаларини алоҳида тартибга солдим. Уларни кўз қорачигидай сақлаб келаяпман. Бир сафар укам Шоимназар: “Шоирнинг орқасида уни тушунадиган одам қолиши керак экан. Мен бу қўлёзмаларни эгасига вафолик қилмаган деб ёқиб юборган бўлармидим” деганида юрагим музлаб кетди. У барибир ҳақ эди. Кўзимдан ёш қуолди. Шоир учун уни тушунадиган таянч зарур. Акамнинг “Орзуси мўл кетса шоирни тушун” сатрлари вужудимга олов пуркайди. У ўзи ҳаёт бўлганида бир варақ қоғозни ҳам менинг зиммамга ташламаган бўларди. Аксинча, менинг тиниб қолишими сира истамасди. Ҳатто ўлимидан икки ой олдин “Санъат саройи” йўллагида менга: “Ўроз, ҳали сен яхши шеърлар, насрый асарлар ёзасан. Сенга ишонаман, зўр шоир бўласан” деганида аввалига тошдай қотдим. Кўзимдан ёш потради. Юрагим ях торти, юришга мадор топмай қолдим. Ўшандада ака-ука ярим кечагача гурунг қилдик. Энди билсам, ўша пайт менга у видолашув сўзларини айтган экан.

Акамнинг вафотидан кейин “Вақт хиёбонида”, “Видо”, “Мени кечир, муҳаббат”, “Сен қайтмассан” сингари китобларини нашр эттиридим. Одил Ҳотамовнинг “Юксакдаги дараҳт” хотира-қиссасини чоп эттиришга эришдик. Хотира-қисса самимий битилган. Китобни ўқиб, акам ҳамон биз билан бирга нафас олаётгандек туюлди. Бу китобларнинг чоп эти-

лишига укам ҳомийлик қилди. Аммо китоблар жуда кам нусхада чоп этилди. Акамнинг қўлёзмаларини ўрганиш жараёнида янги-янги шеърлари топиляпти. Армоним: мана шу битиклар кент миқёсда ўқувчилар кўлига етиб бормаяпти.

Инсон ўзининг ўзи тарбиячисидир. Тўғри, устозлар ижодий туртки беришади. Шеърларимни акамдан яшириб, Одил Ҳотамов билан танишиб қолиб, у кишига кўрсатмоққа журъат топганман. У киши машқларимни ишлаш жараёнида улуғ ижодкорлар асарлари ҳақида тушунчалар бериб борган. Ҳақиқий шеър қандай ёзилишини дам-бадам эслатиб турган. Аҳмад Аъзамга бир туркум шеърларимни кўрсатмоққа жазм қилдим. У киши сийлашни ёмон кўрарди. Роса “патим”ни тўкиб, ўнга яқинини “Ёшлик” альманахига олиб қолди. Туркум шеърларим шу боис матбуот юзини кўрди.

Орадан йиллар ўтиб, иш юзасидан Қарши шаҳрига келишим ижодим тубдан бурилишига сабаб бўлди. Ижодкор изланмай қўйган кунидан бошлаб тўхтайди. Шоир ўсиб ва ўзидан ўзиган ёзмаган куни жарликка қулайди. Шоирнинг тўшаги ҳамиша жарлабида тўшалган бўлади. Шуни айтишим керакки, менинг тенгқурларим ва беш-олти қўйлакни илгари йиртган ижодкорларнинг кўпчилиги йигирма-уттиз ёшида қандай ёзган бўлса, эллик ёшда ҳам шу кўринишида ёзишаютпи. Китобларини қайта-қайта ўқийман, ўша-ўша.

Назар Эшонқул, Баҳром Рўзимуҳаммадлар билан алоқа ўрнатиш менга ижодий қанот бахш этди. Машҳур шоир Абдулла Шер сабоқлари ёзишга ва хушёрикка рағбат уйғотди. Менда ижодий туртки уйғотган ижодкорларни устозим дейишга ҳақлиман.

Шу кунгача йигирмага яқин тўпламларим чоп этилди. Ададига келсак, 45000 нусхани ташкил этади. Айримларини шошиб тайёрлаганимдан изза чекаман. Мен ўзимни катта шоир бўлдим дейишга ҳаққим йўқ. Шоир сафар одами. Ўз дунёсининг сайёҳатчисидир. Ижодкор ёзганидан қаноатланган кун тугайди. У сафар йўлланмасидан маҳрум бўлади. Ўзимга қаттиқ талаб қўяман. Тўғриси, кейинги пайларда мадҳ этувчи шеърлар болалаб кетди. Худди саратон хасталигини эслатади. Юракни гижимлайди. Ҳаводан ҳаво ютолмай қийналасан. Маддоҳлик балои оғат. Баъзида мадҳ этувчи шеърларни қасидага



йўямиз. Қасиданинг ўз шакл-шамойили борлигини унумтайлик. Ҳазрат Навоийнинг “Тафаккур тұхфаси” қасидаси қасида қандай ёзилишини белгилаб берген. Абдулла Ориповнинг “Ўзбекистон” қасидасини олайлик: “Темур тиги етмаган жойни Қалам билан олди Алишер” сатрлари қалбни юксакка күтаради. Қасида бошдан оёқ нурли сатрлар билан тўйинган. Ватаннинг обод ва озодлигини мақолабоп сўзлар билан эмас, янгича ташбехлар билан безатиш лозим. Шўро даврида “Менинг бобомлар – Ленин бобомлар” каби сатрлар билан шеърлар битиб, китобини нашриётдан чоп этилишини талаб қилган қанчадан-қанча шоирларни кўрдик. Ҳатто адабиётга оталик даъво қилганлар ҳам бўлди. Қани, энди уларнинг асарлари? Бор-йўғи макулатурага айланышди.

Адабиётсиз тириклик сувсиз қақраб ётган дарё ўзанини эслатади. Адабиёт – рух фарроши. Инсон руҳи покланмас экан, вужуди оғирлашади. Борлиги юраги тутика қулайди. Адабиёт инсониятни маънавий юксакликка етаклади. Адабиёти юксалмаган миллат эрта қарийди, қуриган оғочга айланади. Бугунги кунда мактаб адабиёт дарсликларида жаҳон адабиётiga жуда кам ўрин берилган. Менимча, 6-синфдан бошлаб жаҳон адабиёти дарслигини яратиш керак. Катта дарёдан сув ичган ёхуд уммон курдатини ҳис этган қалбда ҳаётга теранроқ қараш хусусияти шаклланади. Чехов ёки Фолькнер ҳикоячилигини билмасдан туриб насрда ютуққа эришиб бўладими?!

Яқинда бир гуруҳ талабалар таҳририятимизда амалиёт ўташди. Улар ижодий мулоқотларимиздан бирида жуда аччиқ бир мулоҳазани ўртага ташлашди. Улар айтишдиди, “Хозирда жаҳонниң адабиарни ажратиб бўлмай қолди. Бойвачча тоғаси ёки амакисининг пулига китоб чиқараётганлар кўпайиб кетди. Айрим ёзувчилар бир ҳафтада роман ёзиб ташлашяпти. Ҳашар йўли билан асар ёзувчилар ҳам кўпайиб кетишган. Бу ҳолатда адабиётимизнинг эртанги куни қандай бўлади?” Бугунги ҳар бир фидойи ижодкор ана шу саволнинг жавоби устида бош қотирмоғи керак.

Мен миллый насримизни ерга урмоқчи эмасман. Аммо тан олишимиз керак, насримизнинг орқа оёғи ўз кўлагасига ботиб қолган. Китоб дўкони жавонлари детектив китоблар билан тирбанд. Диңсиз китобхонга эса барибир. Дўкондорнинг адабиёт ҳақида ту-



шунчаси йўқ. Аслида фаросатли дўкондор энг яхши китоблар тарғиботчиси ҳамdir. Ноширларга пул керак. Чўнтаги бақувват ёзғувидан сира ажралмайди. Ахир асарнинг бадиий қиймати бўлмаса, у айниган таомдай гап. У руҳиятни оғулайди. Енгил-елпи ёзилаётган асарлар ва соҳта маддоҳликдан қутулмай туриб, юксак адабиётга йўл топиб бўлмайди. Китобхон Фолькнерни тушунмаса айб кимда? Албатта, адабиёттаниувчиларнинг томошабинлиги, лоқайдилгининг ҳосиласидир. Адабий танқид тугаган жойда суваракча фикрлаш юзага келади.

Адабиётшуносларимиз ўтган асрнинг 80-йилларида адабиётда кўтарилиш юз берганини эътироф қилишади. Аммо бу кўтарилиш адабиётга нима берди? Ёзувчи Назар Эшонкул бу авлодни от минган авлод деб атади. Лекин “Кеча ва кундуз”га бўйлашадиган асарлар пайдо бўлмади-ку! Оннетти, Борхес, Фолькнер, Кортасар, Кафка, Камю, Акутагава яратиқлари каби янги яратиқлар инкишофт этилмади-ку! Менимча, ижодкор ижод бобида тошнинг сувини сиқиб ичадиган бўлиши керак. Бу олий мақом ҳаммага ҳам насиб этавермас экан.

Адабиётимизда кишини қувонтирадиган жиҳат таржимачилик соҳасида пайдо бўлмоқда. Ҳозирда жаҳоннинг етакчи адаблари асарлари она тилимизга ўгириляпти. Буни олқишлиш керак. Қодир Мирмуҳаммедов (марҳум), Низом Комилов, ИброҳимFaфуров, Аҳмад Отабой, Амир Файзулла ва бошқа таржимонлар меҳнати эъзозга лойиқ. Афсуски, бизнинг ижодкорларимиз асарлари жаҳон сари кенгроқ ва очиқроқ бўйлай олмаяптилар. Тўғри, миллый руҳдаги асарларни таржима қилиш жуда оғир кечади. Ҳерманн Ҳесси “Пушкиннинг асарларини таржима қилиб бўлмайди” деган. Шу ўринда Абдулла Орипов асарларини ўзга тилга ўгириш осон эмас. Шоир шеъриятидаги илоҳий оҳанг шовқинга айланниб кетиши мумкин. Бизнинг урф-одатимиз, осориатиқаларимизни билмаган ва танимаган таржимон янглишиши турган гап. Ҳассос шоирнинг шеърларини таржима қилиш аzonни таржима қилиш билан баробар. Жаҳон адабиётининг илғор анъаналари, умуминсоний қарашлар билан шакллантирилган янги оқимлар тажрибалари бу ўринда жуда аскотади. Миллийлик қобигига ҳаддан ортиқ беркиниш ҳам яхшилик аломати эмас.

Бугун ҳукуматимиз томонидан адабиётимизга катта эътибор қаратилмоқда. Ижодкор аҳлини ҳар томонлама қўллаб-кувватлаш учун “Ижод” фонднинг ташкил этилиши ҳам бунинг ёрқин далилидир. Шу озгина фурсат ичиди “Ижод” фонди ҳомийлигига бир неча ёш ижодкорларнинг ilk китоблари катта нусхаларда чоп этилди. Бу яхши-ку.

Республикамида юздан ортиқ нашриёт бор. Ҳар бир нашриёт йилига 20-30 турдаги китобларни босмадан чиқарса, уларнинг сони қанча бўлади? Бу китобларга муҳлис топиладими? Оқибатда мактаб, коллеж ва бошқа ўкув юртлари остонасида пайдо бўламиш. Яхши китоб бўлса-ку бу эзгулик белгиси. Бир чақага қиммат бўлса-чи? Яна китобхон жабр чекади. Яна уларни савиясизлиқда айблаймиз.

Яна бир гап. Вилоятларимиздаги адабий муҳит кўнгилдагидек эмас. Яхши ижодкорнинг асари ҳамиша ҳам ўз қадрини тополмаяпти. Кимdir яловбардорлик қилиши керак. Ёзувчилар уюшмасининг айрим вилоят бўлимлари мендан кетгунча, эгасига етгунча қабилида ишлашяпти. Мисол учун, мен яшаётган вилоятда сўнгги икки-уч йил оралиғида бирор марта ижодкорлар гурунги ташкил этилганини эсполмайман. Мактаб ёки коллеж талабасининг ilk китоби

тақдимоти ўтказилганлиги қулоқقا чалинади, холос.

Аммо шуниси аниқки, чин ижодкор учун булар баҳона бўлолмайди. Фақат ёшларнинг адабий диди пастга шўнғимаслигини ўйлаб айтаяпман, холос. Бизда адабий андишасизлик унчалик модага кирмаган. Бироқ лоқайдлик душманликдир. Айтадиларку, "қарс икки қўлдан". Барibir, ижодий баҳслари бўлмаган адабиёт тўниб қолади. Бу барчамизни хушёр этмоғи керак.

АДИБ ҲАҚИДА

Ўроз ҲАЙДАР – 1957 йил Чироқчи туманида туғилган. ЎзМУни тамомлаган. Ҳозирги кунда Қашқадарё вилояти ИИБ нашри – "Посбон" газетаси бош муҳаррири вазифасида фаолият юритмоқда. Унинг "Қуёш ўтави" (1984), "Кўйловчи тошлар" (1990), "Мусикор" (1993), "Қизалоқ ва қизғалдоқ" (1993), "Ҳазилкаш қиши", "Аксиома" (2003), "Оқ соя" (2004), "Вақт изтироби" (2005), "Яйловдаги оқ чодир" (2005), "Рұхафзо" (2006), "101 сонет" (2010), "Кечиккан фасл" (сайланма, 2010), "Фалак фаввораси" (2012) шеърий ва "Талваса" (2004), "Эн" (2005), "Икки ўлим" (2011) насрый асарлари чол этилган. Бир нечта публицистик тўпламлари нашр қилинган. "Талваса" детектив романи асосида кўп қисмли видеофильм суратга олинган. "Кечикмаган тазаррү" драмаси вилоят мусиқали драма театрида саҳналаштирилган. "White shadow" (инглиз), "Beyaz go lge" турк тилида китоблари чол этилган. Бир туркум шеърлари рус, ассам, тожик, қозоқ тилларига таржима қилинган. Ҳиндистонда нашрдан чиқкан "Ўзбек шеърияти антологияси"да ассам тилида ва "XX аср ўзбек шеърияти антологияси"да бир туркум шеърлари ўрин олган.





Ўроz ҲАЙДАР

Мендан замин ўтар, ўтгунча кутгум

КУТИШ

Менчалик ўртаниб сизни ким кутган,
Она боласини кутмайди бундай.
Ерлик эканин ким мендай унуган,
Ким кутган, илдизин узган юлгундай.

Мендей согинмаган Сизни онагиз,
Отангиз ичикиб тўқмаган кўз ёши.
Раҳмини яшириб дўст-дугонангиз,
Кулиб йигисини этолмаган фоши.

Кўз ёшим тоғ бўлиб ўсгунча кутгум,
Кутганни йўқлаб-да келармии қуёши.
Мендан замин ўтар, ўтгунча кутгум,
Кутаман то фалак бергунча бардош.

* * *

Нега булар бунча шовқинга ўчдири,
Нега? Нега булар бунча бақироқ.
Аммо саҳро каби қалби бўм-бўйидир,
Манглаймас, саробдан толе ярқироқ.

Куриган дараҳтдек қовжираబ сўнган
Дунёқарашиб деган илоҳ эҳсони.
Кўзларида меҳр томчиси тўнган,
Ичиди бор эмии юҳо илони.

Нонуштаси зулмат, ичгани зардоб,
Кўнглингни қилига теккани-теккан.



Ўзиникин эмас, қогозга ўраб
Ўзгалар ҳасратин чеккани-чеккан.

Гарчи Олимп эмас, қўлида ўт йўқ,
Ҳар жойга ўт қўймоқ шавқида жунун.
Ўтинин ёқмоққа тополмасдан чўғ,
Куёшини келтирас тутатқи учун.

ТАВБА

Ёлвормайман, севгилим, кечир,
Таяммумга муҳтож чоги Ишқ.
Мендан бугун, о, ҳамма чўчир,
Бекинади атроф ҳам очик.

Иш тутмангиз экан таваккал,
Кўрсатаркан ҳар не-да кучин.
Кечир, гулим, Худодан аввал,
Сени суюб қўйганим учун.



РАДДИЯ

Йўлнинг ўртасига қозик қоқиб чол,
Эчкисин боғлади ва бўлди хушхол.

Назоратчи келди ҳовлиқиб: – Оббо,
Бу жой ўтлоқзормас, адаиманг, бобо.


Сени шу йўл боқар, ранжимса ҳеч ҳам,
Менинг эчкимни ҳам боқар-да, болам.



Немат АРСЛОН

КЎНГИЛ ТУБИДАГИ ДУНЁ

Хикоялар





ТУМАНЛИ МИНТАҚА

I

Қуёш тўла тутилганга ўхшар, унга ойнинг сояси эмас, ойдан ҳам улкан бошқа бир сайёранинг кўланкаси тушиб тургандай нотабиий бир манзара зухур этган, бутун борлик кўнгиртоб рангларга қоришиб ётганлиги сабабли ҳамма нарса ваҳимали ва айни тобда сирли кўринар, Тушнинг ёлғиз ўзи (у ҳамиша ёлғиз эди) ана шу манзарага бир бўлак шиша синиги орқали қараб ўтиради.

Салтанат ажойибу ғаройиб воқеа-ҳодисаларга нақадар бой бўлмасин, улардан фойдаланишга Тушнинг ҳаққи йўқ. Уларнинг ҳаммаси Миябеканинг тасарруфида ва Миябека ўз салтанатини ғоят қаттиқўллик билан бошқариб тунда ўз аъёнлари билан уйқуга кетишдан олдин ўша ажойибу ғаройиб воқеа-ҳодисалар водийси устига улкан чойшаб ёпиб уларни ухлатиб кўярди.

Қарип қуюлмаган донишманд ва айни пайтда боладек ўйинқароқ Тушнинг тункезарлиги ҳамма ухландан кейин дунёни бошқаришга ўзича бехуда уриниб салтанат кўчаларини айланиши, чойшаб остидан уни чиқиб қолган битта-яримта воқеотни топиб олиб турли-туман шаклларга солиши Bekaga маълум бўлса-да, бундан ҳеч кимга жиддий зарар етмаслигини ҳисобга олиб индамасди.

Декабрнинг узун кечаларидан бирида Миябека ва унинг салтанати уйқуга кетгандан сўнг Туш одатдаги-дек чироқлари ўчган уйлар деразасидан мўралаганча боқаркан, харобгина бир кулбада эртанги дарсга ҳозирлик кўриб ўтирган иккинчи тоифа ўқитувчиси Қурбонони кўриб қолди. Дарҳол қўлига синик шишасини олиб кўзига тутиб қаради.

Шунда Қурбоно ҳам одатдан ташқари нимадир юз бериши мукаррарлигининг дастлабки белгилари зухур эта бошлаганини пайқади ва ишга бориш олдидан ҳар эҳтимолга қарши шимини дазмоллади, жавондан энг яхши кўйлагини олиб кийди. “Крокодил” фирмасида тайёрланган бу кўйлак андек шалвираб қолган бўлса ҳам шуни маъқул кўрди. Тўғрироғи кўйлакнинг ўзи эмас, ёқаси ва чўнтағи устига туширилган кўк тимсоҳнинг суврати унга ёқарди. Шу кўйлакни кийиб, ҳаворанг бўйинбогини боғлаб чиқсан куни ўзини дадилроқ сезарди у.

Кийиниб бўлгач тақвимга қараб кунни белгилади: чоршанба, 1899 йил, декабр.

– Октябр, барқут мавсум, – дейди Туш дераза радига бемалол жойлашиб олиб, – октябрнинг ўртаси, адашма.

Қурбоно деразадан қараб япроқлари зальфарон тус олган тутни кўрди. Унинг ёнида ловуллаган гулханга айланган зардолу ва япроқлари қирмизи рангга бўялган терак. Аммо бу рангларнинг ҳаммаси кўнгиршиша орқали намоён бўлаётгани сабабли туманга чўлғангандай таассурот қолдиради.

Қурбононинг ҳайрати ошди, қошлигини чимириб, “ё тавба!” деганча чўзинчоқ қотма юзини силади, мактабга боргач бу ғаройиб манзара тўғрисида ўқувчиларга гапириб беришни ўйлаб жилмайиб кўиди.

– Йўқ, – деди Туш, – сен мактабга бормайсан, маошинг кам, ҳаётинг начор, тун бўйи ухламай конспект ёзасан, дафтар текширасан, кўргазмали қурол тайёрлайсан, сен бу оғир меҳнатдан қутилиб, ҳеч бўлмаганда

маориф соҳасининг раҳбари бўлишинг керак. Бу хомхалёл Қурбонони чалғитолмади. Шундай бўлса-да, ширин бу орзиқиши ичра иягини силай бошлади, соқоли олинмаганди, эринди, бир кун ишга ўзи хоҳлагандек борса осмон узилиб ерга тушмаслиги хаёлидан ўтаркан, бўйинбогини ечиб ташлади. Назарида бўйинбог соколи олинмаганини бўрттириб кўрсатадигандай.

Бўйинбогисиз кўчага чиқди-ю, кўзга кўринмас аллақандай куч таъсирида яна қайтиб ҳовлига киаркан, деворларга дарз кетганини кўрди. Қаншаридаги оғирлик (ўша кучнинг таъсири бўлса керак) силжиб энсасига ўтди. Тут япроқлари бошига, елкасига кўнди. Дарахт танасидан қоп-қора суюқлик оқаётганини кўриб унга бармогини теккизди ва ялаб кўрди, нохуш таъм: аччиқ-такир, какрадай. Тутнинг қони!..

Ичарида сувараклар дастурхонга ҳужум бошладанди. Улар шу қадар кўпайишган эдики, бу ерда инсон уйнинг эгаси эканлигини хаёлларига ҳам келтиришмасди. Оёгини ерга тап-тап урди Қурбоно. Сувараклар бир дам тўхтаб бошларини кўтаришди, шохларини осмонга тўғрилаб қотиб туришди ва нон бўлакларига аввалгидан ўн карра кучли иштаҳа билан ёпишдилар.

Қурбоно ортига тисарилди ва қичқирди:

– Зибижҳаво!

Унинг чорловига ҳеч ким жавоб бермади. Аслида Қурбоно ёлғиз яшар, бўйдоқлигини билар, шундай бўлса-да, мана бир неча дақиқадирки, ўзини Зибижҳавога уйланган деб ҳисобларди.

Зилзила олдидан бўладиган гувранишга ўхшаш овоз эши билар, давомли, босик, салобатли эди бу овоз. Дунёдаги бошқа бирорта кучни тан олмайдиган зуғум сезилиб турарди унда. Вазият ёмон, ишга боришим керак. Ана шундай қарор билан яна йўлга отланди Қурбоно. Ҳовлига чиққанда дарахт ям-яшил барг ёзиб турарди. Беихтиёр жилмайди Қурбоно. Осмон зангор тусда. Қуёш. Девор устида бир тўп қизғалдоқ. Енгил бир куйни хиргойи қилиб кетаверди.

“Агар қорнингга бир тепсам,
Нақанг... қурвақадек сайрар...”

“Нақанг” деганда қофозга ёзиш нокулай бир нарсани кўзда тутарди у. Очиқ айтишдан истиҳола қиларди. Ишхонага яхши кайфият билан кириб борди. Лекин бошлиқ қовоқ осиб, хурпайиб қарши олди. Шунда кўзга кўринмас кучнинг яна бир аломати “мана ман” деб яққол кўринди. Бошлиқнинг хонасида узоқ йиллардан бери осилиб турган суврат ўрнини бошқа суврат эгалаганди. Кўзлари чағир бир одам.

Хонага бошлиқ ўринбосари ва яна беш киши кириб келишди.

– Хаёлингиз жойида эмас. – Танбех берди бошлиқ.

Қурбононинг пешонаси тиришди. Беихтиёр соқолини силади. Соқол кўйган кишиларнинг ҳаммаси шундай қилади. Соқол гоҳида вазиятдан чиқишга ёрдам беради, уни силаб туриб вақтдан ютиш, фикрни тўплаб олиш, ракиби чалғитиши мумкин.

Ҳамманинг нигоҳи Қурбонога қадалганди. Буни пайқади Қурбоно, шунданми, бармоқларининг учиди титроқ пайдо бўлди. Соқолини юзидан сидириб ташлашга чоғланган каби кафтини юзига босиб аввалги ҳаракатини бир қадар тез ва асабий тарзда тақрорлади-да, кўлини дарҳол стол остига яширди.

— Дам олинг, — деди бошлиқ.

Кимдир енгил хўрсинди. Қурбоно бош кўтариб бошлиқга қаради.

— Дам ола туриңг, — тақрорлади бошлиқ.

— Қандай маънода? — сўради Қурбоно.

— Тўғри маънода, — жавоб қилди бошлиқ.

— Бирор ўзгариш юз бердими? — сўради Қурбоно.

— Берди.

— Газета ўқимайсиз, — гапга аралашди ўринбосар.

— Нима керак ўзи сизга шу даҳмаза!

“Даҳмаза” деб соқолни айтаётганди бошлиқ.

Қурбононинг қўллари юзига томон кўтарилиди-ю, соқолига етиб бормади. Бир дам ҳавода муаллақ қолиб, сўнг яна стол тагига кириб яширинди. Дам олсан қайтанга яхши эмасми, хаёлидан ўтказди Қурбоно. Ўрнидан турди, хайрлашди ва ташқарига чиқиб эшикни аста ёпди.

II

Бир ҳафта уйдан чиқмай ётди, китоб ўқиди. Хона деворида Леонардо да Винчи билан Лев Толстойнинг суврати осиғлиқ. Иккала чол ҳам соқолли, иккалasi ҳам ғоят буюк. Ўқиётган китобини қўйиб сувратларга қаради. Иккаласининг ҳам соқоллари оқ, пахмоқ, бир кучоқ. Ўзиникини силаб кўрди ва ойнага қаради. Соқоли қисқа кузалган, чеккаси бўйлаб токи жағигача тўғри тушган ва иякка томон қайрилиб келган, юонон нусха. “Соқол қўйган билан инсон аҳмоқ бўлиб қолмайди”. Ана шундай хулоسага келди Қурбоно.

Бошлиқ айтган муддат тугаган ва энди ишга бориши керак. Эрталаб соат етти бўлмай ўрнидан турди. Нима учундир ташқари ҳали ёришмаган. Худди деразаларнинг ташқи тарафидан қора парда тутиб қўйгандай. Эшикни очаркан, еру кўкни туман қоплаб олганини кўриб ҳайрати ошди. Май ойида ҳам шундай қалин туман тушиши мумкини? Йўқ, бўлиши мумкин эмас, олди ёз. Ақлга сифмайдиган ҳолат. Туманни ўзи шу, деган шубҳа билан қўлини чўзганди, қўли тирсагидан кесиб ташлангандай тумтоқ кўринди. Қўрқиб кетиб бирдан қўлини тортиб олди. Сўнгра бармоқларини силкитиб лойқа сув бетидаги хас-чўпларни чайпаётгандай ҳаракатлар қилиб кўрди. Қўлини тўлғаганда туманлик сийраклашар, чекинар, оралиқ пайдо бўлар ва қўл ҳаракатдан тиниши билан зарралар яна аввалгида қуюқлашарди. Туман ичкарига ҳам бостириб кира бошлаганини, унинг бир бўлаги эшик ортидаги кунжакни эгаллашга ултурганини кўриб эшикни дарҳол ёпди. Энг ёмони: туман унинг кўзларидан, бурнидан, қулоги ва оғзидан кириб бош чаногини тўлдираётганди. Қурбоно буни пайқаб саросимага тушди. Балки бирор хабар эшиттириб қолишар деган умидда радио қулогини буради.

Бир маромдаги гувиллаш орасидан кимдир хирқироқ овоз билан ҳаётнинг фаровонлиги, дастурхоннинг тўқинлигини мақтарди. “Аҳмоқ ўзини мақтайди” иккинчи бор хулоса чиқарди Қурбоно ва бундай пайтда уйда қолиши мумкин эмаслигини тушунди. Вазиятга уй эмас, ташқи олам аниқлик киритади деган умидда кўчага отилди.

Туман қалинлашган, зулумот, ҳеч нарса кўринмайди. Дов-дараҳтлар қани? Йўл бўйлаб улкан илондек бураланиб ётадиган иссиқлик қувурлари қани? Кўзларини қанчалик йириб-йиртиб қарамасин ҳеч нарса кўролмади.

Туманлик ичida Нисо турганини пайқади. Уни кўролмади, лекин шу нарса аниқки, Нисо шу ўртада.

Нисонинг олдига бориш учун қора туманликни худди сувда сузаётгандай қуличкашлаб суреб ташлаб олға интилди. Аммо Нисони кўриш имкони бўлмади. Туман борган сари қалинлашарди. Нисо эса шу ўртада. Ҳавони ҳидлаб кўрди. Нисонинг ҳиди. Фақат Нисогина шундай ҳид таратади. Атрофга аланглаш бефойда, чақириди:

— Нисо, қаердасиз?!

— Қурбоно! — овоз берди қиз.

Товушнинг қайси тарафдан келаётганини бундай туманда англаш қийин. Қурбононинг юраги орзиқиб туманнинг бу қадар қалинлигидан хурсанд бўлиб кетди. Жуда соз! Нисони бемалол қучоқлаш мумкин, ҳеч ким кўрмайди! Қизни аввал бирор марта бўлсин қучоқламаган, ҳатто қўлидан ушлашга ҳам журъати етмаган. Мана энди имкони бор. Фақат уни топсам бас, қучоқлаб оламан. Индамайди. Чунки... шу жойга келганда бироз ўйлаб қолди Қурбоно, нега индамайди? Индамаслиги аниқ, лекин нега индамайди? Чунки бугун одатдан ташқари кун. Туман. Нимадир юз берадигандай. “Юз бера бошлади” ўз фикрини тузатди Қурбоно. Агар туман кўтарилса ер юзида ҳеч вақо қолмайдигандай, ҳаммасини туман ўзи билан осмони ҳафтумга олиб чиқиб кетадигандай. Шундай экан, Нисо нега аясин ўзини, аямайди. Шундай ўйлар хаёлида чарх уриб яна чорлади:

— Нис-о-о!

— Мен бу ерда, Қурбон-ноо! — қичқирди қиз унинг ёнгинасидан. Қўл чўзганди Қурбононинг бармоқлари қизнинг кўксига тегди. Ушлади. Қиз индамади. Аммо шу лаҳзада ишга бориши ёдига тушди.

— Хайр! — деди Қурбоно ва қупоқкашлаб суза кетди.

Қиз индамади.

— Сени ишдан кейин “Тўкин дастурхон” емакхонасида кутаман деган қичқириқ эшитилди туманлик ортидан. Қиз бунга ҳам жавоб қилмади.

Сузиб бораркан, ўз-ўзидан қувониб кетди Қурбоно. Чунки энди сузиб бораётганини аниқ пайқаганди. Бундай ҳолатда бошмоқ йирилмайди, кўпга чидайди.

III

Ишхонада кўп нарса ўзгарган. Бошлиқнинг хонасида яна бошқа кишининг суврати.

— Хўш, хизмат? — деди бошлиқ соқолини силай туриб.

— Ишга, — жавоб қилди Қурбоно.

— Қанақа ишга? — ажабланди бошлиқ.

— Ўзимнинг ўрнимга, — жавоб қилди Қурбоно.

— Сиз кимсиз ўзи? — сўради бошлиқ.

— Мен Қурбоно.

— Танимадим.

Хонага уч нафар ҳодим кириб келди. Ҳаммаси нотаниш. Соқол қўйган ёшлар. Ҳаммасининг ўзида ажабланиш. Яна икки киши кириб келди. Иккаласи ҳам соқоллик. Уларнинг бири таниш, бошлиқ муовини. Ўрнидан туриб қўл чўзди Қурбоно. Муовиннинг кўриниши ўша-ўша, ўзгармабди, бир ҳафтада ўзгариб қаерга ҳам борсин. Қуюқ сўрашди Қурбоно, шу одамга хушомад қилгиси келди.

Бошлиқ сўради:

— Бу киши ким?

— Бир пайтлар бизда ишларди, — жавоб қилди муовин.



– Нега бир пайтлар? – ажабланди Қурбоно.
– Етти йиллар бўлди-ёв, – деди муовин Қурбонинг гапига эътибор бермай.

Дам бошлиққа, дам муовинга жовдираб қаради Қурбоно.

– Ишдан не сабаб кетгансиз? – сўради бошлиқ.
– Кетганим йўқ, – жавоб қилди Қурбоно.
– Кетмаган бўлсангиз энди кетасиз.
Муовинга савол назари билан қаради Қурбоно.
– Газета ўқимайсиз, – ўпкалади муовин.
– Штат қисқарган, – якун қилди бошлиқ.
Қурбононинг хўрлиги келди.

IV

“Соқолимни қириб ташламаганимда балки шундай бўлмасди” деди Қурбоно ўзига ўзи. Ходимлар бошлиқ хонасини тарқ этишиди. Нега соқолимни олдим ўзи, бирор мени мажбур қилмаганди-ку! “Нима қиласиз шу даҳмазани” деганди ўшанда муовин, бор гап шу. Уларнинг соқоли йўқ эди, бир ҳафтада девордаги суврат ўзгариши ҳамон соқол кўйворишибди.

– Сизга рухсат, – деди бошлиқ.

Дарҳол ўрнидан турди Қурбоно.

– Бугун туман тушган, – деди кўнглида пайдо бўлган мубҳам илинж билан. Табиат кучларининг одатдан ташқари шиддати инсон кўнглини юмшатади, одамларни бир-бирига меҳрибон қилиб қўяди.

Лекин бошлиқнинг кўнгли юмшамади.

Қуий Қават даҳлизида муовинни кўраркан, унинг “етти йил бўлди-ёв” дегани эсига тушди. Нега булар бир ҳафтани етти йил дейишади, мени мазах қилишаяптими? Ё бўлмаса уларники Ер вақти-ю, менини коинот вақтими? Коинот вақти! Коинот вақти!

Ана шундай ўйлар оғушида кўчага чиқди. Туман тарқалмаган, эрталабкидай. Ҳеч нарса кўринмайди. Ўзини қора қурум зарралари бағрига отди Қурбоно ва ҳар иккала қўлини баравар ишга солиб суза кетди. Рўпарадан кулоч отиб келаётган кекса бир киши саломлашиб ўтди. Шуниси қизиқки, ўз уйини адашмай топиб келди. Уйнинг девори ва эшик-деразалари кўринмаса-да, қўли билан пайпаслаб айрим белгиларни таниди.

Уйга кириб ойна олдига борди. Кўзгу сатҳини қоплаб олган чант пардаси ортида иккита қорачик. Бармоқлари билан чангни силаганча ойнага гоҳ ўнг, гоҳ чап ёни билан қараб Нисо билан ўзи ўртасидаги муносабатларнинг чуқурлашиб бораётгани ва бир кун келиб шу қизга ҳаётий масалада гап очишга зарурат туғилиши, қиз уялиб кўзларини ерга қадаб “майли” деб жавоб беришини ўйларкан, афсус, шундай нозик дамда унинг юзини, кўзини, киприкларини кўролмайман, лаънати туман халақит беради деган ҳаёлга борди-ю, кўзгу олдидан шахт ила узоқлашиб хона тўрига, деворга тақаб кўйилган курсига бориб ўтириди.

V

Дедушка туман
Всё спрятал в карман
И леса, и поля...

Болалигига ёд олганди Қурбоно бу ўрисча шеърни. Ҳеч ким мажбурламаган, ўзи ёд олганди. Бироқ шу аснода давомини эслолмади. Сўзларни ҳам тўғри айтганига шубҳаланди. “Ха, хотирамнинг мазаси қочаяпти” деганча бошини ушлаб-ушлаб кўяркан, ран-

ги униқиб кетган икки дона дорини оғзига ташлаб совуқ чой билан ютиб юборди. Яна ойнага қараганда қорачиклари кучли ҳароратдан ёғдуланиб турганини кўрди. Чекка томирлари одатдан ташқари куч билан лўқиллаб уради. Вужудида лоҳаслик. Дўхтирга бориш керак деган ўй билан ташқарига чиқди. Ўттиз-қирқ ҷоғли одам бараварига қулочкашлаб сузиб ўтди олдидан. Улар зобитлар эди. Зобит дегани забт этувчи, яъни босиб оловчи дегани. “Булар қаерни босиб олмоқчи экан” деган ўй лип этиб хаёл кўзгусида бир кўринди-ю, дарҳол сўнди. Бу тўғрида ўйлашнинг зарурати йўқ. Зобитларни таниб бўлмас, юз-кўзлари кўринмас, эгниларидаги лиbosлари ҳурпайиб турарди. Силтаб ташлаётган қўллари ҳавосиз бўшлиқ ва кучли оқим ҳосил қилаётгани сабабли туманлик нишолдадай чўзилар, дам қисқарар, қоронғу кечада ундан-да коронироқ соялар ўйнаётгандай кўринарди.

Агар кўзим ловуллаб алангаланиб турмаганда балки уларни умуман кўролмаган бўлардим, хаёлидан ўтказди Қурбоно. “Каркидон” емакхонаси ёнида иккита қора шарпа кўринди. Шакли-шамойили одамдай. Бир-бирига қапишиб турибди. Эркаклар бунчалик бири иккичисининг пинжига кириб турмаслиги керак, аёллар ҳам. Демак, уларнинг бири аёл. Шундай бўлгач иккичисининг эркак бўлиши шубҳасиз.

– Нисо-оо! – чақирди Қурбоно.

Туманлик ҳаракатга келди.

– Нима иши бор сенда, – тўнғиллади эркак.

– Ҳозир, – деди Нисо унга ва Қурбоно томон кела бошлади. Эркак ортидан эргашди-ю, икки қадамча нарида “нима гап” дегандай қараб тураверди. Сўнгра ҳудди йўўп торлик қилгандай Нисонинг қўлидан ушлаб нарироқ суриб кўйди-да, ўзи олдинга ўтди. Тақалиб келди. Соқоли туман рангida бўлгани учун ҳам иягидан ергача осилиб тушгандай кўринарди. Қўйиндан пичоқ олиб Қурбонога хезланди.

– Ўлдирма, – деди Қурбоно.

– Нима учун? – сўради Соқолли.

– Ўзим ўламан, – жавоб қилди Қурбоно.

– Алдама, – пўписа қилди Соқолли.

Нисо юзини тескари ўгириб турарди. Кейин сал нарироққа бориб тош устига ўтириди. Туманлик орасидан уни аниқ ва тиник кўриб турарди Қурбоно. Пичоқ тақаб турган эркакнинг ҳаракатларини назардан қочирмаган кўйи қўз қири билан қизни ҳам кузатмоқчи бўларди.

– Алдама! – вишиллади ғазаби тошган Соқолли.

– Ҳамиша рост гапирғанман, – деди Қурбоно босиқлик билан.

– Ҳозир ҳеч ким рост сўзламайди. Рост гапирғанман деганингни ўзи алдов. Ҳатто анавиям, – тош устида ўтирган қизга боши билан имо қилди Соқолли.

– Мен ўзим учун жавоб бераман, – деди Қурбоно.

– Нима, ундан кечасанми?

– Ундан бошка ҳеч вақом йўқ, кечмайман.

– У менини.

– Мен унга ўйланаман. Сеники бўлса ҳам майли, ўйланаман.

– Бесоқолга тегмайди.

– Соқол кўяман.

– Улгурмайсан.

– Менини тез ўсади.

– Аввал жонингни қутқаз. Ўликнинг соқоли ўсмайди.

Курбоно индамади.

– Тезлatingлар, – қичқирди қиз.

Нозу истигнога тўла бу овоз эркакларнинг дикқатини тортди. “Хозир-хозир” дейишиди улар ва тезлатиш мақсадида бир-бирларига кўз тикиб, юзларига қатъият ифодасини беришиди.

– Соқолим бор эди, бир сабаб билан олдиришга тўғри келди, – муроса қила бошлади Курбоно.

– Ўлдираман, – вишиллади нимадандир баттар жаҳли кўзиган Соқолли.

– Айтдим-ку сенга ўзим ўламан деб.

– Қачон?

– Яқинда.

– Кунини айт.

– Бир кунга етмайди.

– Авжима.

– Рост айтаяпман. Бир неча дақиқа қолди.

– Мен ўлдиарканман-да унда?

– Йўқ ўзим ўламан.

Соқолли соатига қаради ва сўради:

– Заҳар ичганмисан?

– Шундай десам ҳам бўлади.

– Унда нега азобланмаяпсан?

– Азобдаман. Ҳали бирор кун роҳат қилганим йўқ.

– Куареми?

– Ундан ҳам баттар.

– Балки синил кислотасидир?

– Ичганман.

– Маргимуш керак эди сенга, – маслаҳат берди Соқолли.

– Еганман.

– Лекин манави пичоқ ишни ҳаммасидан тезроқ бажаради, пичоқ ейсан.

– Хоҳишинг, – деди Курбоно афсус билан, – бебабр экансан. Ўзингга қийин. Мени ўлдирсанг ўзинг ҳам омон қолмайсан. Ҳеч бўлмаганда қамаласан. Нисодан мосуво бўласан. Кўй, ундан кўра ўзим ўлай. Умрим қисқа, бор-йўғи бир неча дақиқага ё етади, ё етмайди.

– Хўп, кўрамиз, – деди Соқолли ва пичноини қўйнига тиқиб қиз томон одимлади.

– Мен коинот вақти билан айтдим – қичқирди Курбоно унинг ортидан.

– Менга барибир, – қўл силтади Соқолли, – ўлсанг бас.

VI

Шифоатхонага йўл олган Курбоно туманлиқда адашиб жун жийитиш корхонаси олдидан чиқиб қолди. Яшил бўёқ билан катта-катта қилиб ёзилган “Ж-Ж-Ж” ҳарфлари юқорига қараб баравар ўрмалаб кетаётган қўнғизларга ўхшарди. Жун жийитиш жамоаси деб ҳар доимдагидек ички овоз билан ўқиди Курбоно. Тоғораларнинг даранглости, сувнинг шапирлаши, ивиган юнгнинг шап-шап этиб ерга тушиши қулоғига чалинди. Бинонинг заҳ босган ва шўрланган деворлари шарқ томондан тери қабул қилиш омборхонасига, ғарб томондан тери ошлаш цехига туташ. Ҳовлининг олдида ошхона, орқасида ўт ўчиришга мўлжалланган ҳовуз.

Курбононинг шуурида иккиланиш. Шундай бўлаверса ишдан ажralиб қоладигандай. Ҳеч қуриса шу ерга ишга кираман деб кўнглидан ўтказди. Дарвозадан ичкарига киравериша “Илғорлар” деган лавҳа. Нариги деворда “Жаҳон бизга тан берди!” деган шиор, унинг

ёнида кўрсаткичлар жадвали. Жадвал ёнида кармақда ивиган терини пичноқ билан қиртишлётган ишчи тасвири. Бамисли мижознинг соқолини қираётган сартарош қиёфасида. Беихтиёр жагини силаб соқоли анчагина ўсиб қолганини пайқади Курбоно. Иягининг ости қичиди. Икки бармоғи орасига олиб эзғилаб қичигини қолдирди ва яна суратга қаради.

Соқоли тез ўсаётганидан қўнгли тоғдек кўтарилиб баланд руҳ билан қаддини тик тутиб ишхонасига йўл опди. Туманлик ер сатҳидан икки ярим купоч юқорига кўтарилиган кўйи қотиб қолган. Ўзининг энг сара либосларини кийиб олганди Курбоно. Колорадо қўнғизидай йўл-йўл кўйлаги анча кийилган бўлса ҳам ҳали япянгидаи кўринар, малла тусдаги чий баҳмал шими ўзига ярашиб турарди.

Йўл бўйидаги ёғоч ўриндиқда қарта ўйнаб ўтирган икки чол худди мўъжизани кўргандай оғизлари очилиб Курбонога қаради.

– Дунёни бузәётган ана шулар, – тўнғиллади чоллардан бири.

– Бунга бирорта ҳам аёл турмушга чиқмайди, – пихиллаб кулди иккинчи чол, – соқолини қара!

Курбоно ортига ўгирилиб қаради. Чолларнинг шалвираб қолган соқолсиз юзлари такаки теридай тароватсиз.

Ишхона дарвозаси олдида турган миршаб ҳужжат сўради.

– Шу ерда ишлайман, – деди Курбоно.

– Уч йилдан бери шу дарвоза олдида тураман, сизни кўрмаганман.

– Катта жамоа, ҳаммасини танимайсиз-ку?

– Танийман. Бу ерда соқолли кишилар ишламайди.

– Бошлиқ ҳам, мувонини ҳам соқолли, ходимлар ҳам.

Миршаб билан узоқ тортишди Курбоно ва ниҳоят беш дақиқага рухсат сўраб олди. Бошлиқ ўз хонасида ўтиради.

– Хўш, хизмат, – деди бошлиқ салобат билан.

– Ишга.

– Ваъда беролмайман, – деди бошлиқ.

– Соқолим бор-ку, – ажабланди Курбоно.

– Соқол ҳужжат эмас. Ундан ташқари кўпчилиқдан ажralиб қолмаслик керак. Бир ўзинг доно бўлгунча, кўп билан девона бўй, дейдилар.

– Ахир кечагина ҳамманинг соқоли бор эди, – эътироз билдириб Курбоно.

– Сиз айтган “кеча”дан буён кўп сувлар оқиб ўтди.

– Бўпти, қирдириб ташлайман, ишлашим керак. Менга соқол эмас, иш керак. Бир кунда шунча ўзгариш, – деди Курбоно девордаги суратга қараб.

– Замондан ортда қолмаслик керак, – насиҳат қилди бошлиқ, – унга зид бормаслик ҳам керак.

– Ахир, соқолнинг қўлидан нима ҳам келарди.

– Ҳалиям англамадингиз, – дея ўрнидан қўзғалди бошлиқ. Суҳбат тугаганини тушунди Курбоно.

VII

Бошлиқнинг хонасидан чиқиб атрофни дикқат билан кузатди, одамларга разм солди ва дунёда нималар бўлаётганини билиш учун шаҳарнинг шарқий минтақаси томон йўл олди. Туман худди кечагидек ер сатҳидан анча юқори кўтарилиганча куюқ қора тим ҳосил қилган кўйи қотиб турарди. Тўрт нафар аёл “Ило-ё соқолинг гўрда чирисин!” деганча юргургилаб

ўтаётганини кўриб ўзини панага олди. Аёллардан бири ниманидир пайқаб қолгандаи ортига қайтиб келди. Чақонлик билан симёғочга ёпишиб юқорига кўтарила бошлади Қурбоно. Ва туманлик ичига кириб беркинди. Симёғоч остида тўхтаб юқорига қаради аёл ва огоҳлантириди:

- Токка эҳтиёт бўлинг!
- Сиз мени кўраяпсизми? – ажабланди Қурбоно.
- Ҳазилга бало борми, – чийиллади аёл ва ўз йўлига кетди.

Йўлакдан писта чақиб келаётган қиз Нисога ўхшарди. Ёнида дурустгина кийинган эркак. Иккови гаплашиб келишашапти. Симёғоч тагига келиб тўхтаб юқорига қараганча кула бошлашди.

- Нима гап? – сўради Қурбоно.
- Ўзингдан сўрасақ, – деди қиз ҳамроҳига кўз қисиб.
- Сени кутиб тургандим.
- Қурбономисан? – сўради эркак.
- Шундай, – жавоб қилди Қурбоно.
- Э... ҳалиям тирикмисан?
- Ўзинг-чи?
- Бу нима деганинг, ахир сен ўламан деб ваъда бергандинг.– Соқолинг қани?
- Даврдан ортда қолгансан, Қурбоно, – кулди қиз.
- Сенга уйланиш учун соқол қўйдим.
- Наҳотки соқолли эркакларнинг хотинлари қочиб кетишаётганидан бехабар бўлсанг?
- Хабарим бор. Ҳозиргина эрларини лаънатлаб ўтиб кетишиди.
- Унда шунга қараб иш қил.
- Улар кўл ушлашганча узоқлашдилар.
- Бесоқолга тегмайди дегандинг-ку, – қичқириди

Қурбоно уларнинг ортидан ва симёғочдан тушиб орқасига қайтди.

Уйининг деразаси тагига бир уюм туман чўкиб қолганди. Оёғи билан уни тегиб кўрди, шунда гувраниш кучайди. Қўрқиб кетиб ўзини четга олди Қурбоно. Сўнгра уйига кириб оғир ўйга чўмди. Балки умрида биринчи марта астайдил фикрламоқда эди. Натижা чакки бўлмади. Ҳаёлига шундай ажойиб фикр келдики, ҳамма муаммоларнинг ечими ана шу фикрда ўз тажас-сумини топганди.

Шошилинч тарзда ишга киришди. “Ҳа, инсон онги ҳамма нарсага қодир, фақат уни ишга солиш керак” деди қувончдан юзи ёришиб. – Замон тез-тез алмашиниб турибди. Аёллар бугун соқоллиларни яхши кўришса, эртага бесоқолга муҳаббат қўядилар. Иш масаласи ҳам худди шундай. Демак қарорим тўғри”.

Қурбоно сира иккиласнади. Соқолининг ярмини олиб, ярмини қолдириди. Энди чап юзи соқолсиз, ўнг юзи соқолли. Ойнага сўнгги марта назар солди. Ажойиб! Иягининг ўртасигача жуда аниқ чегара ҳосил қилган соқолли худуд билан соқолсиз минтақа кескин ажракиб турибди. Кўзгуга ёнбоши билан турди, соқолли одам намоён бўлди. Тескари томонга ўгрилганди, бе-соқол йигит юз кўрсатди.

Энди бемалол ишга бораверса бўларди.

Кўчага чиқиб кўнғир тусдаги бир бўлак ойна оёқ остида синиб ётганини кўрди. Туманлик мисли кўрилмаган даражада қалинлашган. Гувраниш кучайган, гўё ҳар бир зарра ўзича овоз берар ва уларнинг овози қўшилиб умумий гувраниш ҳосил қиласади.

Афсуски, Қурбоно ана шу гувранишга дикқат билан қулоқ солмади. Вужудини туманлик бағрига отдида, қуличкашлаб сузиб кетди.

СОЯДА УХЛАЁТГАН ТОЛЕЪ

“Толеъим сандал ёғоч,
экса кўкармас пояси”
(Раҳматли момомнинг чарх йигириб
айтадиган қўшиқларидан).

I

Патрот топган рўзгорини ўнглаб олишга бўлган узоқ уринишлар Бешимни батамом толиқтириди. Ниҳоясизлик чарчатди уни. Қайси ишга кўл урмасин, меҳнатнинг сўнги кўринмас, энг ёмони кўл урган иши хунук оқибатларга олиб келарди. Натижада, Бешимнинг афти довча еган одамнидек буришиб турадиган бўлиб қолди. Ўйкусизликдан кўзининг жияклари қизарди, оғзининг икки чети пастга осилиб тушиб, юзига сўлжайган ифодани муҳрлаб қўйди. Онда-сона ташриф буюрадиган ним табассум ҳам унинг ажин босган юзини ва нурсиз кўзларини тарк этди. Фақат қорингина садоқат кўрсатиб, аввалги кўринишини бежирим сақлаб қолган ва ўз соҳибининг фаровон кунларидан хотирадек басавлат кўринарди.

“Эҳ Бешим, сени нима жин урди! – дея нола қилди бир куни у каравотига чалқанча ётиб шифтга термуларкан. – Бир қадам олға боссанг икки қадам ортга кетаяпсан”.

Ҳовлида ёлғиз ўзи бўлганлиги сабабли унинг фарёдини ҳеч ким эшитмади. Қариндош-уруғлари ўз-

ларини олиб қочишар, хотини кетиб қолган, гоҳида укаларини кўчада учратиб қолиб, ўз тақдирининг шумлигидан шикоят қила бошлайдиган бўлса, улар осонгина қутулишар, яъни ака гап бошлиши ҳамон укалар ҳам бир-бирларига навбат бермай ишлари юришмаётганидан нолий кетишаради.

Каравотда ётганча кейинги кунларда юз берган воқеаларни тахмин қиларкан, бошқа дурустроқ йўл тополмай, фол кўрсатиш керак, деган қарорга келди. Ҳеч бўлмаганда кўёнларини ким ўғирлаб кетганини билишни истарди. Қуёнларга қўшиб якка-ю ягона товуғини ҳам олиб кетишгани, айниқса, алам қиласади унга. Ҳар кун, гоҳида кунора тухум туғиб турарди жонивор. Шу воқеадан бир ҳафта олдин омборхонаси ёниб кетганда ҳам бунчалик куюнмаганди. Аслида омборхона катта йўл бўйида жойлашган кенгу мўл-кўлгина бўлиб, Бешим унинг орқасини тешиб, ҳамма қўшниларнидай “савдо дўкони” очиши мўлжаллаган, ҳатто бাযзи бир нарсаларни харид қилиб кўйганди. Шундай бўлса-да, омборхонадан кўра, товуғининг йўқолганига кўпроқ ачинди. Ҳар кун кўрамтага кўмиб ёки қайнатиб, иши шошилинч пайтда қовуриб ейдиган тухумини ўларкан, фолга бориш керак, деган фикри қатъидашди. Ўрнидан туриб бе-ихтиёр белини ушлади ва ғижимлашга тушди. Унинг буйраги оғирдиди. Ҳайдовчилик қилиб орттирганди

бу дардни. Қишида машинаси бузилиб, шаҳар билан қишлоқ ўртасидаги узилишда қолиб кетганди. Бахтга қарши ер музлаган, ширағорон қилиб қор уриб турган ўша тунда бирорта таниш машина ўтмади. Бу ҳам етмагандай, орадан бир ой ўтиб-ўтмай “авария” содир бўлди. Бешим машинаси билан йўл четидаги тижорат дўконига бориб урилди. Ғазабнок дўкондор роса сўқди, калтаклади ва жарима ундириб олди. Машина деворга урилганда қаттиқ жароҳат олган Бешим касалхонадан чиқиб келганда хотини уни ташлаб кетиб қолганди. Ҳувиллаб қолган ўйни кўздан кечириб, тошойна олдидан икки энлик хат топиб олди. Ўқиди, хотини шундай ёзган эди:

“Сенга тақдиримни қўшиб хароб бўлдим. Толеъинг паст. Энди ўз кунимни ўзим кўрай, ортимдан борма, фойдасиз. Хайр. Ёқутхон”.

Бешим стулга ўтириб қолди. Йиғлади. Кейин бир неча кун тергов идораларига қатнаб юрди, жарима устига жарима тўлади, қарзга ботди, пировардида ишдан ҳайдалди. Бу унинг еттинчи бор ишдан кетиши эди.

II

– Кўп гапирманг, – танбеҳ берди фолбин Бешимнинг бетиним жаврашидан безор бўлгандай бир қиёфада, – ўзи шундоғ ҳам юзингиздан ҳаммаси аён: пешонангизда узуқ-юлуқ етти қатор чизик, демак, ўйловингиз кўп. Кўзингиз нурсизланган, бу – умидсизлик ва омадсизлик нишонаси. Рангингизнинг таги заҳил. Демак, дардингиз бор...

Бешим жимиб қолди.

Фолбин бошига қора тўн ёпиб, унинг енгидан осмонга қараб ром очишга киришди. Бешим нафасини ичига ютиб, тўннинг осмонга чўзилган енгига қараб, енг худди кўктоқига ёзилган сатрларни бирма-бир ўқиётгандай маълум бир масофада тебраниб турарди. Ниҳоят, фолбин тўн ичидан бошини чиқариб: “Кўрдим, толеъингиз сояда ётиби”, деди.

– Энди нима қилишим керак? – сўради Бешим.

– Офтобга чиққунча кутасиз.

– Қачон чиқади? Балки умуман чиқмас!

– Балки бу менга қоронғу.

– Толеъим сояда ётса, мен баҳтли бўлишим керак эмасми?

– Йўқ. Кимнинг толеъи хузурда бўлса ўзи азобда, аксинча жони қийноқда бўлган кишининг толеъи хузурда бўлади.

– Қаерда ўша номард толеъингиз ўзи, кўрсам бўладими?

– Бўлади.

Бешим буни кутмаганди. Фолбинга шубҳа ичра қаради.

– Толеъларнинг ҳаммаси бир жойда, “Дўстаман” водийсидан макон топишган. Ҳозир тўнни бехуда тит-килляпсиз, барибир ҳеч нарсани кўролмайсиз. Бунинг учун ўша водийга бориш керак.

– Олиб боринг мени! – илтижо қилди Бешим фолбиннинг пойига тиз чўкиб.

– Майли, – дарҳол рози бўлди фолбин. – Ўзим ҳам кўпдан бери шуни ният қилиб, дурустрок ҳамроҳ топилиб қолишини кутардим. Сизга уч кун муҳлат. Ҳозирлик кўринг, уч кундан кейин ё насиб деб йўлга равона бўламиз. Иншооллоҳ, толеъингизни топасиз.

Бешим уйига хурсанд бўлиб қайтди.

III

Улар узоқ йўл босиши. Сўнгги довондан ошиб юксак чўққига кўтарилганларидан кейин инсон ҳётига бутунлай бегона, тасаввурга сифас даражада файритабиий бир манзара намоён бўлди.

– Ана, – шивирлади фолбин пастликка эгилиб қараб, – “Дўстаман” водийси шу.

Бешим ҳам ерга қорни билан ётиб, тошга тирмашган кўйи пастликка қаради, ҳайратини яширолмай, ўзарган товушда сўради:

– Нимади анавилар?!

Фолбин жавоб бермади. Водий манзараси мантиқизлиги билан Бешимни шу даражада қойил қолдиргандики, ўз саволининг жавобини эшлишини унтиб, мубҳам маъвога тикилиб қолганди.

– Пастга томон энайлик энди...

Узок-узоклардан эшилтингандай бўлди фолбиннинг овози. Бешим ҳамроҳининг мақсадини базур англаб ўрнидан турди. Сўқмоқ тагма-таг айланалар ҳосил қилиб, водийга томон олиб тушарди. Ранглар тиник торта борди, чаплашган чизиклар муайян шакл ола бошлади. Тепадан қараганда булат бўлиб кўринган қора кўланка аслида дарахтлиги, дарахт бўлгандага ҳам ниҳоятда улкан эканлиги аён бўлди. Фақат кўйлар сурувига ўхшаб кўринаётган маъвонинг нималигини англаб бўлмасди. Етти кеча-кундуз йўл босгандаридан сўнг Бешим ҳақиқатнинг тагига етгандай бўлди ва нидо қилди:

– Э воҳ, бунча кўп қўй!

– Ғалат сўзламанг. Улар қўй эмас, умуман бу жойда худа-бехуда гапларни айтавермасликни маслаҳат бераман. Муқаддас жой.

Бешим муқаддаслик белгиларини топмоқчи бўлиб, атрофга аланглади. Сахро поёнсиз ва ҳад-ҳудуди кўринмасди. “Бу ер Дасти Карбаломикин? Ёки Саҳройи Кабир деганлари шу жойми?” хаёлидан ўтказди, адабиёт дарсларида тилга олинадиган бундай калималардан хабардорлигидан мамнун бўлиб. Фолбин эса жиддий қиёфада кетиб борарди. Бешим ҳам юзига жиддий тус берди. Қошлари чимирилди, кекирдагини бироз олдинга чиқариб, бошини адл кўтартганча ҳамроҳига монанд одимлай кетди. Аммо бундай қиёфада узоқ йўл босолмади. Оёғи остида ўсиб ётган тиканлар игна каби ўткир бўлиб, эркин юришга кўймасди.

Манзара алмашинди: тиканзор майдон ортда қолиб, темир чангакдай чайир бутазор бошланди. Йўл йўқ, учи қармоқ каби қайрилган шоҳ-шаббалар теккан жойини узиб оларди. Бешимнинг қийналётгани ва ҳафсаласи пир бўлаётганини кўриб, фолбин далда берди:

– Бардам бўлинг, тақсир, меҳнатнинг таги роҳат, иншооллоҳ, мақсадимизга етурмиз, – деди-да, олдинга ўтиб йўл бошлади.

“Шу пайтгача тақсир демаганди, хаёлидан ўтказди Бешим, – демак, бу жойлар ҳақиқатдан ҳам муқаддас экан-да”.

Олға босиши оғир, ортга ҳам қайтиб бўлмасди. Бутазор тугай демас, йўловчиларнинг эгнидаги кийимларини беаёв юлқилар, тиканлар ўтқирлашиб, йўллар чалкашиб, бутазор қалинлашиб борарди. Бешим бир лаҳза тўхтаб, ортга қаради. Аста жуфтакни ростлаб қолиш нияти ҳам йўқ эмасди унинг. Аммо ортига қайрилиши ҳамон юраги орқасига тортиб кетди. Қоронгулик. Буталар бамисоли чала ёнган ёғочлардек

қорайиб кўринади. Шошиб олдинга интилди, чайир симчивиқдек қаттиқ новдалар шартиллаб юзига келиб урилди.

– Қайтамиз! – ўкириб юборди Бешим, эгилиб қўллари билан юзидан оқаётган қонни артаркан.

– Элакка қолганда оқсаманг-да энди, – жавоб бўлди фолбин тарафидан.

– Уйимда оёғимни узатиб ётиб, бир пиёла чойни ичиб, тўйиб бир ухласаму ўлсан розиман. Жин чалган бу лаънати жойда итдек ўлиб кетамиз. Ўз юртингда ўз қабринг бўлиши ҳам катта бахт. Шу чангальзорлар орасида ўлигимиз қолиб кетса, ўша баҳтдан ҳам маҳрум бўламиз.

– Тушкунликка тушманг, тақсир.

– Сиз ҳам вазиятни холисона баҳоланг.

– Эр кишига йиғлаш ярашмайди.

– Ярашиғли бўлишимнинг кимга кераги бор?

– Кўйинг, айтишиб ўтирумайлик, оз қолди. Қани дадил бўлинг, кетдик, тақсир!

Бешим ноилож кўнди.

Ҳамроҳидан қолиб кетиб, бу куни ҳам қўплик қилишини ўйларкан, шоҳ-шаббаларни тирсаклари билан четлатганча, фолбиннинг қорасини кўздан қочирмай бораверди. Энди эгнида тўннинг ёқаси ва икки кафтигина осилиб турар, орқасида, икки курагининг ўртасида эса бир бўлак узунроқ қизғиш матоҳ кўринарди.

Нихоят бир гиламнинг ўрнидеккина ялангликка чиқиши. Табиатнинг бу инъоми Бешимни қувонтириб юборди.

– Худога минг қатла шукур-е, тақсир, – деди Бешим ҳорғин нигоҳ билан ҳамроҳига қаракан.

Фолбин нигоҳини ундан олиб қочди. Тескари ўгирлигандан, халтасини кавлади ва ундан четларига кашта урилган, этак-ёнларига пирпирак тикилган белқарс олиб узатди. Ўзи эса ҳамон четга қараб турарди.

– Нима гап, тақсир? – сўради Бешим ажабланиб.

– Олинг, олатингизни тўсинг.

Бешим эгилиб қараб, мешдек улкан қорни остида чарм қайишдан бўлак ҳеч вако қолмаганини кўрди.

– Ана энди исмингиз жисмингизга мос бўлди, – кулгу аралаш ҳазил қилди фолбин.

Дарҳақиқат, Бешим энди бутунлай бешим қолганди.

– Узр тақсир, фақат юзимни тўсиш билан овора бўлиб... – ғўлдиради Бешим ва белқарсни олиб, одини тўсди. Қарснинг икки учини тортиб орқасига боғлади. Сўнгра унинг толиқан вужуди бамисоли бир қоп гўштдек шилқиллаб ерга йиқилди. Узок ухлашди улар. Ўринларидан туришганда ҳавонинг авзойи ўзгарган, қуёш қўқимтири ғубор ортида қолган, ҳавода тутунга ўхшаш, аммо қўл билан ушласа бўладиган зарралар учиб юрарди. Бошқа бир томонда кўнғир тусдаги қурум бурқарди.

IV

Олакуроқ туманлик кўтарилиб, бамисоли шиша-дек ялтироқ тўртбурчак шаклидаги муз қотган тепалик намоён бўлди. Осонроқ ўтиш мумкин бўлган бирорта кемтик ёки тирқиши кўринмас, тепалик йўлни бор бўйича тўсиб турарди.

– Қайтамиз! – деди Бешим қатъий қилиб.

Фолбин оғиз очмади. Афтидан Бешимни тетикликка ундаш ва алдаб-сулдаб йўлга солиш жонига теккан ва энди “билганингни қил” қабилида индамай

муз тоғига тикилиб турарди. Бир дамлик иккиланишдан кейин у ўйл бошлади ва қўл-оғи билан баравар ҳаракат қилиб, тик ёнбағирдан юқорига томон ўрмалай кетди. Тепалик сирти музлагандай бўлиб кўринса-да, темир каби қизиб ётарди. Кўп машакқатлардан сўнг тепалик устига чиқиб олишди, қадлар ростланди. Бешимнинг тирноқлари кўпорилган, тирсаклари сидирилганди.

– Мана Дўстаман! – қули билан пастликка ишора қилди фолбин. Ястаниб ётган водийга ҳайрат ичра тикилиб қолишиди. Ўша улкан дараҳт, ўша манзара яна кўз олдиларида намоён бўлди. Ҳаракатсиз қотган сонсаноқсиз қўйлар тўдаси. Дараҳтнинг шоҳлари тепаликка тегай-тегай деб турибди. Фолбин энг пастдаги чирмовиқсимон новдалардан бирини ушлади-да, Бешимнинг тирноқлари кўпорилган, тирсаклари сидирилганди.

– Шоҳдан маҳкам ушлангу, кўзингизни чирт юмиб ўзингизни пастга отинг! – буюрди фолбин.

Бешим журъат этмади.

– Сакранг!

Бешим тараффудланиб белига боғланган белқарсни пайпаслашга тушди. Иштон ўрнида хизмат қилаётган белқарс липасини силади, тугунини ушлаб кўрди, хуллас, сакрашни пайсалга солди.

Агар айтганимни бажармасангиз, бир умр шу ерда қолиб кетасиз, толеъингизни кўриш насиб этмайди.

– Ҳозир! Мана, ҳозир, – деди Бешим шоҳга маҳкам ёпишиб.

– Оёғингизни кўтаринг!

– Кўзимни юмайми?

– Юминг!

– Оғзимни-чи?

– Шак келтирманг, Бешим, ҳазилнинг жойи эмас.

Сакранг!

Бешим сал ортга тисарилди-ю, тиззаларини букиб, ўзини шохнинг ихтиёрига топширди. Бирдан вужуди енгил тортди, қулоқлари остида шамол гувиллар, қандайдир салқинлик танига ҳузур бағишлиар, гўё пастга эмас, юқорига томон учиб борарди. Кўзини очиб қаражига журъати этмади. Шундай бўлса-да, киприклири бир-икки пирпираб кетди. Атроф бамисоли шиша-дек тиник, кўм-кўк ва шаффоф. Бошқа ҳеч нарсани англамади. Оёғи ерга тегиб, кўзини очганда рўпарасида бегона киши турарди.

– Ассалому алайкум, тақсир! – деди Бешим қўлларини кўксига кўйиб ва ҳурмат ила ерга эгилди.

Нотаниш киши алик олди. Шу пайт фолбиннинг ҳам овози эшитилиб қолди. У ҳам қўлини кўксига кўйиб саломлашди.

– Толеъидан норози бир бечорани ҳузурингизга олиб келдим, – гап бошлади фолбин, – гуноҳимиздан ўтинг, тақсир. Умр бўйи фол кўрдим. Толеъидан рози одам дунёда кам...

– Рози одам сизнинг ҳузурингизга бормайди-да, – кулги аралаш сўзлади нотаниш киши ва ўзини таништириди:

– Мен толеъбонман.

– Бағоят хурсандман, – хушомад қилди фолбин.

– Мана шу биринчи миңтақа менинг тасарруфимда. Қани, марҳамат, ичкарига киринглар.

Толеъбон бағдоди нақшлар ўйилган оғир дарвозани очиб толеъталабларни ичкарига киргизди.

Ҳовли тандирдек қизиб ётарди. Гиёҳ деган нарсадан асар ҳам йўқ. Бешим шундагина ўзи шохига осилиб тушган дараҳтнинг ҳам йўқолиб қолганини

пайқади ва ҳайрати ошди. Ер шу қадар иссиқ әдикى, этикларнинг тагчарми чиппа-чиппа ёпишар, қизиб кетиб оёқни куйдиради.

— Ҳа, бизнинг минтақа андак иссиқроқ, – изоҳ берди Толеъбон.

— Бу ер дарё ўзаними, сув қаҷон куриган? – сўради Бешим сабри чидамай ва қалашиб ётган тошларга ишора қилди.

— Улар тош эмас, толеълар, – тушунтириди Толеъбон.

— Йўғ-е!

— Шундай. Иши аъло даражада юришиб турган кишиларнинг толеълари булар.

— Бахтиларнинг толеъни шундай азобда бўлса, меникининг ҳолига вой экан-да! – қичқирди Бешим оёғи куяётганини ҳам унугиб.

Қақроқ ерга думалаб ётган тошларнинг инсон толеъни эканлигига сира ишониб бўлмасди. Бешим улардан бирини оёғи билан секин тутиб кўрди. “Тош” қатиқ тўлдирилган тухумдек илкиллади. Тепасида нимадир соя соганини пайқаб талпина бошлади. Бешим ўзини четга олди.

V

Толеъбон навбатдаги дарвозани очаркан, толеъталаб меҳмонлар ҳовлига киришга журъат этмай, осто-нада тўхтаб қолишиди. Мешлар нотинч чайқалишар, телефон учун ўрнатилган ёғоч соясига ўзларини уриб “ғизз-ғизз” этган овоз чиқаришарди. Толеъбон дастакни кўтарди, рақам терди ва ким биландир гаплаша бошлади. Бешим унинг авзойига разм солиб, ишлар жойида эмас шекилли, деган хуносага келди. Толеъбоннинг товуши тобора пастлаб, ичига тушиб борарди. Фолбин ҳам унга қараб, ғамгин бош чайқаб кўйди.

— Ўртоқ иккинчи, узр! Йўқ, узр, – дерди толеъбон, – хизматим давомида сира бундай ҳолга дуч келмагандим. Йўқ, ўзбошимчалик қилганим йўқ. Уларни меҳмон сифатида... Хўп, яхши, безовта қилмаймиз, яхши! Тартиб бузилмайди! Худди шундай! Тушундим!

Толеъбон соя излаб оёқлари орасига тиқилаётган бадбуруш, афтидан қариб қолган бир толеъни тепиб юборди-да, иккинчининг гапини маъқуллашда давом этди:

— Бўпти ўртоқ, иккинчи! Айтганингиздай қиламан. Рўйхатдан ўтказаман. Дарҳол ўз ўрнимга қайтаман. Кузатувни давом эттираман...

— Буларга ҳам қийин экан, – фолбиннинг қулогига шипшиди Бешим.

Фолбин жеркиб ташлади, ҳавода учиб юрган пашшани уриб туширмоқчи бўлгандай қўлини кескин силтаб қўйди.

— Кетдик, – деди ниҳоят дастакни жойига қўяркан Толеъбон ва толеъталабларни сариқ мойбўёқ чапланган дарча томон бошлади. Ичкарида чорпоя кўринди.

— Сиз шу ерда қоласиз, – деди Толеъбон фолбинга, – сиз эса мен билан борасиз.

Бешим деворлардаги сувратларга қараб, ҳайратланиб турарди. Назарида абстракт йўналишидаги рассом чизган сувратларга жуда-жуда ўхшарди улар. Толеъбон унинг тирсагига кафтини тегизиб қўйиб, йўлга тушиши кераклигини билдириди. Даҳлиздан ўтиб қабулхонага кирганларида уч нафар котиба кутиб турарди. Улар тезкорлик билан ишга киришиб, чамаси ярим соатларда ҳужжатларни тўғрилаб беришди.

Бошлиқقا қўл қўйдириш учун Толеъбоннинг ўзи кирди. Ўн дақиқалар ўтди. Бешим бу ерда вақтни ўз андозаси билан ўлчарди. Умуман, Дўстаман водийисида вақт оқими инсон ўйлаб топган дақиқаю сонияларга бўйсунадими ёки уларнинг ўз эталони борми, буни билоб бўлмасди. Сўнгра улар бошқа бир хонага киришиди. Ўнлаб компьютерлар ва бўлак кўринишдаги Бешим номини билмайдиган – ускуналар... Қизлар бошқаришашяпти уларни.

— Бешим Ботмонов! – баланд овозда эълон қилди Толеъбон.

— Кўзгуга рўпара қилинг! – деган буйруқ эштилди.

Бешим тошойнага рўпара бўлди. Ойнадан сочсоқлари ўсган, чақчайган кўзли, ярим ялангоч кимса бегона нигоҳ билан қараб турарди. Оёғида соғиси узилиб тушган дагал кирза этик. Бўйнида дабдала бўлиб кетган тўннинг бир бўлаккина астари илиниб турибди. Елкалари тилинган, юлинган, моматалоқ бўлиб кетган. Белида кирга ботган белқарс.

— Ўзингизми? – деган савол берилди.

— Ўзим, – жавоб қилди Бешим йиғламсираган овозда.

— Мақсадингиз?

— Толеъимни кўриш.

— Сабаб?

— Бахтсизман. Ишим юришмайди.

Худди шу мазмунда яна бир қатор саволлар берилиди. Толеъбон эшик ёнида кутиб турарди.

Пировардида шу нарса аниқ бўлди, Дўстаман водийиси ходимлари ўз ишларини у қадар яхши билишмас экан. Бешим шундай қарорга келди ва бунинг сабабини ҳам ўзича изоҳлади: “Демак, мендан аввал ҳеч ким ўз толеъини қидириб келмаган, буларнинг мазкур ишларга тажрибаси йўқ”. Кўлидаги ҳужжат рақами ҳам шуни кўрсатиб турарди. Уз хуносасидан кўнгли таскин топди. Ходимлар “лоҳ”, демак, ўз тош-тарозумни кўйсам бўлади, деган тўхтамга келди.

Хода ва толхивичдан ясалган эрганак дарвоза олдида тўхтадилар. Толеъбон қўнгироқ тумгачасини босиб, ичкарига маълум қилгунча Бешим бармоғи билан дарвоза ёндорисини суртиб қўрди ва мойбўёқнинг ҳали куриб улгурмаганини аниқлади: “Демак, менинг келишишмдан булар салгина бўлса-да, чўчишибди, тайёргарлик қўрибдилар”, деди Бешим ич-ичидан кувониб. Ана шу ҳиссият таъсирида остонаядан виқор билан ўтиб, қаддини ғоз тутганча пешайвон томон юрди. Йўлакдан пилдираганча келаётган одамча Бешимнинг ҳайбатидан чўчигандай тўрт-беш қадам нарида тўхтаб қолди. Деразалардан аёллар ва бўйи етган ёш қизлар қараб турарди. Албатта, Бешимнинг ярим ялангоч гавдаси, антиқа тарздаги кийимлари ва айниқса, улкан қорни уларда катта қизиқиш уйғотаётган эди. Толеътабабуни пайқади: “Қани энди бу хонимчаларнинг олдидан қора костюм, оқ қўйлак кийиб, бўйинбоғ боғлаб ўтсанг, бошингда шляпа, оёғингда чет эл туфлиси бўлса”, ўйлади афсус билан Бешим ва ўз кўринишини бирров кўздан кечириб, аҳволи ҳақиқатдан ҳам хароб ҳамда кулгили эканлигини тан олди. Майкаси йиртилиб, баҳайбат қорни очилиб қолган, белқарс учма-уч бўлиб олдини тўсиб турса-да, орти очилиб ётар, елкасида ҳамон тўннинг ўша “T” ҳарфи шаклидаги увадаси.

— Йигитни жанданинг ичиди танисин деганлар, – қичқирди Бешим аёлларга қараб.

Қизлар жилмайшар, аёллар қиқирлаб кулишарди. Мазах қилиш ёки ижирғаниш аломатлари кўрини-

масди уларнинг юзларида. Бешим ёнида фолбиннинг йўқлигидан фойдаланиб, қизлардан бирига кўзини қисди.

Одамча қўли билан айвонни кўрсатди ва орқамдан юринг, дегандай имо қилиб йўл бошлади. Толеъбон хайр-хўшлашганча дарвоза олдида қолди. Маҳкамада ёлғиз ўзи ўтирган киши натижани дарҳол маълум қилди:

– Сизнинг толеъингиз бизда йўқ.

– Нега? – ажабланди Бешим.

– Мен сизга айтсан, ҳамма одамлар бир-бирларига ўхшайдилар: дангиллама уй, чиройли машина, лавозим, мустаҳкам соғлик ва ҳоказо. Бахтсизлар бир-бирларидан кескин фарқ қиласди. Бахтсизликнинг чеку чегараси йўқ: бирор тўшакка михланган, бошқаси фарзандсиз, ёлғизлик азобига маҳкумлар бор, бирор икки бўлмай сарсон юрганлар бор... хуллас, бахтсизлик хилма-хилу ранг-баранг. Агар ўқиган бўлсангиз, Толстий деган бир ёзувчи бу ҳақда қотириб айтиб кўйган. Гапнинг индаллоси шуки, сизнинг толеъингизни топиш анча мушкул иш. Аммо қўл қовуштириб ўтирганимиз йўқ, ҳаракат қиласяпмиз. Таҳлил натижаларини учинчи поғонага ўтказдик, бироз кутасиз.

– Время – это денег, – деди Бешим ўзи ҳам кутманда бирдан ўрисчалаб.

Иккинчи минтақа толеъбони ўзга лафзни унчалик тушунмай анграйиб қолди, унга биргина “денег” сўзи таниш эди. Унинг саросимага тушиши Бешимни рухлантириб юборди. Ўзга тил сирли таъсир кўрсатмоқда эди. Бир пайлар раҳбар ходимлар худди шу йўлни тутишарди, яъни ўзбекча гапира туриб русчадан битта-иккита сўзни шундай оҳангдор қилиб, бежаб ва ўзгача ургу бериб қўшиб юборишардик, оддий фуқаро бир неча йиллар ифтихор билан ўша раҳбарнинг нуктадонлигидан таъсирланиб юради. Бешим ҳам туман халқ таълими бўлнимининг мудири лавозимида ишлаб юрган кезлари бу усулни бот-бот қўлларди. Шуни эслаб, сўзида давом этди:

– Мне пара!

Толеъбон қуллук қилди. Мийигида кулганча Бешимга яқинлашди. Бироз тараддулданиб тургач, унга бақамти келди-да, чўнтагидан бир даста пул олиб Бешимнинг белқарси остига тикиди.

– Э тақсир, нима қиласяпсиз? Не, хорошо, – деди босиқлик билан Бешим.

– Арзимас совға...

Афтидан Толеъбон “пара” сўзимни пора деб қабул қилган ва ҳали хаёлида айланиб турган “денег” таъсирида пора сўраяпти, деб ўйлаганди.

– Не хорошо... – бош тебратди Бешим ва шу аснода ҳамёнлари кенг шими тиканли буталарга “ем” бўлганлигини эслади, қўлини белқарс остига юбориб, пулни маҳкам ушлади.

Телефон кўнгироги жиринглаб қолди. Толеъбон юргиргилаб бориб дастакни кўтарди. “Тайёрми? Олиб киринг”, деди-ю, Бешимга қараб, хушнуд жилмайди. Орадан беш дақиқа ўтганда учинчи ҳудуд дарвозаси олдида пайдо бўлдилар. Толеъбон кўнгироқ тугмачасига қўл чўзди. Бешим ичкарига қадам қўяркан, бутун борлиқса соя ташлагудек ғоят улкан дараҳтга кўзи тушди. Ҳаво мўтадил, аввалги жазирамадан ном-нишон йўқ. Икки-уч одим нарида мешлар думалаб ётиби. Бешим улардан бирини оёғи билан туртиб кўрди, илкілайди.

– Ухляяпти, – тушунтириди Толеъбон.

– Нега ухлайди? Қанақасига ухлайди? – ажабланди Бешим. – Улар мешлар-ку ахир, оддий мешлар. Боши ҳам йўқ, кўзи ҳам. Қатиқ тўлдирилган тулумнинг ўзи, бир туки кам эмас.

– Шундай, лекин улар тирик, ҳатто зарурат туғилгандага ҳаракатланадилар ва юрадилар ҳам.

– Буларнинг қайси бири менини? Кўрсата оласизми? – сўради Бешим бепоён кенгликни эгаллаб ётган бу антиқа жонзотлардан кўз узмай.

– Кўрсатаман, – жавоб қиласди Толеъбон.

Толеъбон йўл тортди, Бешим унинг ортидан эргашди.

– Мана! – қўли билан мешлардан бирига ишора қиласди Толеъбон.

Меш соянинг қуюғида илкиллаб ётарди.

– Шуми? – ишонқирамай сўради Бешим.

– Сизнинг толеъингиз шу.

– Бунинг нимаси менинг толеъим? Қандай исботлайсиз? Ахир, уларнинг ҳаммаси бир хил-ку!

– Йўқ, фарқи бор. Эътибор берган бўлсангиз, аввалги ҳудудлардаги мешлар буларга нисбатан кичикроқ, баъзилари буришиб қолган, ҳатто сўлинқинамолари ҳам бор эди. Уларнинг ранги тўқ кўнгирдан қорамтиргача бор эди, буларнинг ранги эса оч қўнгир, ҳатто оқимтиrlари ҳам бор.

– Билишимча, бу ерда минглаб толеълар ётиди. Шундай бўлгач...

– Фикрингизни уқдим, – унинг сўзини бўлди Толеъбон, – мешлар рақамлар билан белгиланган. Мана, ҳозир... Толеъбон эгилиб мешнинг у ён-бу ёнига қаради, аммо рақамининг нечалигини айтольмади.

– Товламачилик! – қичқирди Бешим, Толеъбоннинг хижолат чекаётганидан фойдаланиб.

– Бор, бор, топамиз. Толеъингиз узоқ йиллар сояда ётавериб, ўта семирган, натижада териси таранглашган ва рақамлар ўз кўринишини йўқотган, сийқаланиб кетган. Лекин топамиз.

– Семирган? Нега семираиди? Мен бир умр қийналсанму, бу ҳайвон семириб ётса, ҳозир чавақлаб ташлайман! – ўдагайлади Бешим ва бор кучи билан мешнинг қорнига тепди.

– Шовқин солманг, тақсир. Уларни чўчитиб юборасиз. Нима бўлганда ҳам инсон тақдири улар. Ҳамма иш ўз ройиши билан бориши жоиз.

– Мен бахтли бўлишим учун нима қилишим керак?

– Бу ернинг қоидаси оддий: толеъ азобда бўлса, соҳиби роҳатда ва аксинча соҳиби азобда бўлса, толеъи роҳатда.

– Ҳозир чавақлайман у лаънатини! – жўшиб кетди Бешим ва чавақлаш учун ўтқирроқ нарса қидириб, атрофга қаради. Девор дарзида шакли ўроққа ўхаш қандайдир асбоб қўринди. Толеъбон унинг йўлини тўсади.

– Барниб ўлдираман, – бўкириб юборди Бешим.

– Мени шунча йил азоблаган, ўзи сояда ётиб семирган толеънинг баҳридан ўтаман!

Биқинига устма-уст тепки тушаётган толеъ “ғизғиз” этиб овоз чиқарар ва аста-аста худди шимол дengizlariда яшайдиган тюленлардек қийинчилик билан ҳаракатланиб, офтобда қизиб ётган майдонча томон силжирди. Толеъбон нима чора кўришини билмай, эсанкираб қолмаса эди, деб атрофга хавфсираб қаради. Ўз муваффақиятидан руҳланиб кетган Бешим

аввалгидан беш баттар жазавага тушиб, мешни тепкилай кетди. Унинг имиллашига қаноат қилмай муштини ишга солди. Чўкка тушиб, мешнинг елкасидан тишлади, хуллас, терлаб пишиб “жанг қилди”.

– Бас, етар! – деди Толеъбон журъат билан унинг қўлидан тутиб. – Катталар билиб қолса, менга ёмон бўлади.

– Шуми ўзи, – пўписа қилди Бешим, – бошқанинг толеъини чиқарган бўлмай.

– Сизники. Агар шубҳа қилсангиз рақамини кўрсатишм мумкин.

– Кўрсатинг-да. Шу пайтгача нима қилиб лайлак ҳайдаб турибсиз?

Толеъбон омборхонадан белкурак олиб чиқди. Уни толеънинг тагига суқиб, Бешимни кўмакка чорлади. Икковлашиб мешни ағдаришди. Унинг кўкимитир томирлар бўртиб турган оппоқ қорнида қатор тизилган рақамлар кўринди.

– Хужжатингизга қаранг, солиширинг, – деди Толеъбон.

Бешим рақамларни солишириб кўриб, мамнун жилмайди.

– Фақат бу томони қандоқ бўларкин? Бошлиқлар нима дейишаркин? – деди Толеъбон ўзига ўзи гапиргандай қилиб, Дўстаман тарихида сира бундай бўлмаганди.

– Нари борса битта ҳайфсан оларсиз, – минғирлаб кўйди Бешим ва сўради:

– Энди бу лаънати меш яна ўзини сояга урмайдими?

– Уради. Лекин булар ўта ялқов, камҳаракат ва эринчоқ. Шу туришда азобланиб, бир неча йил ётиши ҳам мумкин.

– Менга қаранг, – деди Бешим кўлини Толеъбоннинг елкасига ташлаб. Икков дўст бўлайлик, қиёматли дўст. Мана буни олинг! Липпасига қистирилган пулни олиб узатди. – Сояга ўтгани қўйманг, илтимос. Йўлингиз тушиб, биз томонларга борсангиз хурсанд қилардим...

Толеъбон ўйлаб қолди. Пул ўз кучини кўрсатдими ёки Бешимнинг дўстлик тўғрисидаги гаплари ёқиб қолдими, ҳар ҳолда унинг кулоғига эгилиб, шивирлади:

– Кечаси дарвоза олдида сизни кутаман. Келинг, мўҳим гап бор. Ҳозир боринг-да, яхшилаб дам олинг. Кечаси соат бир ярим, иккилар орасида кутаман. Хўп, ҳозирча хайр!

Бешим савол беришга улгурмай қолди. Толеъбон дарчадан ўтиб, кўздан пана бўлди.

Бешим тунда бир неча бор уйғонди. Тинч ухлопади. Ўзича турли хаёлларга борди. Ниҳоят айтилган пайтда дарвоза ёнида ҳозир бўлди. Толеъбон кутиб турарди. “Ушланг” деб Бешимнинг қўлига юмшоқ бир нарса тутқазди.

– Нима бу? – хириллади Бешим.

Толеъбон ўзига хос бир ҳаракат билан жим юриш кераклигини англатди. Бешим қоронғуда пайпаслаб бўлса-да, кўлидаги нарса чоғроқ қоп эканлигини англади, аммо бунинг нимага керак бўлишини тушунмади. Бораверди. Толеъбон ерга чўккалади ва Бешимнинг енгидан тортиб, уни ҳам чўккалашга ундади. Ерда толеъ меши қорайиб кўринди. Толеъбоннинг ишораси билан қопнинг оғзини ҳимариб, унга толеъ мешини солишди. Бу иш анча машақкат билан бажарилди. Иккакаласи ҳам ҳарсиллаб нафас олишарди. Толеъбон

ўрнидан туриб, йўл бошлади. Бешим қопни елкалаганча унинг ортидан эргашди. Бу ишлар замирида нима ётганини ҳамон тушуниб етган бўлмаса-да, яхшилика йўяр ва қовун тушириб қўймаслик учун жим бораради. Йўлда икки-уч бор дам олдилар. Шунда ҳам ҳеч ким ғинг деб оғиз очмади. Уч марта девордан ошиб ўтишга тўғри келди. Дарвозалар қулф бўлганлиги сабабли шундай қилишдан бўлак иложлари йўқ эди. Толеъбон девор устида туриб қопни тортиб олар, Бешим пастан қўллари билан кўтариб боши ва елкаларини ишга солиб унга ёрдам берар, кейин қопни деворнинг нариги томонига секин туширап ва яна елкага олиб йўлда давом этишарди. Уч бора ана шундай довондан ўтишга тўғри келди. Ниҳоят биринчи худудга – толеълар азобда яшайдиган худудга етиб келдилар. Толеъбоннинг имоси билан Бешим қопни бўшатди. Толеъбон катталиги ўртacha қовундек келадиган мешлардан бирини қопга солди ва “кетдик” дея шивирлади. Унинг овозидан қаттиқ ҳаяжонланаётгани билиниб турарди.

– Хайрият! – деди Толеъбон ўз худудига етиб келгач.

Бешим қопни ерга кўйди.

– Бўшатинг! – буюрди Толеъбон.

Бешим буйруқни сўзсиз бажарди. “Муҳим гап”нинг нима эканлигини энди англаб етган ва Толеъбонга қандай қилиб миннатдорчилик билдиришни йўларди. Пули қолмаганди. Қоронғуда ҳеч нарса кўринмаса ҳам унга миннатдор нигоҳ билан тикилиб турди-да, белидан чарм камарини шартта ечиб, дўстига узатди. Дўстаманда бундай буюмлар жуда қимматли совға ҳисобланарди. Бешим барча худудларнинг Толеъбонпари камарига оч нигоҳ билан тикилишганидан буни пайқаб олганди.

– Ўзим ҳам шундай қиларсиз, деб ўйловдим, – миннатдорчилик билдириди Толеъбон камарни оларкан.

Бешим туннинг қолган қисмини ўша худудда ўтказди. Кўнглида “Қайси бир шўринг қурғурнинг толеъни бўлса?” деган ўй шарпа ташлаб турса-да, қилган ишидан ҳар қалай мамнун эди. “Кимнинг толеъни бўлса ҳам буришиб муштдеккина бўлиб қолган экан, мана энди бироз жонланади”, деб ўзига таскин берди ва кўнглининг бир четида илиниб турган хижилликни кувди. Толеъбон ўйкудан туриб белидаги камарга дамбадам қараб қўяр ва кўллари билан юмшоқ чарм тасмани силаб-сийпаларди.

– Ҳар ҳолда билиб кетсан ёмон бўлмасди, – Толеъбоннинг елкасига кўл ташлади Бешим. – Биз алмаштириб қўйган толеъ кимники?

– Мен айтаман, – жавоб қилди Толеъбон. – Аммо сиз қаттиқ сир сақланг. Ҳар ҳолда бу қалтис иш. Бироннинг толеъни билан ўйнашиб бўлмайди.

– Албатта. Сиз айтганингиздай бўлади.

Толеъбон чўнтағидан қоғоз олиб рўйхатга кўз ташлади ва минғирлаб ўқий бошлади: Синдор Сулаймонов, ёши ўттиз бешда, манзили – Кешкаш шахри.

VI

Сафари қариганини ҳис қилди Бешим. Тезроқ ўз юртига етиб бориши ва юз бериши муқаррар бўлган мўъжизани қўшқуллаб кутиб олиши даркор эди. Йўлга тушди. Бош маҳкамা олдида вертолёт кутиб турарди. Қудратли машина кўкка парвоз қиларкан, ҳамроҳларига кўз ташлади Бешим ва фолбиннинг йўқлигини шундагина пайқади. Басавлат, мансабдор ки-

шиларга ўхшарди улар. Олдинги ўриндиқда ўтирган икки кишининг сұхбати беихтиёр қулогига чалинди:

– Сиз ҳам шу масалада келғанмидингиз? – сүради ёши улуғроқ киши ҳамроҳидан.

– Ҳа, сал шовуруни сезиб қолдим. Айғоқчиларим яхши ишләшади. Биттаси... товушини пасайтири үттиз беш ёшлардаги мансабдор, – бизди тагимизга сув қўймоқчи бўлган экан. Вертолёт кира қилдиму, дарҳол етиб келдим.

– Натижка қалай?

– Тинчтдим.

– Омон бўлинг, ука. Замон сиздай ишбилиармон-ларникида, Синдор ука!..

“Синдор Сулаймонов”, – хаёлидан ўтказди Бешим ва бутун вужуди билан титраб кетди. Шундай басавлат одамнинг офтобда қуришиб жизғанак бўлиб қолган то-леъи кўз ўнгига келди. Унинг “тинчтгани”га ишониши-ни ҳам, ишонмаслигини ҳам билмасди.

Сұхбатдошлар ҳам ниманидир сезгандай жимиб қолишиди. Фақат Бешимнинг хаёлига антиқа режалар келди, аммо ер билан осмон ўртасида муаллақ туриб ҳеч қандай режани амалга ошириб бўлмасди.

ЯШАШ ҲУҚУҚИ

Севги ўлим даҳшатидан кучлироқ.

В.Шекспир.

Корхонананинг биттагина ғунажини бор эди. Ҳов-лидан ўтаётib унга эътибор қилдим. Юнглари ўсиқроқ, олагина ва ҳали ёш тумса мол. Балки урғочи ҳам эмас-дир, лекин нима учундир менда бу мол ҳали туғмаган ғунажин деган тасаввур қолдирди. Нарироқда ранг-пар бир йигит товуқ пойларди. Касалманд эди у: ранги кўқимтири, юзи чўзиқ, кўзлари ғамгин. Унинг олди-да иккита товуқ донлаб юрибди. Йигит уларни тутиш ниятида ўрмалаб боряпти. Унга ҳам бир-икки дақиқа қараб турдим. Рангпар йигит товуқларни тутиб, икка-ласини ёғидан жуфт қилиб ушлаб худди бир даста гулни кўтаргандай боши узра тутиб менга кўрсатди. Товуқларни у қандай ушлади – буни пайқамай қолдим.

Бошлиқнинг ҳузурига киришим керак эди. Даҳ-лизчадан чап томонга ўтиб чап ёндаги эшикни торти-дим. Бошлиқ тўртбурчак шаклдаги катта, аммо саёз алюмин идишга энгишганча ниманидир капаларди. Унинг атрофида ердан шифтгача паҳтаҳалвога ўхашаш қандайдир нарсалар қалашиб ётибди. Хона узунчоқ ва нимкоронғу. Ҳеч қанақа жиҳоз йўқ, столнинг устига ҳам дастурхон ёки ёпқич солинмаган.

Бўйчангина бир аёл ўрнидан туриб менга жой берди. Хонада яна бир ёш йигит ҳам бор экан, уни кейинроқ пайқадим. Йигит ҳам ўрнидан турди. Мен бошлиққа яқинроқ жойдаги ёғоч курсига ўтиридим, аммо қандай ўтирсам ҳам бошлиқнинг юзи яхши кўрин-масди. Курсини кўтариб ҳар хил ҳолатда қўйиб кўрдим ва жойлашиб ўтиридим.

Ҳовлида танани кўрганим, касалманд йигитнинг товуқ тутгани ва яна шунга ўхашаш бир-иккита воқеани бошлиққа маълумот сифатида айтиш, тўғрироги, ўзим-нинг корхона ҳаёти билан танишлигимни билдиришни истардим.

Аёл столга сони билан таяниб, қошларини чи-мирганча менга қараб турарди. У жуда чиройли эди. Қиёфаси ғамгинроқ, юзи оддий, безаксиз, аммо қан-дайдир мумтоз эди. «Мен худди шундай юзни яхши кўраман» дедим ичимда. Унинг чимрилган қошлари пешонасига томон кўтарилиб учиб бораётган турна қанотидай синиқ бурчак ҳосил қилганди. Йигит кў-ринмай қолди. Бошлиқ менга қараб турар, аммо афти-дан мени кўрмасди.

– Ва ҳам шу масалада келғанмидингиз? – сўради ёши улуғроқ киши ҳамроҳидан.

Бироз саросимага тушдим. Русчани яхши гапи-ролмаслигимни билдириб қўйишдан чўчиб тараффуд-ланиб қолдим. Бошлиқнинг ўзи билан гаплашмоқчи эдим. Шу мақсадда унга қарадим. Юзи, боши, гавдаси тўлдан келган, ранг-рўйи тиник, қизил, умуман, бу-тун вужудидан соғлиқ гупириб турган киши эди у. Шу жиҳати билан содда ва эркин гаплашса бўладигандай туюлди. Чунки унинг юзида ғайритабии ҳеч нарса йўқ эди. Одатда бундай одамларда билим у қадар чуқур бўлмайди. Улар сұхбатдошининг ички дунёсини ҳам юзакироқ, енгилроқ илғайдилар. Мураккаб жараёнларни билишга интилмайдилар. Ўша лаҳзада руҳиятимни илғайдиган киши менга керак эмасди, сабаби, ҳовлида кўрганларимни баён этиш ва кузатувчанлигимни бош-лиққа кўрсатишдан бўлақ ҳеч нарса йўқ эди.

Бошлиқ ҳеч нарса сўрамади. Стол устидаги тақ-вим варагини йиритиб олиб аввал аёлга, сўнgra менга кўрсатди. Эътибор қилдим: варакда 1941 йил 7 июн санаси турарди.

Яна бироз ўтиридим. Аёл ҳолатини ўзгартирмади. Бошлиқ идишдаги унга ўхашаш нарсага қараб қолди. Хонадан чиқиб кетиш кераклигини англаб ўрнимдан турдим. «Сени итдай савалайман» ёки «Сизни эш-шакдай ишлатаман» дегандা нимани тушунасиз? «Ит-дай» деган сўз кимга таалуқли? Ишлатувчигами ёки ишловчигами? Ҳар иккаласига ҳам. Шундай эмасми? Хўш, шу гапнинг фақат бир томонга тегиши шамо-илини қандай топса бўлади? Инсон тафаккурининг сира ақла сиғмайдиган жиҳатлари бор. Хонадан чиқиб ҳовлида кезарканман, ана шу тўғрида ўйлардим ва бундай ўй шу лаҳзадаги ҳолатимга сира мос келмасди.

«Ҳозир грамматикага бало борми» дедим бироздан сўнг ўзимга ўзим. Ундан кўра бошлиқнинг хона-сидаги ҳолатни таҳлил қиласам бўлмасмиди. Нега у 1941 йил 7 июнь ёзилган санани бизга кўрсатди? Шу савол ортидан «Лекин аёл чиройли эди» деган гап хаёлидан ўтди. Кейин хонадаги паҳта ҳалво ўюмлари, бошлиқнинг ун капалаши ва йигитнинг ғо-йиб бўлиб қолганини ўйладим. Ўша аёл сигарета чекармакни? Унинг лаблари қанақа эди ўзи? Юпқа, асабий ва ҳаракатчанми? Ёки оғир, қалин, серчизиқ ва дағалроқми? Кейин ўша аёл билан ўзимнинг ўпи-шаётган ҳолатимни, ёмғир шивалаб ёғаётганда бос-тирма остида турганимизни ва ниҳоят ёзнинг жазира-ма иссиқ пайтида унинг чўмилаетганини кўз ўнгимга келтиридим. Сочлари елкасига ёпишган, бадани сув-да ювилиб ялтиради. Тошларда шундай хусусият

бор. Чизиқлари билинар-билинмас ранги хира тошни сувга ташласангиз ажаб бир эврилишнинг гувоҳи бўласиз. Сув остида тош тиниқлашади, ранглар қуюқ тортади, чизиқлар ёрқин бўёқларга беланиб жилваланади. Уни сувдан чиқариб олсангиз токи қуригунча ўша қўринишни сақлаб туради. Қуригандан кейин боз боягисидай қўримсиз бир нарсага айланади. Чўмилаётган аёл ҳам шундай демоқчиман. Албатта, аёл чўмилмаганда ҳам жозибали. Мен ҳар иккаласининг ҳам тиниқлашувини муқояса қилмоқчиман. Йўқ, ўйлаб кўрсам аёл бутунлай бўлакча. Уни ҳеч нарсага муқояса этиб бўлмайди.

Корхонада яна бир-икки кун қолишига қарор қилдим. Балки ўзгариш бўлар. Аммо нимани кутаётганимни, қандай ўзгариш бўлишини тасаввур этолмасдим. Энг ёмони, бу корхона нима билан шуғулланади ўзи, шуни ҳали аниқлаб ололтаним йўқ. Мен бирорвнинг эшигини тақиллатишдан аввал ҳамиша ўйлаб оламан. Уйдан эркак ёки аёл чиқса қандай йўл тутаман, нима дейман? Қиз бола чиқса-чи? Лекин бошлиқнинг хонасига кираётганимда бошқа ҳиссиётлар таъсирида эдим. Бутун фикрим ўзимни шу корхона ишига садоқатли қилиб кўрсатишга қаратилганди. Лекин бундай бўлмади.

* * *

Дераза очилди. Мени имлаб ичкарига чорлашибди. Имлаган аёлнинг қўли эди. Узуклари қўёш нурида ярқираб нур таратарди. Лекин аниқ биламанки, бошлиқ олдида уни учратганимда бирорта ҳам тақинчоқ йўқ эди. Қўлларини столга тираб турганда бармоқларида узуги йўқлигига эътибор қилгандим. Бирозгина эгилиб турарди у ва мен унинг қўймичига ҳам бирров қараб олгандим. Куйлаги нафис матаҳдан эди, куйлак остида ички кийимининг қавссимон жияги билиниб турарди. Атайлаб менга кўрсатиш учунми деган хаёл миямда садо бергани ҳам ёдимда. Ҳатто французнача мана бу икки мисрани ичимда айтиб тургандим:

Су вотр жюп бланш

Брее ля анш

Сизнинг оқ юбкангиз тагидан оёғингиз оқариб қўринади дегани бу. Аёл қўли билан мени ичкарига томон имларкан, ана шу майдада тафсилотларни сира мијамдан чиқариб ташлолмасдим. Кирдим. Хонада аёл йўқ эди. Мени бошқа бир киши қарши олди:

– Муқаддам судланганмисиз? – сўради дабдурустдан.

– Ҳа, ўн беш сутка ўтириб чиққанман.

– Нима учун?

– Майдада безорилик деб айб қўйишганди, лекин қамалиш сабаби бутунлай бошқа эди. Бир жойда ножӯроқ гапириб қўйгандим.

– Робеспьер бўлмоқчи эдингиз, – деди у бошини мазмундор ликлиплатиб.

– Балки, – дедим қайсарлигим тутиб.

Унинг ҳам қайсарлиги тутди:

– Сиз сарик чақага ҳам арзимайсиз.

Индамадим. Бу ҳақоратга мос жавоб тополмадим. Ўрнимдан туриб эшик томон борарканман, раҳматли бобомнинг ўйтлари ёдимга келди:

– Жавоби аҳмоқ – сукут, – дедим.

Кулги овози эшитилди. Кулгаётган хаёлимда аёл киши эди, аммо ортимга ўгирилиб қарамадим. Корхонадан бутунлай кетишни дилимга туғиб ташқарига чиқдим.

* * *

Дарвоза ортида уч киши турарди.

– Чой ичинг, – деди улардан бири
– Иккита қулоқчasi бор экан, – деди бошқаси.
– Қўллари бақувватгина, чидайди, – қўшилди учинчиси.

Бугапларни эшитмаганга олиб йўлда давом этдим. Улар ортимдан эргашдилар. Ёмон бир нарса бўлишини юрагим сезди, лекин билдирамдим. Тақдиримда борини кўраман. Яшашнинг ҳам қизиқчилиги йўққа ўхшайди ўзи. Балки ҳаётимни тўғри куролмагандирман.

– Шошилманг, – деган овоз келди ортимдан.
– Бошлиқнинг хонасига кирдингизми?
– Кирдим.
– Кўрдингизми?
– Кўрдим.
«Нимани» деб сўрамадим. Зоро, фойдаси ҳам йўқ эди. Ортимдан келаётган бандалар ҳиссиётдан бутунлай маҳрум.

– Ўнгга юринг! – деган бўлди орқадан.
Хўм қатъий, босиқ ва аниқ эди, аммо буйсунмадим, ўзимни эшитмаганга олдим. Балки қочиб қутуларман деган хаёлга бордим, аммо қочиш режаси мијамда ҳали пишиб етилмаганди.

– Ўнгга!
– Тўғрига кетаверса ҳам майли, бари бир ўша ерга боради.
– Майли, тўғрига!
– Икки ўн беш – бир ўттиз.

Улар ўзларининг гапларига ичакузулди бўлиб кулишибди. Бу гапнинг нимаси қизиқ туюлди экан, англамадим. Балки мени қўйдек олдиларига солиб ҳайдаб боришаётгани учун кулишаётгандир. «Қўйдек» уларга тааллуқлими ёки менгами? Яна мантиқий силлогизм. Ундан кўра қочиб қутулишини ўйлашим керак.

* * *

Ортимга бир қараб олдиму бор кучим билан югура кетдим. Узоқ югурдим. Бахтга қарши йўл тобора юкорилаб борарди. Нафасим оғзимга тикилиб ҳарсиллаб қолдим ва нима бўлса ҳам қир ортига ўтиб олишни мўлжалладим. Қир устига чиқарканман, мувозанатимни сақлаб туролмай мункиб кетдим. Қир орти тик қиялик эди. Шу қадар тик эдик, гоҳи-гоҳида майдада ғўрашакли тошлар ўз-ўзидан «шиқир-шиқир» этиб пастликка томон силжирди. Тутиб қолай десам бирорта бута ёки тош йўқ. Оёғим тойиб кетиб ортим билан ўтириб қолдим ва ўзимни тўхтатолмай пастга томон сирпаниб кета бошладим. Кейин дустаман ётиб бутун вужудим билан ерга қапишидим, қизил ғўрашакли шағални қучоқладим. Бармоқларимни чангак қилиб ерга ботиришга уриндим; тиззам, иягим ва ерга тирав мумкин бўлган барча аъзоларимни сафарбар этиб ўзимни тўхтатишга уриниб кўрдим, қайта-қайта уриндим, бўлмади. Орқам билан ётиб товонимни тирадим. Фойдаси йўқ эди, пастликка – Аспалатисофилинга томон шиддат илиа кетиб борардим. Тез орада шиммимнинг орқаси йиртилганини пайқадим, аммо ўрнимдан туролмадим. Оёқ остида ва ҳамма жойда тупроқ ҳам эмас, сополга ўхшаш, аллақандай, нўхат катталигидаги тошсимон ғўрашаклар туришга сира имкон бермасди. Йиқила-сурина ортимга ўгирилиб қарадим. Қир устида етти киши турганини кўрдим, ўша лаҳзада санаб улгурмаган бўлсан-да, пастга томон тойғаниб

бора туриб ҳисобини чиқардим. Ҳалиги уччаласи ён-ма-ён туришар, ўртада бошлиқ ва унинг ёнида яна икки киши. Биро аёл... демак, олтита экан.

– Қайт! қайт!

Овоз менга нотаниш эди, лекин ички бир ҳиссиёт билан бошлиқнинг ўзи чорлаётганини англадим.

Бу ҳам бошлиқнинг овози эди.

Ёнбағир тобора нишаблашиб бораради. Энди ўзимни тұхтатиб қолищдан тамом умидимни уздим. Оёқ тиражим, панжаларим билан ғұрашак ерни чангалашиб, ортимни ерга маҳкамроқ босишимдан заррача наф йўқ. Қияликнинг охири кўринмасди. Мени күтқазувчи кун бу дунёда йўқлигини билсам-да, ёрдам сўраб қичқирдим:

– Күтқаринглар! Ёрдам беринглар!

Овозимни шамол юлқиб олиб учирив кетди. Энди ҳаво зарби юзимга шу қадар шиддат билан урилардики, яна бир марта ёрдам сўраб қичқирмоқчи бўлгандим, барча сўзларимни шамол ҳўл латтадай дундалаб оғзимга тиқди.

Аспалатисофилинга томон шиддат билан кетатуриб «аслида умрнинг ўтиши ҳам шу» дедим. Денгизларда фақат бир дақиқагина яшаб, шу муддат ичиде авлод қолдиришга улгурадиган аллақандай жонивор бўлармиш. Дўзахнинг бир суткаси ер юзининг 1600 йилига тенг дейди япон ёзувчиси Кензабуро Оэ. Аспалатисофилин эса дўзахнинг энг чукур жойи. Мен энди ана шу кўрқинчли чукурликка томон силжиб ёки сирпаниб эмас, учуб боряпман. Назаримда оёқларим тагидан учкунлар сачраётгандай.

Қулоқларим остида шамол ҳуштак чалади. «Иккита кулоқаси бор экан» деганди ҳалиги, ортимдан келаётган, уч кишидан бири. Ҳа, кулоғим бор, аммо энди ундан менга не наф? Оғзимдан, кўзимдан-чи? Йўқ, ҳар ҳолда кўзим нималарни фарқлаётгандай. Ана, олдинда қандайдир симчизиқа ўхаш нарса кўринди. Бамисоли «Риштаи Марямдай» ингичка. Мимам ҳам бир нав ишлаб туриби. Яқинлашганим сари симчивиқнинг йўғонлашаётганини англайпман. Қаламдай, жимжилокдай, бошбармоқдай...

Ушладим! Бирдан шамол тұхтади, ҳуштак тинди. Симчивиқни маҳкам ушлаганча бамисоли турникда машқ қилаётган спортчидай бир алпозда турибман. Аспалатисофилинга қилаётган шиддатли сайрим тұхтаган, суқунат. Елкам, тирсакларим, орқам шилинган, ғувиллаб ачиди. Бу қайси гуноҳим учун берилган жазо, билмайман. Худога шукур дейман, ҳозирча тирикман. Ногоҳ қулоғимга инграган товуш чалингандай бўлди. Балки ўпкам ёки бирор ички аъзоларимдан чиқаётган товушдир. Нафасимни ичга ютиб қулоқ тутдим. Ҳа, кимдир ингранар ва оҳ тортарди. Наҳотки бу жаҳаннам тойғаногида мендан бўлак ҳам бирор жонзот бўлса! Уша ожиз товуш гўё «ҳа, мен бор» дегандай яна тақорланди. Овоз бердим:

– Кимсан? Қаердасан?!

– О-о-ох, ёрдаам!...

Овоз ўнг ёндан, жануб тарафдан келарди, ўша томонга қарадим. Қоронгуликда ҳеч нарса кўринмади. Йўлга тушдим. Оёқ билан эмас, қўл билан юриб боряпман. Қўлларим билан симга осилганча жануб томон силжияпман. Бармоқларим карахлашиб, билагим толиқиб, елкаларим оғирлигимга дош беролмай

қолгунга қадар юрдим. Бу ахволда йўл босиш оғир эди. Қандай бўлмасин дам олиш чорасини кўриш керак . Товонимни ерга тираб, қўлларим билан симни қаттиқ тортиб гавдамни кўтардим, сим устига чиқиб олмоқчи эдим, бўлмади, қўлтиғим билан бир муддат осилиб турдим. Иягимни ҳам ишга солдим. Бармоқларимга куч қайтгунча иккала қўлтиғимга симни қисиб, жағимга таяниб турдим. Изтиробга тўла овоз яна тақорланди:

– Ёрдаа-ам!

Энди аникроқ эшитилди. Овоз аёл кишиники. У мендан унчалик узоқда эмас, ҳатто инграгани ҳам эшитила бошлади.

– Ҳозир, бир озгина сабр қилинг!

– Қўйвораман, тезроқ!

Нолага тўла овоз мени югуришга мажбур қилди. Қўлларимнинг ўрнини тез-тез алмаштириб «қадамба қадам» силжияпман. Қора кўринди. Мендан уч-тўрт қадам нарида нимадир симга осилиб турарди. Ўша томонга интиларканман, елкам билан алла нарсага тақалиб тўхтаб қолдим. Шу пайтгача симни нима ушлаб турганини ўйлаб кўрмаганимни қаранг. Елкамга тақалган нарса бетон устунча эди. Демак, маълум бир масофада симни тутиб туриш учун устунчалар ўрнатилган. Бу менга катта қувонч бағишилади. Қаранг-а, ҳатто шундай ҳолатда ҳам қувониш мумкинми дунёда! Аммо ҳозир бунга фурсатим йўқ. Нола қилиб ёрдам сўраётган аёлни күтқазиш керак аввал. Сўнгра бир гап бўлар.

– Мана, боряпман, бир озгина чиданг!

– Ох, тез бўлинг!..

«Қадамимни» тезлатдим, бироқ етиб боролмадим. Қўлимни чўздим-у, унинг билагидан ушлашга улгурмадим. Куч-куввати батамом тугаган, сўнгги дақиқада менинг яқинлашганимни ва қўл чўзганимни кўриб тамом ўзини ташлаб юборди.

– Ё!.. – деган бўғиқ, кучиз, аммо жон ҳолатда айтилган нидо мени кескин ҳаракат қилишга унади. Унинг қўллари симчивиқдан узилган ва у бир неча сония ичиде тубсизлик қаърига томон учуб кетиши мумкин эди. Талпиндим, қўлим етмади ва шу лаҳзанинг ўзида оёғимни чўздим ва қичқирдим:

-Ушла! Оёғимдан ушла!

Бу ҳолатлар бир сония ичиде бўлиб ўтди албатта. Унинг қўллари пойчамга ёпишди ва юқорига чиқиш учун типирчилай бошлади. Қўлларим қанчалик толиқкан бўлмасин, пойчамга илашиб, тебраниб турган, ихраб-сихраётган жонзотнинг вазни унчалик катта эмаслигини пайқадим. Тиззамни юқорига тортиб уни ўзимга яқинлаштирудим. Чап қўлим билан симни ушлаганча пастга эгилдим. Қўлимга унинг сочи илашди.

– Тортинг, майли, тортаверинг, чидайман, – деди у умидворлик билан.

Оёғим билан ҳимо қилиб сочидан енгилгина торта бошладим. Вазни енгиллашганини пайқаб у ҳам болдиримдан маҳкам қучоқлаб олди. Иккинчи оёғимни ишга солдим. Бошмоғим аллақачон йиртилиб тамом бўлганди, бош бармоғим билан ерни пайпаслаб оёғим остида икки бармоқ жойлашгулик чукурчани «кашф» қилдим... Қандайдир бир жониворнинг уясими ёки оёғим билан пайпаслагандан ўрнидан кўчган тошнинг кавагими, нима бўлгандা ҳам биз учун најот чамбараги эди. Икки панжамни унга жойлаштириб қўлимга бироз дам бердим. Пойчамга ёпишиб турган хилқатни юқорига тортиб олиш учун шунинг ўзи

етарли эди. Ёшлигимда гимнастика ва оғир атлетика билан шуғулланганимга шукур қилиб унинг сочидан қўйвордиму қўлтиғидан тутдим. У аввал белимга, сўнгра тирсагимга ва ниҳоят бўйнимга ёпиши. Иккала қўли билан бўйнимдан маҳкам қучоқлаб олди.

VI

Билакларимда ғайритабии бир куч пайдо бўлганини хис қилдим. Келган йўлимдан аста-секин ортимга қайта бошладим. Энди юқим аввалгидан оғирроқ бўлса-да, анча илдам борардим.

— Исминг нима? — сўрадим юришдан тўхтамаган куйи.

У жавоб бермади. Ухлаб қолганди. Бошини кўк-симга қўйиб бўйнимдан қучоқлаганча бемалол ухларди. Сочи юзимга ишқаланиб борар ва илиқина нафаси бўйнимни қитиқларди.

— Майли, ухлайвер, — шивирладим унинг бошига юзимни босиб ва яна бир неча одим силжидим. Мана, устунча! Қани энди унга бир амаллаб чиқиб олсан. Бўйнимга чирмашган қўллар бўшашибди, унинг нозиккина билаги елкам узра оҳиста сирғалаётганини пайқаб бир қўлимни симдан бўшатдим ва қизнинг белидан тутдим. Иягим билан тутириб бошини силкита бошладим. Уни уйғотиш керак эди, бу аҳволда узоқ туролмасдим. Бирдан атроф ёришиб кетди. Ой чиқди. Тўлин ой. Қиз уйғонди ва ўзини четга олмоқчи бўлди. Тасодифан ўзини бегона эркак қучогида турганини кўрган қиз қандай ахволга тушса у ҳам ана шу ҳиссиётни бошдан кечирмоқда эди. Яхши ҳамки унинг белидан маҳкам ушлаб турардим.

— Тинчлан, — дедим уни чўчитиб юбормаслик учун юмшоқроқ қилиб, — мана бу симдан ушла.

— Симдан?! — қичқириб юборди қиз чўчиб.

У энди ўзи қаердалигини эслаганди. Бир неча дақиқалик уйку давомида балки ширин тушлар кўргандир, тушида текис ерда сайр қилиб юргандир. О, Ер устида ишонч билан оёқ босиб юриш нақадар катта баҳт, ўзимнинг ҳам юрагим орзиқиб кетди. Пастда нима бор ўзи? Наҳотки тубсизлик устида осилиб турган бўлсак?!

Хаёлга берилишнинг мавриди эмасди.

— Симдан ушла! -кескин оҳангда буюрдим қизга.

У тиззалари билан менинг устимда ҳаракат қилиб симни чангллаб олди.

— Мана шу ерда, чап елкамнинг ёнида устун бор...

Товушим зўриқиб чиқди. Чунки бу пайтда товонларимни ерга тираб, қўлларим билан юқорига тортдим ва шу усул билан қизни ҳам қўтартмоқда эдим. Бир қўлимни яна симдан бўшатиб олишга тўғри келди. Қизнинг тўтиғидан тутиб, оёғини устун устига оширдим.

— Ерми?!

Болаларча қувонч янграб кетди унинг овозида.

— Ер, бизнинг еrimiz.

Қиз товушимдаги алам ва изтиробни тушунди, жимиб қолди. Устунчанинг эни бир қарич, узунлиги учтўрт қарич бор. Икки киши бемалол сифиши мумкин. Қиз иккала қўли билан соchlаримдан маҳкам ушланганча тирмашиб чиқиб, елкамга икки оёқларини қўйиб олди. Нимадир юзимни силаб қитиғимни келтиради. Бошимни қўтариб қараб унинг белида осилиб турган икки бўлак латтани кўрдим. Қиз ҳам менга ўхшаб иштондан айрилган ва ой ёруғида унинг орқаси оқариб қўриниб турарди. Кулгим келди. Қиз елкаларим силки-

наётганини пайқади. Алам ва изтироб қулгусидан силкинаётгандан вужудимни у толиккан тананинг титроғи деб ўйлади ва тезроқ устунчага чиқиб олишга шошилди.

— Орқага ўгирилиб қорнинг билан ерга ётиб ол, — дедим ҳар эҳтимолга қарши унинг оёғини қўйвормай.

Қиз айтганимни чаққонлик билан бажарди. Энди унинг юқидан бутунлай ҳалос бўлгандим. Чамамда қизнинг оғирлиги ўттиз беш килодан ортиқ эмасди. Бундай юқни ерда бўлганимда кун буйи бемалол қўлимда қўтариб юрган бўлардим, ўз кучимга ишонаман. Ахир мен узоқ йиллар тош қўтариш ва штанга билан ҳам машқ қилганман. Бу соҳада Рустамбойдан узиб кетаман деб ўзимни кўп қийнаганман. Ҳатто питбул зотли Америка итларидек тишим билан турникка осилиб турриш машқини ҳам олганман.

«Ерда» деганим эришроқ туюлади, албатта. Бошка нима ҳам дей, ҳавода муаллақ десам ҳам тўғри келмайди, тик турибман ёки ётибман ҳам дея олмайман. Үтиrolмайман ҳам.

Тонг отди. Энди иккаламиз олдинма кетин, мен орқада, қиз олдинда устунча устида туриб қўёшни кузатардик. Қуёш ҳали чиқиб улгурмаган, унинг нурлари осмон сатҳида парпарон уриб ўйнарди. Эсаётган енгилгина шабада қизнинг соchlарини тўзгитар ва олиб келиб менинг юзимга уради. Қиз ўгирилиб менга қаради. Жилмайди. Бир нафас кўзларимдан нигоҳини олмади, тикилиб турди. Нимадир демоқчи бўларди-ю, истиҳола қиларди. Буни тушунди. Мен орқамни ерга маҳкам тираб қизнинг белидан ушлаб турардим.

— Начора, бошқа иложимиз йўқ, — дедим унинг ўнгайсизлаётганини сезиб, — сен қандай қилиб бу тузоққа тушиб қолдинг?

— Уша корхона... Аа-а-а!

Қизнинг кўзларидаги даҳшатни кўриб ортимга қарадим-у, ўзимни пастга отдим. Иккаламиз олдинма-кетин қиялик бўйлаб думалаб келаётган улкан ҳарсангни кўриб қолгандик. Тош тўппа-тўғри биз турган устун устига бостириб келиб унга тегай-тегай деб ўтиб кетди.

* * *

Биз муқаррар үлимдан қутулиб қолган бўлсакда, номаълум «кепажак» сари шиддат билан кетиб борардик. Йўлнинг адоги кўринмасди. Ярим соатлар ўтгач, қиз инграниб йиглай бошлади. Дам қорни билан ётар, дам орқаси билан ётар, дам ўнг ёнбошига, дам чап ёнбошига ағдариларди. Мен бўлсам унга ёрдам беролмаётганимдан хунобим ошиб чора излардим. Уни устимга миндириб олишдан ўзга иложим қолмади. Шундай қилдим.

— Сен нима сабабдан бу ерга келиб қолдинг? — сўрадим нимадир қилиб уни чалғитиши мақсадида .

— Қочдим.

— Кимдан?

— Бошлиқдан.

— Нега?

— Зўрламоқчи бўлди.

— Нега боргандинг у ерга?

— Ишга.

— Нима иш қилардинг?

— Сигир соғмоқчи эдим.

— Нега бошқа томонга қараб қочмадинг?

— Бошқа томонга йўл йўқ. Барча йўллар шу ерга олиб келади.



- Сен қайси сигирни соғмоқчи бўлгандинг?
- Ола таначани. Болалагандан кейин. Мени бир аёл олиб борганди. Узун бўйли, чиройли аёл.
- Бошлиқнинг хонасидаги аёл кўз ўнгимдан ўтди ва сўрадим:
- Ўша аёл ким ўзи?
 - Бошлиқнинг... ҳамхонаси.
 - Анави товуқбоқар-чи?
 - Ўша аёлнинг укаси. Касал. Сиз уларни қаердан биласиз?
 - Мен ҳам ишлаш учун боргандим.
 - Сизни ҳам... зўрламоқчи бўлдими?!?
 - Нималар деяпсан? Йўқ, лекин нима гуноҳ қилганимни билмайман.
 - Баъзилар ўша товуқбоқар йигит аёлнинг укаси эмас дейишади. Аёлга қарагани, уни яхши кўриб қолгани учун бошлиқ шундай қилиб ташлаган эмиш.
 - Испинг нима?
 - Субҳия.
 - Ота-онанг борми?
 - Бўлишган, ҳозир етимчаман.
 - Неча ёшдасан?
 - Ўн... етти.
- Субҳия охирги рақамни ўйланиброк айтди. Мендан ёшини яшираётганга ўхшарди.
- Сизга бари бир эмасми? – деди бироздан сўнг.
 - Энди ёшнинг мен учун фарқи йўқ.
- Унинг фикрини тушундим. Кўзлари жиққа ёш эди. Ўлимга маҳкуммиз, бу тузоқдан кутулиб кетолмаймиз, демоқчи эди. Яна қийин аҳволда қолдим. «Кутулиб кетасан, ҳали ёшсан» демоқчи бўлдим, аммо ёлғон айтишдан не наф. Аспалатисофилин томон кетиб бораяпмиз. Тўғри, энди ҳаракатимиз аввалгига нисбатан анча суст. Бу томон нисбатан текисроқ, ҳатто бир-икки жойда озгина тўхтагандай ҳам бўлдик. Аммо қандайдир мубҳам бир куч бизни муқаррар комига тортиб бораётгани аниқ эди. У тўхтаб қолишига имкон бермасди.
- * * *
- Субҳияни устимдан туширдим. Елкам ва тирсакларим шилиниб кетганди. Илма-тешик костюмимни унинг остига тўшаб бердим. Силжиб бораётгандан костюм енгларини қизнинг кўлтиғи остидан ўтказиб олиб боғлаб қўйдим ва тугун тагидан кўлимни ўтказиб олдим. Ёнма-ён бораяпмиз. Юқорига чиқишининг сира имкони йўқ. Ортга қайтишнинг демоқчиман. Бу борада қилган барча уринишларимиз бехуда кетди. Бекорга куч сарфламаслик учун яна нишаблик измига бўйсунишга тўғри келди. Жуда секин, лекин қаричма-қарич тубизлилкка томон бораяпмиз. Тагимизда ғўрашак шағал бир маромда шигирлайди. Тепадан боща тош думалатишмади... Шусиз ҳам барибир ўлишимизни билишади. Тошни шунчаки эрмак учунми, қизиқчиликками думалатишган бўлса керак.
- Шундай кетаверамизми?
 - Қизнинг юзига қараб нима мақсадда бундай деётганини билмоқчи бўлдим ва сўрадим:
 - Нима қил дейсан?
 - Субҳия кўзларини олиб қочди.
 - Сиз кимсиз? Ўйланганмисиз? Болаларингиз бордир балки?..
 - Ҳеч кимим йўқ.
 - Мен ҳам сизга бегонаман. Ҳеч кимингиз бўлмайман.
- Бизнинг тақдири аъмолимиз бир.
- Лекин ҳаётимиз бошқа-бошқа.
- Ҳаётимиз ҳам бир. Токи ўлимгача шу йўлни бирга босиб ўтамиш.
- Бир-биришимизга бегона ҳолдами?
 - Ким бўлишимизни истайсан? Ака-сингилми, отаболами, ёки...?
 - Инсон умрининг охиригача ака-укаси ёки отонаси билан бирга яшай олмайди. Йигит ҳам, қиз ҳам вояга етгач оила қуради, ўзига ҳаёт йўлдоши танлайди. Фақат ана шу йўлдош билангина умрининг охиригача боради.
- Бирдан ҳаво булутланиб ёмғир ёға бошлади. Субҳия совқотиб пинжимга тикилди. Момақалдириқ гумбурлар, чақин чақар, атрофимиздан қондай қип-қизил сув оқарди. Лаҳза ўтмай жиққа ҳўл бўлдик. Қизнинг ёмғирда ювилган юзи ойдайгина эди. Сув остидаги тошдек тозарив ярқиради.
- * * *
- Қўёш чиқишини бир олам қувонч билан кутиб олдик. Субҳия совуқдан кўкарған лабларини, елкаси-ни офтобга тутар, бутун вужуди билан унга интилар, қуёшни бағрига босишини истарди. Кафтим билан унинг елкасига, бўйнига шувалган лойни артиб қўйдим. Ко-стюмимни белидан ечиб олиб офтобга ёйдим. Бу пайтда биз биринчи «юриш»дан тўхтагандик. Ёнбағир одам ўзини тутиб туролмайдиган даражада тик бўлса ҳам ёмғир оқизиб келган ғўрашак ва лой оёғимиз остида тўпланиб ношудгина зинача ҳосил қилган ва биз бу ноёб қурилмага оёқларимизни авайлабгина қўйиб турар, бир-биришимизга қараб хушнуд жилмаярдик, гўё оламшумул бир кашфиётни бузиб қуийшдан кўрқандек эҳтиёт бўлиб ҳаракат қилардик. Шундай тик ёнбағирда зинача ҳосил бўлишининг ўзи ҳақиқатан ҳам мўъжиза эди.
- Қўёш энди дурустгина қиздирап, "рўзгоримиз"нинг яккаю ягона бисоти костюмдан илик буғ кўтарилади. Биз шу сонияларда ғоят баҳтли эдик. Яна бир неча дақиқадан сўнг нималар рўй беришини ҳам, оёғимиз остида тубсиз бўшлиқ турганини ҳам унугтган, кела-жакни ўйламас, шу лаҳзанинг шодлиги билан яшардик. Ўтиришга ва бир-биришимизга рўй-рост қаравшага, кўзларимизга тикилиб ҳузур олишга имкон берилганига шукроналар айтардик. Дилларимиз сўзсиз бир нидо билан кўшиқ куйламоқда эди.
- Ногоҳ унинг кўзларида қувликка ўхшаш бир нарсани кўрдим. Ундан «ҳозир мўъжиза кўрсатаман» деган маънони уқдим. Ҳақиқатан ҳам у кафтлари билан ерга таяниб менга орқа ўғирди. Лозимасининг тилка-тилка бўлиб ииртилганини унугтанди афтидан. У эгилганча мендан яшириб нимадир қилди. Кўзлари қувончдан порлаб менга қаради. Кичкинагина муштласини маҳкам сиқиб турарди.
- Қўзингизни юминг, – деди ёш қизчаларга монанд ўйинқароқлик билан.
 - Бир ҳисобдан унинг бу қилиғи ёшига мос ҳам эди. Назаримда ҳали у ўн бешга ҳам тўлмаганди. Қўзимни юмдим.
 - Оғзингизни очинг!
 - Оғзимни очдим.
 - Нозиккина бармоқлар лабларимга тегди, кафти-нинг ҳароратини ҳис қилдим.
 - Бўлди!

Кўзимни очиб унинг қувончдан ёришиб турган юзига қарадим. Оғизимда данак катталигига нимадир бор эди. Дафъатан уни ғўрашак тош деб ўйладим. Субҳия менга ҳазил қилаётгандир деган хаёлга бордим ва шу лаҳзанинг ўзида оғизим сувланиб нордонгина таъмни сезди.

— Қурут!..

Ўзининг ҳам лунжи думпайибгина турарди. Икки бармоғини оғзига тиқиб оқ зўлдирчани олиб кўрсатди ва яна оғзига солди.

— Бошқа йўқ, — деди гўё шуни узоқроқ, тамшаб тамшаб шимишими уқдиргандай бир оҳангда. Бундай оҳанг менга таниш. Онам кўлимга бор дона қанд ёки бир бўлак нон тутқазардилар-да, «бошқа йўқ» деб писанда қилиб қўярдилар.

Мен бош силкиб жилмайиб қизнинг бу ишини рағбатлантирдим. Қурутдан билинар-билинмас тер ҳиди келар ва назаримда таъми ҳам бошқачароқ эди.

— Чўнтағингда яна бордир, — дедим жиддий қиёфада.

— Чўнтағимда йўқ, — иқрор бўлди қиз.

Офтобшувоқда ётиб қурут шимилик.

* * *

Арининг ғинғиллашидай овоз эшитилди. Субҳия хиргойи қиларди:

Йўл бўйида бир тўп олма бор,
Мен шўрлиқдай танҳо ва ёлғиз.
Йўловчисин кутар умидвор,
Оҳ, олмачалар, бўйга етган қиз...

Уни шу лаҳзада авайлабгина бағримга босгим, эркалатгим, соchlарини силагим келди, аммо бундай қилмадим. Мумкин эмас, ҳақим йўқ, унга бегона-ман. Бундан ташқари ҳиссиётларим ҳам аллақандай чучмал. Ҳаммаси аралаш: оталик ҳисси билан яна бошқа туйғу қалбимда тинимсиз кураш олиб бораётгандай. Балки бу ҳислар кўшилиб бир-бирига чатишиб қолган-у, энди бири иккинчисини маҳв этиб ва ажрабиб чиқиб, вужудим ва шууримга ҳукмронлик қилишга уринаётгандай.

Ана йўлда кўринди бирор,
Тўклидилар олмалар тўп-тўп...

Унинг кўшиғи шу жойда узилиб қолди. Ёнида бегона эркак борлиги ёдига тушиб ялт этиб қаради, юзига дув этиб қизиллик юргурди. Нима учундир менга аччиқ аралаш қаради. Кўзларида гинамикан, таънамикин, шамамикин, хуллас, мен номини аниқ билмаган нимадир балқиб турарди.

— Нима гап? — сўрадим ажабланганимни яширмай.

— Олмалар, мен шўрлиқдай танҳо ва ёлғиз... — дея қўшиғининг, афтидан ўзига қаттиқ таъсир этадиган мисрасини тақрорлади, кўзларига ёш қалқиб чиқди.

— Сен ёлғиз эмассан, Субҳия.

Қиз бола учун кўнглидаги фикрни айтиш қанчалар қийин. Ҳаммасини тушунганим ҳолда мен ҳам кескин фикр айтишга ботинмай турардим.

— Барibir ўламиз, шундай экан...

— Шундай экан, бир лаҳза бўлса ҳам...

Мен ҳам давомини айтольмадим. Ёнимда аёл киши бўлганда балки ҳаммаси осонроқ ҳал бўларди. Шу ҳақда ўйлаб қолдим.

— Дунёда муҳаббат борлигини билмай ўлиб кетиш катта баҳтсизлик, — деди Субҳия ва кўзларимга илтижо билан қаради.

Мен унинг билагидан ушлаб ўзимга тортдим. Қаршилик кўрсатмади. Шу пайтгача қилган яқинликларимиз: уни бағримга босишим, кўксимга бош қўйиши ва бошқа барча ҳолатлар тақдирнинг тақозоси бўлиб, бошига бир хил кулфат тушган икки инсоннинг дардкашлиги ва бир-бирига ёрдами эди. Энди эса иккаламиизда ҳам бутунлай бўлакча ҳиссиётлар тутғён үрмоқда.

— Тўхтанг, — деди Субҳия кўкрагимдан охиста итариб, — никоҳ ўқитиш-чи?

Шу лаҳзада унинг кўзларида зуҳур этган ифодани сўз билан таърифлаётлмайман. Қандайдир ваҳшиёна куч шарм ва ҳаё пардасини йиртиб ташлаб отилиб чиқишига шай турар, назаримда кўзичоқни ейишга шай турган бўрининг кўзларига ўхшарди, унинг кўзлари. Балки бошқачароқdir, аммо начора, менинг жайдари таърифим шу. Балки бу фикрим хатодир, менга шундай туюлгандир, ҳар ҳолда довдираб қолдим. Унинг вужудидаги титроқ менга ҳам ўтди.

— Никоҳ ўқитамиз, — дедим. Товушим аранг чиқди.

— Мен розиман!

Қўёшга қарадим. Олам ёритгичи қизариб ботиб бормоқда эди.

— Эй улуғ отамиз! — дедим Субҳиянинг елкасига кўпимни қуйиб. — Нидомизни эшит, илтижомизни рад этма, мана бу қиз – Субҳи. Мен – Бенаво. Бизга раҳнамолик қил, ўлимимиз олдидан никоҳлаб қўй!

Субҳиянинг ҳам лаблари пичирлаб турар ё менинг сўзларимини ичидаги тақрорлар ёки дилидаги энг яширин гапларини улуғ Сўфимиз – Қўёшга айтарди.

Биз Қўёш ботгунча кутдик. Тун борлиққа ва оёғимиз остидаги тубсизликка чойшабини ёпаркан, Субҳия бағримга кирди ва ўзини бутунлай менинг ихтиеримга топширди.

* * *

Эс-ҳушимизни йиғиштириб олганда аввалгидан ҳам катта тезлик ва шиддат билан тубсизлик томон кетиб бормоқда эдик. Муҳаббат жазаваларига оёғимиз остидаги ноҷоргина Еримиз дош беролмаган ва ўз фуқароларини тақдир ҳукмига қўш қўллаб топшириб қўяқолганди. Субҳияни йўқотиб қўймаслик учун бағримга маҳкамроқ босдим.

Ногоҳ остимиздаги ғўрашак тошларнинг шифирлаши тўхтади. Вужудимнинг енгил тортганини пайқаб қўлим билан билан остимни пайпаслаб кўрмоқчи бўлдим, Ерни тополмадим. Биз ҳавода учиб бораардик. Вужудимиз ердан узилган, муаллақ ҳолатда эдик. Юқорига кўтариляпмизми ёки пастга томон кетиб бораяпмизми – билмасдик.

Энди биз учун бунинг аҳамияти ҳам йўқ.

Субҳия бўйнимдан маҳкам кучганча қулоғимга ҳарорат билан шивирлади:

«Мен сизни севаман!»



Рустам МАННОПОВ,
тадқиқотчи

БЕДОР ҚАЛБ МУҒЭЖЛАРЫ

“Шарқ” нашриёт-матбаа-акциядорлик компанияси бош таҳририяти иктидорли шоир Зикрилла Неъматнинг “Онам эккан райхонлар” номли сайланма китобини нашр этди. Китобдан шоирнинг турли йилларда ёзилган шеър, ғазал, туюқ, муҳаммаслари, баллада ва достони ўрин олган. Китобда шоирнинг қардош халқлар адабиётидан ўигрған шеърлари ҳам жой олган. Шоир Зикрилла Неъматнинг бу сайланма китобини ўқир эканмиз, ундаги халқона тилда ёзилган содда, самимий туйғулари сизга ўзгача кайфият бағишлайди. Шоирнинг қалбида кечәётган улкан тұлғанишларидан ажыб бир ҳолатта тушамиз.

Зикрилла Неъматнинг кайфият манзараларига беихтиёр ошно бўласиз. Шоир ким, нима ҳақида ёзмасин, унинг самимий дил изҳорлари сизни ўзига мафтун этади. Китобни варақлар экансиз, ундаги ранг-баранг мавзулардаги шеърлар сизни ўзига тортиб олади. Зикрилла Неъмат сайланма китобидаги шеърларни етти бўлимга ажратиб тартиб берган. Булар: “Умр карвони”, “Бахтлар бешиги”, “Муҳаббатсиз яшаб бўлмас”, “Саккизинчи мўъжиза”, “Қуёш бўлиб порлар меҳр-оқибат”, “Она табиат, сенга минг таъзим”, “Эртаклар ўлкаси”, “Нурли Бухором”. Бу руқнлардаги шеърларда ватан, севги-муҳаббат изтироблари, баҳт, соғинч, армон туйғулари тараннум этилади. Шоир “Дунёга келдинг-у”... шеърида шундай сатрларни битади.

Ҳар тонг уйғонмасанг дилда ишқ билан
Булбулга жўровоз бир қўшиқ билан
Ёв келса, чиқмасанг қўлда тиг билан,
Дунёга келдинг-у келмадинг нима,
Сен инсон бўлдинг-у бўлмадинг нима?!

Бу шеърда инсонни фаол яшашига, ўз ватанига содик бўлишга ундовчи даъват янграйди. Шоир инсонни маънавий етук бўлишга чорлайди. У Ватанида бўлаётган улкан бунёдкорликни мадҳ этувчи сатрларни битади.

Бу ўйлар – кўп қадим, улуғ ўйлардир,
Атрофи тоғу-тош, дашту-чўллардир.
Бу қутлуғ ўйларнинг бунёдкори ким?
Заҳматкаш, забардаст, қадоқ қўллардир.
Халқум қудратидан олий бир нишон.
Бу ўйлар Тошгузар-Бойсун-Қумкўргон.

Шоирнинг сайланма китобида муҳаббат мавзуси алоҳида ўрин эгаллайди. Шоир севги-муҳаббатни кенг маънода идрок этади. Бу муҳаббат Ватанга, ёрга, онага каби улкан ҳис-туйғу эканлигини таъкидлайди.

Ажойибдир бу гўзал ҳаёт
Меҳр истар бутун мавжудот
Токи тирик экан одамзод
Муҳаббатни қўмсаб яшайди,
Кўнгил меҳр истаб яшайди.

“Саккизинчи мўъжиза” рукнидаги шеърларида она-ларимиз, аёлларимиз ҳақидаги шеърлар ўрин олган. Уларда меҳр, фарзандлик бурчи тараннум этилади.

Ҳовлимиизда ҳар баҳор
Онам райхон экарди.
Тонгда туриб ҳар сафар
Ҳовлига сув сепарди.

Шунда гўё оламни
Райхон ҳиди тутарди
Думоқларни ҷоғ қилиб
Дилларни шод этарди.

Эвоҳ, энди онам йўқ
Ўзим райхон экарман.
Волидамни соғиниб,
Дув-дув кўз ёш тўқарман.

Бу шеърдаги она образи таъсирчан чиқсан. Кўнгилларга бир маҳзунлик олиб киради. Кўз олдимизда мунис оналар гавдаланади. Сайланмадаги “Қуёш бўлиб порлар меҳр-оқибат” рукнидаги шеърларни ўқир эканмиз, болалиқдаги ширин, беғубор дамлар ёдга келади. Оддий инсонлар ҳаёти хаёлда жонланади. Шоирнинг “Ёмондир”, “Отажон”, “Қишлоқ соғинчи”, “От мингандар”, “Бободеҳқоним” каби кўплаб шеърлари фалсафий мушоҳадага бой.

Аросатда қолма э аҳли одам,
Дунёning Ғарб ва Шарқини билинг.
Оlam сирларини билмассангиз ҳам,
Одамнинг одамдан фарқини билинг!

Хулоса қилиб айтганда Зикрилла Неъматнинг сайланмасидан жой олган асарларда теран фикр, кенг мушиҳада, қалб түғёнлари гавдаланади. Шеърлардаги мусиқийлик ўқувчини ўзига маҳлиё қилиб қўяди. Сатрлардаги содалик юракларга жуда яқин. Шу яқинлик доимий бўлиб қолишини истаймиз.



ХУМОЮН

Читилганинг сайин олислар тозлар

БОБУРНОМА

*Инсон яшай билмас бу қадар,
Не синовлар ёғдирмиши фалак,
О, бу тарих юракни ўрттар
Бобурнома – қадимий эртак!*

*Саф-саф бўлиб лашкар юриши,
Тоғдан тоғга мисли афсона
Уруши қулмоқ тақдирнинг иши
Бобурнома, балки жсангнома.*

*Турфа одам, турли феъл-автор,
Тақдирлари зайлар замона.
Дўстлар ичра қоларсан ночор,
Бобурнома, балки панднома.*

*Бу сафардир, ўтиб тогу чўл,
Иқлиmlари сенга бегона.
Ҳайратларга лиммо-лим бу йўл
Бобурнома – саёҳатнома.*

*Ҳар не таъриф ярашгай унга
Тирик тарих парчаси гўё.
Саҳфалардан талпинар сенга
Ҳазрат Бобур кашиф этган дунё!*

ЁФМАГАН ЁМГИР

*Қайдан келди дайди шамоллар,
Булутларни оқизиб кетди.*



*Гўё тарқаб кетди хаёллар,
Юрагимга дард сизиб кетди.*

*Юлдузлар-да кўринмай, тўзон
Тун дунёни қоплади бутун.
Кўнглим хира, мисли тунд осмон –
Ёмғирларни ўғирлади тун!*

*Фақат ёмғир бўйлари қолди,
Томчи-томчи ўйлари қолди...*

ШАХМАТ

*Пиёда юргандан отлиқ яшироқ,
Шитоб манзил бориб, тургайсан қоим.
Филдан кўра асп маъқул-ку, бироқ,
Кенг майдон керакдир хосларга доим.*

*Фидойи-ю мағрур, марддир пиёда,
Исбот этиб шоҳга садоқатини.
Фарзин ўз фарзлари ила зиёда
Маҳкам тутиб турар шоҳнинг тахтини.*



*Фарзин билар сипоҳ кучин, қурбини
Бирликда курашмоқ асли ҳаётдир.
Узсанг-чи мантиқнинг занжирларини
Қўшин тарқаб кетар, шоҳ эса мотдир!*

СОГИНЧ

*Одамлар шаҳарда яшайдилар зич,
Алдашиб ўзларин, бир-бирларини.*



Дилларин ўртаса мунаввар согинч,
Хеч кимсага айтмас бу сирларини.

Билишар, уларни қўмсар қишилоқлар,
Тоғлар согинади қучиб осмонни.
Согинар денгизи кетган қирғоқлар,
Саҳролар согинар қўмсаబ карвонни...

БОЛАЛИКНИНГ ТУГАШИ

Ўтиб борар дунёни кўрдим,
Юрагимни ўртади алам,
Беҳол-беҳол қўлларин ўпдим,
Онам қариб қолмишилар, онам.

Мен боладай бегам, беташвиши,
Интилганим – она даргоҳи,
Бошим узра мудом ёзилмиши,
Битта паноҳ – она паноҳи.

Осмон боқдим, бағрим тигладим,
Мадад тилаб, етмай бардошим.
Ва тун бўйи бедор йигладим,
Саҳар билан оқарди бошим.

Онам қариб қолмишилар, онам...

АФСУС ВА ПУШАЙМОНЛИК

Бу тало-тўп олам ичинда
Аввал омон бўлсин омонлик,
Гоҳ безовста қилишар тунда –
Афсус ҳам пушаймонлик.

Эгизакдир, ажралмас икков,
Тегажоғлик қилар асабга,
Сал ён боссанг, етаклаб дарров,
Олиб борар тўғри газабга.



ТОҒЛАР ОРТИДА

Тоғнинг этагида турган одамга,
Чўққилар яқиндай, забт этиши осон.
Ғайрат жўши уради дилда шу дамда,
Дадил одимлайсан чўққилар томон.

Интилганинг сайин олислар тоғлар,
Юксалиб боради ҳар қадам сари,
Тоғлар таширифингдан кўнглини чоғлар,
Бағрига олади ёнбагирлари.



Юксалаверасан, қуёши йўлидан
Ҳис этиб дунёнинг кенгу-торлигин.
Чўққига етганда, кўрасан бирдан –
Тоғлар ортида ҳам тоғлар борлигин.

* * *

Бағримда бир ҳис бор бешафқат,
Номи недир, балкиadolat,
Балки вижедон, ё сабр, тоқат
Бир ундан қўрқаман мен фақат!

Ноҳақлик дуч келса ногаҳон,
Сапчимоқ истайди осмонга,
Кўнгилмас, тор ҳатто кенг жаҳон –
Лаҳзада айланар арслонга!

* * *

Хаёлимга қуюлар оҳанг,
Қайлардадир ажсиб сатрлар,
Эй, илҳомнинг маликаси кел
Англомасман, дилда не сирлар.

Айтгил менга сеҳрли калом,
Кўнгил нотинч, ўйларим бетин.
Менга йўқдир бу дамлар ором –
Асрлардай чўзилади тун.

Майли, фироқ қўшиқларин айт,
Бир сўз десин мунаввар тонглар.
Шивирласин ақалли бир байт
Тинч қўйса бас, ўжар оҳанглар!

* * *

Гоҳ ёлғизлик сухбати создир,
Булбул чаҳ-чаҳ қилсин, дилроҳидир.
Менга севги шаробидан қуй,
Дилга малҳам бўлсин кўҳна куй.

Дунёларни унутгим келди,
Ўз ўзимни мен кутгим келди.
Гоҳи шундоқ танҳо қоламан,
Сўнг ўзимга келиб оламан!

* * *

Ҳакам, билсанг бўлар эди соз,
Ҳукм қилмоқ яратганга хос,
Замонабоп қонунларинг ҳам,
Сен ўзинг ҳам восита, холос!



Рахмон КЎЧКОР,
филология фанлари номзоди, доцент

ИҲАОЕ ВА ШИҲОДАМ

Устоз Абдулла Қаҳҳорнинг “Адабиёт – ҳунар, уни қасбга айлантириб олганларнинг олмага тушган куртдан фарқи йўқ” деган гапида гап кўп экан. Адиб фикрини шунинг учун ҳам эслаяпмизки, чинакам ҳунарманд бирор янги нарса яратмоққа азм этар экан, ўзини бу иш билан худди биринчи бор тўқнаш келаётгандек ҳис қилиши, кеча орттирган тажрибасидан бугунги ишида айтарли фойдаланмаслиги яратилажак нарсанинг жозибасини, оҳори – оригиналлигини таъминлашда асосий омил бўлади. Агар гап дунё миқёсида ҳар куни минглаб, балки миллионлаб сонда ёзиладиган шеър ҳақида борса, инчунун.

Шу нуқтаи назардан қараганда, даври, тили ва эътиқоди, миллати ё ирқидан қатъни назар, ҳаммага ато этилган КЎНГИЛга изҳор тили топиш, уни шунчаки тўкиб солиш эмас, ўзга кўнгилга малол келмайдиган, унга худди қақроқ ерга томган сув сингари сингиб кетадиган табиий малҳам тарзида баён этиш қанчалар мушкул. Қолаверса, шеър ёзила бошлаган ибтидодан то ҳозирга қадар баён этилмаган туйғунинг ўзи ҳам, унинг ишлатилмаган иншо усули ҳам деярли қолмагандек. Лекин, шуниси мўъжизаки, истеъодли ижодкор буларнинг барини қайта ва қайта кашф эта-веради, ҳар сафар унинг изҳори кутилмаган янгилик сифатида тан олинаверади. Бу ҳунарнинг ўзгармас талаб-қоидасини эса Ҳенриҳ Ҳейне шундай таърифлаган эди:

Ҳамма эснаб турди, қулоқ солмади,
Қайғумни гапириб берган вақтимда.
Мени алқамаган киши қолмади,
Қайғумни назмга терган вақтимда...

(Чўлпон таржимаси)

Вақтли матбуотда, кўплаб тўпламларда чоп этилаётган сонсиз-саноқсиз тизмалар орасида санъат юқи бор мисра учраб қолса, шеър қадрини биладиган ўқувчи қанчалар суюнади. Шу маънода шоира Хуршиддининг “Самойинур” деба чиройли ном берилган

сайланмасига кирган ўнлаб гўзал шеърлар адабиёт ахлини мамнун қилмаслиги мумкин эмас.

Ўрни келганда шуни таъқидламоқ керакки, у ёхуд бу ижодкорнинг дарду дунёси, изҳор усули, мақсад-муддаоси тўғрисида кенгроқ, яхлитроқ тасаввур ҳосил қилиш учун бундай тўпламлар ниҳоятда аскотади. Чунки шоирнинг жорий матбуотда чиққан, бир сафар кўриб, бошқа сафар кўлимизга етиб келмаган ижод намуналари, ҳар қанча уринманг, ўша тасаввурни яхлитлаб беролмайди. Бошқача айтганда, “Самойинур” тўплами муаллифининг қалб биографиясини нисбатан тўла акс эттириши билан ҳам эътиборлидир.

Шоира бундан ўн йил аввал мўъжизакор Баҳорга шундай илтижо қилган экан:

Баҳор!
Ўргат менга оҳиста,
кулиб,
қаро ерга алвон либос бичмоқни,
нозик ниҳолларинг савалаган сел
сувларин меҳр ила ичмоқни!..

Баҳор!
Сен йилдан йил яшинайвер, эркам.
Мен – очилмай сўлган гулнинг
дарбадар,
сенга ўхшолмаган байтларига ҳам
ҳаёт баҳи этиб тур ҳар сафар!..

Шоирадаги мана шу – ўзидан қониқмаслиқдек мухим ижодий ҳис йиллар оша уни бедор тутди, шеър ёзиш – сўзлардан оҳангли матн тўқиши касби эмас, балки ҳаёт аталмиш ширин ва беҳад шафқатсиз реаллик сирини англаб бораётган безовта кўнгил тилини таржима қилиб бериш санъати эканини эслатиб турди.

Мен жой ахтариб юрибман,
Халқим, сенинг юрагинг аро.
Бир тайинли сўз айттолмадим,
Афсус, шеърим йўқ бирор сара.



Ҳолбуки, шоира ўзи танлаган ижодий йўлда талайгина сара шеърлар топди, устозу тендошлари ичидаги ўз овози билан танилиб туришга эришиди. Шуниси мухимки, Хуршида ўзи безовта бўлмагунча шеърхонни ҳам безовта қилмасликка кўниккан шоира. Бугунги кун метьёрлари билан гапирадиган бўлсак, ундан ҳам кўшик учун шеър ёзиб беришини сўраб келадиган санъаткору ҳаваскор оз эмасдир. Бироқ у оммага танилишнинг бу осон йўлидан эмас, топган зарини факат заргарга илиниш-ишониш йўлидан боришини афзал билмоқда. Унинг битганларини ўқиб ҳис қилиш ўқувидан муайян тайёргарликни, ҳатто руҳий тадорикни талаб қилишининг сабаби ҳам мана шунда, бизнингча. Жумладан, 2001 йилда битилган “Дунё” шеърида акс этган мудом кемтик тирикликтининг оригинал бадиий идроки, лирик қаҳрамон туртина-суртина етиб келган мана бу аччиқ холосалар, худди шу дунёни аксарият қирмизи рангларда кўришга мойил кишилар учун бор-йўғи қуруқ ҳасрат бўлиб эшитилса, ҳайрон бўлмаслик керак:

*Охуларнинг маъсум қўзларида ёш,
Қўумурскалар йўлин ёритар қуёш,
Бегуноҳ оққушлар кўтаролмас бош,
Берган зийнатидан тонар дунё бу...*

*Ўтингчим: байтларим ботмасин дилга,
Талх уммон ҳаёт бахш этолмас гулга,
Мусича дарс берса не тонг, булбулга,
Дилозорни қувиб толар дунё бу,
Фақат сўзни асрар қолар дунё бу!..*

Инсон руҳиятининг билимдони Зигмунд Фрейд кузашибишича, отасининг вафот санаси эркак киши ҳаётида мухим ўзгаришларга йўл очадиган палла ҳисобланади. Киши, неча ёшга етганидан қатъи назар, шу ҳодисага қадар ўзини мудом боладек, ёшдек, кимнингдир етовори, қарамоғидаги одамдек ҳис қиласди. У ташки кўринишидаги барча ўзгаришлар, ўзгалар нигоҳига бўртиб кўринаётган эркаклик сиёқига қарамасдан, ўз ичидаги, ўз қарашида ҳамон ёшлигича – ғўрлигича қолаверади. Шунга кўра, ҳаёт сўровларига жавоб бериш, тириклик оғирлигини тўла-тўқис гарданга олиш масъулиятини, ҳар қанча ўзи истамасин, мукаммал ҳис қила олмайди. Отанинг ўлими эса уни бирданига, жуда тез каттаришига, чинакам эркакликка етишувига сабаб бўлади. Энди у тўла-тўқис мустақилликни, эркинликни, ўй ва ҳаракатларидаги фақат ва фақат ўзига ишонишдек масъулиятни ҳис қиласди. Шу даврдан бошлаб унда болалик ҳисси батамом сўниб, оталик туйғуси тўлақонли кучга киради... Бу эркакларда кечадиган ҳолат.

Хўш, отасидан айрилиш қизларда, аёлларда қандай ҳис-туйғуларни қўзгайди, улар руҳиятида, дунё-қарашида не ўзгариш-эврилишлар содир этади? Бу борада атрофлича илмий холосалар чиқаришни руҳшунослар ихтиёрига қолдириб, биз қалби ҳар кимнидан сезирроқ шоиралар, жумладан, Хуршида кўнглига оғир қанот-ла қўнган дардлар залворини кузатамиш:

*Отамнинг бор умри сабрга кетди,
Мехнату риёзат – жабрга кетди.*

*Фароғат чироғин, ҳидоят нурин
Ахтариб, қоронғу қабрга кетди...*

Албатта, ота-она, ака-ука ва бошқа яқинлардан айрилиш мутлақо шахсий, қондошлик характерига эга ҳодисалар бўлиб, улар тўғрисидаги шеър ва ҳикоялар, юзаки қараганда, оилавий альбомда қолиши лозимдек туюлади. Бироқ ижодкор инсон, ҳаммамиздан кўра таъсирчанроқ сажия эгаси сифатида, бу шахсий кўргуликлар баён-изҳорига шундай оҳанг топадики, бу оҳанглар қай биримизнинг унтилаёзган дардларимизни қайта кўзғотса, бошқа биримизни ғам-қайғуга кенгроқ қараш, ундан-да сабоқ олиш ва шу орқали пича юпанишга ўргатади:

*Дада,
Тупроқларнинг бағрида ҳаёт
Осуда эканми, йўқмикан армон?..
Ҳажру фироқлардан фақат одамзод
Тириклидаги чекар эканми ағғон?*

Хуршида шеърларига сезиларли самимият, ростлик ва оҳор бағишлиб турган яна бир жиҳат лирик қаҳрамонга хос бўлган бағрикенглик, ўзининг излай-излай топганларини ўзгаларга ихлос-ла илинишдек кўнгли очиқлик фазилатидир. Боя айтилганидек, бу шеърларга таъсирсиз китобийлик ҳам, ғашга тегадиган декларативлик ҳам, аёлларга-да ярашмайдиган чучмал тантиқлик ҳам мутлақо ёт. Айрим шоира қизларимизда учрайдиган, умрида кўрмагани (демакки, курдатини заррача ҳис қилмагани!) – “денгиз мавжларида қулоч отиб, ўзни унугтим келди” таҳлит ясама пафослардан узоқлик – қалби миллий заминдан узилмаган ижодкорнинг яна бир умидли сифатидир:

*Бахтнинг рангларини кўра бошладим,
Бири ойда экан, бири қуёшда!
Кулгу жарангини илғаб оляпман,
Гоҳо сойдан келса, гоҳида тошдан!...*

*Бахт рангин энди сал англаяпман-у,
Ўзимдек зорларга келар ўргатгам!*

“Сайланма”дан шоиранинг аruz вазнида қилган ижодий уринишлари ҳам муносаб, ҳақли ўрин олган. Чунки булар шунчаки уриниш, ҳаваскорлик машқлари бўлмай, мумтоз вазн табиати, стихияси шоирага бегона эмаслигини, ҳатто айрим намуналар мисолида бармоқдан-да яқинроқ, ўнғайроқ, “куш тилини күш билади” сингари қадрданроқ эканини кўрсатади.

...Аслида бундай мақолаларнинг бир қисми муаллиф ижодидаги муайян камчиликлар, унинг таҳлил этилаётган тўпламига кириб қолган бўшроқ шеърлари танқидига ажратилиши лозимлигини унутганимиз йўқ, албатта. Бироқ “Самойинур” китобидан “Тафтини олганда хок, тингайми титроқдин танам?” сингари талай нодир мисраларни топамизики, қуввати шундай мисралар яратишга етадиган шоира қалами унча-мунча камчилик-нуқсонларни таҳрир этишга ҳам ўзида куч топишига ишонгимиз келади.



Динора РАХИМОВА



ҚИШЛОҚДАГИ БУВИЖОНІМ

Қисса*



ЖАЖЖИ АСАР ҲАҚИДА СҮЗ

Сүнгги пайтлар бадиий ижодға ҳавасмандалар жуда күпайды. Улар таҳририятларга қисиниб-қимтиниб әмас, далли-ғуллы кириб келишады.

“Мениң асаримни чоп этинглар,” – дейишиади күләзмаларини стол устига намойишкорона ташлад.

Ҳа, улар ҳеч бир иккиланмай шундай талаб қилишади. Бу нағынхол ижодкорларнинг мардана, нописанд иддаоларидан күнглімизда бир иштибоқ кечади: “Тузук нарса қоралаган күрінади...” Аста күләзмани бараклашыга тұтнамаиз, ва...күрамаизки, бадииятдан хиyllа узоқ, жүн ва саёз битиклар. Энг ёмони ҳақықатдан йироқ, сохта баёнчиликка лиммо-лим...

“Йүқ, бу воқеалар ҳаётда чиндан ҳам бүлған”, – деге бизни енгемокчи бүллади мурғак муаллифлар.

Күнамаиз. Бөш иргаб құямыз.

Мана, бугун иқтидорлы қаламкаш Динора Раҳимованинг “Қишлоқдаги бувижоним” асарини үқиб чиқарканман, күнглім ногоҳ ёришади. Қизимизнинг қалами анча қархланған. Нигоҳлари тиіран. Воқе-ликтен файласуфона күзатыша уринади. Энг мұхими, ҳаётни, айниқса, үзи қаламга олаётгап қаҳрамонлар тұрмуш тарзини, кечинмаларини яхши билади. Тасевірларни тиниқ өз жонлы берішінде уринади. Масалан, асарнинг илк сатрларыдағы құйидаги чизгиларға дүч келамиз: “Қуёш биз билан ким үзарға мусобақалашаади. Дараҳтлар орасидан күз қисиб-күз қисиб үтаяпты.”

“Қишлоқдаги бувижоним” Диноранинг илк настрий асари. Үнда болаларға хос үтә содда, жүнроқ үрінлар ҳам учрайди. Лекин бу үқуевчига сира малол келмайды. Чунки тасевірлар самимий өз қароратли. Үқуевчини беихтиёр үз измига олади.

Динора Раҳимовани ана шу самимият, ҳарорат аспо тарк этмасин деймиз.

Луқмон БҮРИХОН

* Журнал варианти



ҚИШЛОҚҚА КЕЛДИК

Тоғлар орасида кетаётган бўлсак ҳам, ҳаво иссиқ. Дадам машина ойнасини очиб олган. Шаббода фақат дадамгагина хос бўлган ёқимли ҳидларни менга илиниб ўтади.

- Дадажон, тезроқ юрайлик, – дедим.
- Ростдан ҳам, тезроқ юрақолайлик. Майлими?
- Орқадаги икки ўриндиқ орасидан дадамга мўралаб илтимос қилди укам Абдусалим ҳам.
- Бундан тез юриш мумкинмас-да, болалар, – деди дадам пешонасига яқин турган кўзгу орқали бизга қараб.
- Эй нима бўпти, юраверайлик, – деди укам қайсарлиги тутиб.
- Йўлда милиция тўхтатса нима қиласмиш?
- Тўхтамаймиз, – укамнинг бунақа кутилмаган жавоблари дадамни доим қийнаб қўяди.

Қуёш биз билан ким ўзарга мусобақалашади. Даражатлар орқасидан кўз қисиб-кўз қисиб ўтаяпти. Йўлга чиққанимиздан бери икки-уч мартағина орқада қолди, холос. Шундаям бирпасда олдинга ўтиб олаверди.

– Эсиз, дадам яна сал тезроқ юрганда эди, қуёш аллақачон орқада қолиб кетарди. Кичкиналар доим катталарни айтганини қилиши керак. Нега катталар кичкиналарнинг сўзини қиласмиш? – деди Абдусалим.

Оқланган, пастаккина, лой деворли уйларни қаерда кўрмай биринчи бўлиб қишлоғимиз ёдимга келади. Мана ўша уйлар. Баҳор фаслида томида лолақизғандоклар ўсади. Тишим тушганда шу томлардан биттасига ташлагандим. Яна битта тишим тушди. Уни эҳтиётлаб, қишлоққа олиб келяпман. Чунки Тошкентдаги томларга отсан, тишим ўзимга яна қайтиб тушадида. Яна-чи, биз томонда шамол жудаям кўп ва қаттиқ бўлади. Шунинг учун “тентак шамол” дейишар экан. Ўшанақа пайтларда забардаст, учи кўринмайдиган узун-узун тераклар ҳам бир-бирига суюниб, вахимали, ғув-ғув овоз чиқариб тебранади. Шамол секинлаганда омон қолганидан қувонса керак, барглар қарсак чалади. Дадамнинг бошқа вилоятдаги бир дўстиникига меҳмонга борганимизда, уйи ёнидаги тераклар тебраниб шунақа қарсак чалганди. Ўшанда Абдусалим қишлоғимизнинг овози келяпти, деган. Чиндан ҳам бу товушлар қишлоғимизнинг овози. Бу ерда кўп одамлар велосипедда юради. Қишлоқ кўчаларидан мол-кўйларнинг мараши-ю, итларнинг хуришига қўшилиб, узоқ-яқиндаги тракторларнинг овози эшишилади. Яна тошли йўллаклардан ўтаётган сигир-бузоқларнинг арқонига уланган, уларнинг ортидан жаранг-журунг қилиб судраладиган қозикларнинг ҳам ўйноқи товуши янграйди. Агар билсангиз, бу ҳам қишлоғимизнинг овози. Иссиқ ноннинг, янги ўрилган ўтнинг, тандирда ёнаётган ўтнинг, райхоннинг, сув сепилган ернинг ҳиди – бу қишлоғимизнинг ҳиди. Ана, судралаётган қозикнинг товуши келяпти.

Ярим йўлдан буёғига умуман гапирмасдан, дадамдан хафа бўлиб келаётган Абдусалимга атроф таниш кўриниб қолди.

– Ийи, келдикми, дада? – деди бирпасда арази эсдан чиқиб.

– Ҳа, келдик.

Машина тўхтар-тўхтамас, ундан отилиб тушдигу ичкарига югурдик: “Бувижон, биз келдик”.

Остонада турган бувим шошганидан калишини тополмай, “Вой бувинг жонингдан, ўзим ўргилай, менинг оталарим кепти-ю” деганча, ҳовлига маҳсиси билан чиқиб қўяқолди. Бизни бағрларига олиб, юзларимиздан, пешонамиздан ўпди.

– Бувижон, мен сизни иккита кўзим билан соғиндим? – дея мақтанганинмо, чўзилиб гапирдим.

– Ўзим айланай. Кел, шу иккита кўзларингдан ҳам ўпид қўяй, – бувижоним мени эркалаб суйганида укам қараб турмасди. Бу сафар ҳам шундай бўлди:

– Бувижон, қаранг, мен сизни бунча, бунча, бунча кўзим билан соғиндим, – деди ўнта бармогини бир неча марта ёйиб, йиғиб қўрсатар экан.

– Бувинг ўргилсин, гиргиттонларим, бувинг ўргилсин.

Ёз барibir яхши. Айниқса қишлоқнинг ёзи. Бизга роса маза бўлади-да. Даствурхондаги тайёр мевалар қолиб, дараҳтдагисини териб еймиз. Бувим уришадилар-у, лекин биламан, улар бундан хафа бўлмайдилар. Чунки бизни ўзлари жилмайиб томоша қилиб ўтирадилар-да. Амакимизнинг ўғли Ҳикматилла мен билан тенгкур. Иккимиз ҳам иккинчи синфи битирдик. Укам Абдусалим беш ўшда. Уч оғайни ботирлар бир бўлсак борми, дунёнинг ғайратини ҳам, қувончини ҳам битта ўйинимизга тенглаштира олмайсиз.

ҚУЛОҚ ЧЎЗМА ЎЙНАДИК

– Болалар, тўйга чиқасизларми? Орқа кўчадаги кўшниникида тўй бўляпти, – бувимнинг таклифи билан Ҳикматилла бошчилигига бир бўлиб орқа кўчага, тўйга чиқиб кетаётгандик:

– Қулоқ чўзма ўйнаманлар тағин, – дедилар бувим.

– Ҳикматилла, тўйга ростдан ҳам бизни киритаверадими? – деб ҳайрон бўлиб сўрадим.

– Ҳа, – деди жилмайиб Ҳикматилла.

– Бизни танимасаямми?

– Ҳа дедим-ку.

– Тошкентда тўйга фақат катталар боради-да, ўшанга сўрадим.

– Эй, бизда ҳамма бораверади, қара, – тўйхона дарвазасига яқинлашган Ҳикматилланинг кўзи болаларни атрофига тўплаб, тугилган рўмолчани қўлида баланд кўтариб гапираётган, қорни катта амакига тушган заҳоти “ўйин бошланибди-ю, юринглар тезроқ” деганча давра томонга югуриб кетди. Қишлоқда шунчалик кўп бола бор экан-да. Абдусалим иккимиз ўйнаётгандарни четдан кузатардик.

Қорни катта амаки гапини тугатиб, қўлидаги рўмолчани отган эди, болалар бир-бирининг устидан ошиб, тугунчани кўлга киритишга ҳаракат қилди. Ана, Ҳикматилла тугунчани олди. Қочаётган эди, битта бақалоқ бола аввал унинг елкасига, кейин қулқарига осилиб ерга йиқитди. Ҳикматилланинг додлаганини эшитиб, кўрқиб кетдим. Яқинроқ борсам, бечоранинг қулогини ҳали у ёққа, ҳали бу ёққа чўзиб айлантиришяпти. Абдусалимга айтиб, амакимни чақиртирмокчи бўлиб турган эдим, болалар чангга тўлдириган даврадан ҳалиги тугунча отилиб ёнимга тушди. Мен ҳам тугунчани олдим-да анча узоққа югуриб кетдим. Тез югурманда. Жисмоний тарбия дарсларида югуриш бўлса ҳар

доим маррага биринчи бўлиб келаман. "Ютдим, ютдим" деб тугунчамни баланд кўтариб, сакрадим. Югуриб келаётган болалар мени табриклишга келяпти деб ўйлаб тургандим, ҳаммаси бир бўлиб кўлимга ташланса бўладими? Менам тугунчамни бермай қаттиқ чанглаб олдим. "Мен ютгандим-ку, қўйворинглар" дедим алам билан. Ҳикматилла кулиб: "Тугунни олгандан кейин Холмат амакига топшириш керак эди," – деди. Қорни катта амакининг исми Холмат амаки экан. Аммо энди қимирлашнинг умуман иложи йўқ эди. Вой-дод, биттаси мени босиб олиб чунонам қулогимни бурадики... Менимча, бақалоқ устимга чиқиб олган бўлса керак, нафас ҳам ололмай қолдим. Болалар қулогимни суғуриб олса ҳудди бойиб қоладигандек, завқ билан тортарди. Охири чидомладим, тугунчани отвордим. Хайрият, қутулдим-эй. Лекин қулогим ёмон оғрияпти, филникичалик бўлмасаям анча катталашиб кетган. Ушлаб кўрмоқчи эдим, қулогим қизиган, ёнаётганга ўхшарди. Қулоқ иссиқ турса, жонга ёқаркан. Сал тезроқ юрвorsam қулогим қимирлаб кетаверар, ёмонам оғрир эди. Қарасам, Абдусалим ҳам болаларга қўшилиб кетиби. Оббо, энди уни қандай ажратиб оламан. Мени ҳолимга тушса нима қилади, бечора. Шу ҳолимда яна даврага қўшилдим. Укамни тортилаб четга олгандим, йиғлаб берди. "Билганингни қил" дедим. Бир адабини есин-чи, "ака, айтганингизни қилсан бўларкан" дейди ҳали. Даврага кириб-кирмай "акаа" деб жонҳолатда югуриб чиқди. Ана айтдим-ку. Лекин қўлида тугунча бор экан. Болалар яқинлашганда тугунчани менга ошириди. Яна ўша ҳолат. Ҳаммаси устимга бостириб келяпти. Кўрқиб кетдим. Шу пайт қорни катта амакига яқин турган Абдусалимга тугунни қайтардим. У эса Холмат амакининг кўлига шундоқнина тутқизди-қўиди.

– Яшавор, йигитча, кимнинг ўғлисан, танимай турибман, – деди Холмат амаки. Саволга Абдусалим қолиб болалар жавоб беришиди:

- Тошкентдан кепти.
- Ҳикматилланинг амакиваччаси экан.
- Ҳа яхши, қани бери кел-чи. Бу ўйинни олдин ҳам ўйнаганмисан? – деди амаки Абдусалимга.

– Йўқ, бугун биринчи марта ўйнадим.

– Қойилман, қандай қилиб биринчи ўйинданоқ ғолиб бўлдинг? – Холмат амаки кўзлари янаем порлаб сўради.

– Акам ёрдам бердилар. Улар жудаям яхши, – Абдусалимнинг сўзини эшитиб, укамни ҳар доимидан кўпроқ яхши кўриб кетдим. Холмат амаки укамга тугунча ичидаги мукофот пулини бераётганда ҳамма қарсак чалиб олқишлиди. Менга ўхшаб шаллангўлоққа айланганлар эса номигагина кўлини кўлига теккизиб, ўзини қарсак чалаётгандек кўрсатар эди. Уларни ҳам кулоғи қимирлаганда оғриётган бўлса керак-да. Ўйин тугади.

ДАДАМ СИГИР СОҚҚАН ЭКАН

Тонг отдими ё катталар ҳалиям ухламаганми, англаб-англамай ғовур-ғувур овозлардан ўйғондим. Ташқари ним қоронғу, қарасам, соат тўрт бўлиби. Мен тонгги соат тўртни биринчи марта кўришим эди. Бунча барвақт турив нима қилишар экан булар? Уйқум қочди. Ҳовлига чиқсан, қоп-қоронғида, қўрқмасдан

Ҳикматилланинг катта опаси супурги билан чеълакни кўтариб кўчага чиқиб кетди.

– Бувижон, Мадина опам қаёққа кетяпти? – дедим. Салом бериш ҳам ёдимдан кўтарилиб.

– Яхши дам олдингми, болам? Мадина опанг кўча супургани чиқиб кетди.

– Ҳали қоронғи-ку.

– Бизнинг қишлоқда бу вақтда тонг отган ҳисобланади, бояложоним.

– Қўрқмайдиларми?

– Билмасам, сен ёнида турсанг қўрқмаса керак. Яна ёрдамлашиб ҳам турар эдинг. Бор қараб тур, борақол, – дедилар.

Кўчага чиқсан... Одамлар гавжум, чироқ нурларидан ёришган бир кўча. Чиндан ҳам тонг отгандай бўлди. "Шит-шит", этган супурги товушлари, сувнинг тупроқ йўллакка сочилиши, кўчадан ўтаётган боболарнинг жўр бўлиб қизлар саломига алик олганлари, алиқдан сўнг узоқ-узоқ қилган дуолари, тонгла файзни олиб кирган опаларнинг шодон кулгулари, хотирамда тонгнинг энг гўзал ва ягона қиёфаси бўлиб муҳрланиб қолди.

Уйда бувим билан дадам Ҳикматиллани ўрталарига олиб сұхбатлашаётган эканлар.

– Ҳа, ўғлим, нега турибсан? Кел, – дедилар.

– Дада, бу ерда кўча-ҳовлилар ҳар куни шундай супуриладими?

– Ҳа, ҳар куни супурилади.

– Нега?

– Бувижонингдан сўрагин.

– Сиз билмайсизми?

– Нега энди, биламан. Супуришнинг хосияти ҳақидаги ривоятларни, бошқа савобли ишлар ҳақида эшитиб катта бўлғанмиз ахир. Бувижонинг чиройли қилиб гапириб берадилар-да, – дадам бувимга жилмайиб, "айтиб берасиз-а" дегандай савол назари билан қарадилар.

– Ҳаммаёқ тоза бўлса сенгаям, бошқаларга ҳам ёқади, тўғрими? – дедилар бувим.

– Ҳа, – дедим мен.

– Аллоҳ ҳар тонгда бизга ризқ улашади. Барвақт турган бандаларига эса кўп ризқ беради. Ўйкудан жуда кеч ўйғонадиганларнинг кунида баракаси бўлмайди, куни баракасиз одамнинг иши ҳам, ризқи ҳам баракасиз бўлади. Барвақт ўйғонишнинг хосияти кўп болам.

– Бувижон, мен ҳозир келаман, Абдусалимни ўйғотиб чиқай, – деб укамнинг олдига чиқиб кетдим.

– Абдусалим, тургин, бувим зўр нарса гапириб берятилар. Сен ҳам эшитасанми? Тургин, турақол. Жудаям қизиқ экан.

Қизиқ воқеаларни эшитишни хуш кўрадиган укамни бунақа гаплар билан ўйғотиш осон эди. Юзини чалаюван укам кўзларини ишқаб, бувимнинг олдига кириб борди.

– Мана бувижон, Абдусалимни ҳам ўйғотдим. Энди Худо бугун укамгаям кўп ризқ беради, а? – деб сўрадим.

– Ўзимнинг эси кўп, меҳрибон неварамдан айланай, уканғи шунинг учун ўйғотдингми? Албатта, беради, – бувим мени кучоқларига олиб, бошимни силади.

– Абдусалимнинг ҳовлиқишидан Ҳикматилла пиқ этиб кулиб юборди.



Бувим ҳам жилмайди.

– Агар оиласда қиз ҳам, келин ҳам бўлмаса ҳовлини ким супуради? – деб сўрадим мен.

– Ўғиллар қиласди-да, ўғлим. – дедилар дадам.

– Амманг чақалоқ эди. Бувинг далага, бобонг ишга кетарди. Амакиларинг билан ҳамма уй ишларини бўлишиб қиласди.

– Сиз қанақа ишлар қилгансиз?

– Мен ҳар доим ҳар хил иш қиласдим. Юмушларни қофозчаларга алоҳида ёзиб, ўрардик-да, ўртага ташлаб ҳар биттамиз тўрттадан танлардик. Мен доим катта амакингга сигир соғиш тушсин-да деб ният қиласдим. Чунки амакинг сигирдан кўрқарди. Мен кўрқмасдим.

– Дада, сиз сигир соғганмисиз? – Ўзим эшиштәётгандаримга ишонмасдим. Чунки дадамнинг ҳатто ошхонага киргандарини ҳам эслолмайман. Боя келинойим сигирни соғаётганини кўргандим. Уларнинг ўрнига дадамни қўйиб кўрдим. Шунақа кулгим келди. Тасаввур қилдим. Дадам чўнқайиб сигирни соғса-я?!

– Ҳа, соғар эдим. Сигирменга ўрганиб ҳам қолганди. Хаттоки бувинг борса қийнарди, соғдирмасди. Мабодо амакингга шу юмуш тушса менга маза эди. Ҳамма ишимни битта сигир соғишга алмаштириб олардим. Бу қилиғимни бобонг билиб қолиб, қаттиқ танбех бергандаридан кейин ташлаганман. Ундан ташқари кирларни ювардик, ҳамир қилиб нон ёпардик, идиш-товоқларни ювардик, чанг артишми, супуришми, овқат қилишми – ҳамма ишни қилганимиз.

– Вой бў... Мактабга бормаганмисиз?

– Борганимиз. Бу ишлар мактабга кетгунча қилинарди, ўғлим. Мактабдан келиб яна далага чиқардик. Молларимиз ўтлаётгандан, дараҳтларнинг соясида ўтириб китоб ўқиганмиз, – дадам хиёл табассум билан ўйга толиб қолдилар. Ўтган кунларни эслаятилар, шекилли деб бошқа савол бермадик. Лекин барибир, дадамнинг фартуқда идишлар юваётгани, капгир тутганини тасаввур этганимда ўзимни аранг кулгудан тўхтатардим.

Кун ёришгунича кўча ва ҳовли супурилиб, сигир соғилиб, бир тандир нон ёпилиб, кичкиналарга сутли овқат, катталарга қўймоқ пишириб бўлинди. Абдусалим укам барвақт ўйғонгани учун “Худодан катта ризқни опдим” деб, кўнглини хотиржам қилиб яна ухлаб қолди.

ДАЛАДА КИТОБ ЎҚИДИК

Мен узоқ изламасдан бир узун таёқ топдим. Ҳикматилла айтди, чўпонларнинг таёғи бўларкан. Қўйларни олдимизга солиб кетаётгандик, Ҳикматилла: “Вой, тўхта” – деди-ю ўйга томон югуриб кетди. Мен тўхтадиму, қўйлар тўхтамади-да. Уларга роса ялиндим, ўйуни тўсмоқчи бўлдим. Йўлини тўсганим сари мени айланиб ўтиб янайам тезроқ югуриб кета бошлашди. Ўғирлаб кетишмасин деб қўйларнинг орқасидан кетавердим. Ҳикматилла ўзи бизга етиб олди.

– Нимага ўйга қайтдинг? – деб сўрагандим қўлидаги китобни кўрсатиб:

– Мана бунга, – деди ҳансираф.

– Нима қиласмиз уни?

– Далада ўқиймиз, амаким айтдилар-ку, биз китобни далада ўқиганмиз деб. Биз ҳам далада ўқиб қўрайлик дедим-да, яхши қилибманми?

– Ҳа, яхши қилибсан. Биласанми, бизни уйимиизда компьютер бор. Керакли маълумотларни интернетдан осонгина олиб ўқиймиз. Аввал далага борганингда ниша қиласдинг?

– Болалар билан коптот тепардик ё қувлашмачоқ ўйнардик. Бугун китоб ўқиймиз.

– Бу қанақа китоб ўзи?

– Бобом туғилган кунимга совға қилганлар. Ичидаги кўп эртаклар бор экан.

– Ўқиб чиққандирсан, қизиқми?

– Ўқимаганман, совға қилинганидан бери жойида туради, ўшанда ўқишини эндиғина ўрганиб олгандим. Бобом ўқигин деб кўп марта қистадилар, ўқиб кўрдингми, деб ҳар куни эринмай сўрайверардилар, кейин.... – Ҳикматилла жимиб қолди, “кейин-чи?” деб унга қарадим. Ҳикматилла бошини эгиб яна жим тураверди. Мен ҳам индамадим. Бироз ўтиб:

– Бобом мендан хафа бўлгандирлар-а, Азиз? Совға қилган китобларини ўқимаганимга кетиб қолдилар, – деди. Бобомнинг вафот этган куни ёдига тушиб қолган экан.

– Сендан хафа бўлганлари учун кетмаганлар, Ҳикматилла. Аям айтганлар, бандаси берилган умрани яшагандан кейин Худо уни олдига чақириб олар экан.

– Ҳикматилла табиатан хушчақча бола, бунақа хафа бўлиб туриш унга умуман тўғри келмас экан. Мавзуни ўзргартириб, кайфиятини кўтаришга киришдим.

– Ҳали сен ўйга кириб кетаётганингда “тўхтаб тур” дединг-ку. Тўхтайман десам, анаву қўйларинг кетиб қолди. Уларни қайтармоқчидим, баттар қочди. Сени кутсам, қўйларни бирор ўғирлаб кетади деб кўрқдим. – дегандим, хайрият, Ҳикматилланинг юзига табассум ўгорди:

– Э, улар ақлли, йўлни мендан яхши билишади. Кейин бизнинг қишлоқда ҳали бирорта одамнинг моли ё қўйи ўғирланган эмас.

Дала ўйнинг яқинида экан. Борсак, беш-олтита болалар Ҳикматилла айтганидек футбол ўйнаяпти. Дала қирғоғидаги катта ариқнинг шарқираб оқиши, молҳолнинг ердаги майсани қирт-қирт этиб юлгани ҳам эшитилляпти. Бу маскан мен каби болаларни ҳар куни бағрида яйратади. Мен ҳам шу ерларда қолсам эди.

Ҳозиргина биз келган йўлдан Мадина опам Абдусалимни етаклаб келди:

– Нимага мени ташаб кетвординлар? – Абдусалим йигламсирай бошлаганди, дарров олдига бордим.

– Сен ухлаётган эдинг. Бўлди, нега жаҳлинг чиқади, ўйғонсанг келаверасан деб ташлаб келгандик, тўғрими, Ҳикматилла? – бир кўзимни қисиб Ҳикматилланинг “ҳа” дейишига ишора қилдим.

– Ҳа, ҳа, укажон. Аканг уйғотайлик деганди, мен ухлаб олсин дедим-да. – Ҳикматилла ҳам уни астойдил юпатса кетди. Абдусалимни зўрға йифидан тўхтатиб қолдик.

– Ийи, ака, бу эшакми? – Укамнинг чеҳраси бир пасда ёришиб кетди.

– Ҳа, укажоним, бу эшак. Ҳув авави бор-ку, кўрјапсанми? – Ҳикматилла укамни дала таништиришни бошлаб юборди. Унинг саволларига жавоб топаман деб чарчаб қолмаса бўлгани.

- Ҳа, кўрдим.
- У эчки бўлади.
- Олдига борсам майлимми?
- Албатта-да.
- У нима ейди? Бодроғим йўқ-да фақат. Биз ҳайвонот боғида айикларга, маймунларга, яна кўп ҳайвонларга бодроқ берганимиз.

– У ўт ейди, ма, мана буни берсанг бўлади, – Ҳикматилла баландроқ ўғсан бир ўтни юлиб укамга тутқазди.

– Кўрқмагин, ўтнинг бир учини узатиб турсанг ўзи тортиб-тортиб еб олади. Борақол, – Ҳикматилланинг гали тугамай укам ўша томонга югуриб кетди. Аввалига бироз чўчиди, бир-икки марта ўт бергач, яқинроқ бориб, тумшуғини силади. Шу билан ўша эчкини яхши кўриб қолди. Ўйга қайтунимизча навбат билан Абдусалимга ўт юлиб бериб турдик.

Ҳикматиллани китоб олиб келганини билиб, болалар: “Биз ҳам эшитамиз, овозингни чиқариб ўқи,” – деб қўйишмади. Майсалар устида думалаб ётган болаларга ҳавасим келди. Аям кийимларингни кир қилмагин деб тайнлаган бўлса ҳам, ерга ёнбошлаб олдим. Ўртада ўтирган Ҳикматилла бувимга тақлид қилиб, сеқингина, майин овозда эртагини бошлади. Бирор “мик” этмади. Эртак тугаркан, кўзғалмай ётган болаларнинг кетма-кет “Вооой зўракан-а?!?” деган овозлари янграб кетди.

– Ҳар далага чиқсан кунимиз ўқиб берасиз-а энди? – деди Абдусалим тенги бир болакай ялинган оҳангда.

– Ҳа, ҳар куни ўқийман энди, – деди Ҳикматилла кувониб.

– Ҳикматилла, шу китобингни менга бир кунга бериб тур, эртага қайтараман, – сепкил юзли озғироқ бола китобни ушлаб олди.

– Йўқ, ўзим ўқиб тугатмадим ҳали. Шу ерда тўпланиб ўқийверамиз-да, – деб Ҳикматилла китобни тортиди.

– Мен буғуноқ дадамга айтаман. Менгаям олиб берадилар. Мен кетдим уйга, – деб Муродилло деган бола кўй-кўзиларини олдига солиб кетди.

– Мен ҳам олдираман шунақасидан, – деди яна битта бола. Қуёш тиккага келганда, ҳаммамиз уй-уйимизга тарқадик. Ҳикматилла биздан олдин уйга кириб, китобни жойлаб чиқиби.

ЗИЁРАТГА БОРГАНИМИЗ

– Қани, бобонгизни қабрини зиёрат қилишга ким боради?

– Мен, – дедим биринчи бўлиб. Мендан кейин Абдусалим билан Ҳикматилланинг “мен” деган товуши кетма-кет янгради.

– Баракалла, менинг ўғилларим катта бола бўлиб, бобосининг олдига борар экан-да. Чопқиллаб бориб, ювиниб келинглар, дадангиз кутялти. Бўлақолинглар, – бувим елкамизга қоқиб орқа ҳовлига жўнатдилар. Кейин бир нечта дўппиларни кўтариб чиқиб, ҳамамизга биттадан улашдилар. Кичкина дўппидан иккита экан, холос, Ҳикматиллага етмай қолди. Катта дўппини бошига кўндириб кетаверди. Фақат қўли бошидан тушмай қолди. Тушиб кетмасин деб ушлайверади, ушлайверади.

Дадам билан амаким олдинроқда кетишияпти. Йўлимиздан чиқсан ҳамма одам билан саломлашиб ўтишияпти. Биттасиям қолиб кетгани йўқ.

– Дада, уларнинг ҳаммасини танийсизми? – деди укам.

– Ҳа, – дедилар дадам.

– Шунча кўп одамни қандай қилиб танийсиз? Эсингиздан чиқиб қолмайдими?

– Биз бу инсонлар билан бирга катта бўлганмиз, бир қишлоқда яшаймиз, қандай қилиб эсимиздан чиксин, Абдусалимбой? – дедилар амаким укамнинг босини силаб.

– Амаки, ҳозиргина ёнимиздан, соқоллари бор, ҳассасиям бор амаки ўтдилар-у. Улар нимага сизни ака дедилар, ёки ростдан ҳам сиз улардан каттамисиз?

– Эҳ, жиянжон! Бу – ҳурматнинг бир кўриниши. Инсонлар бир-бирига нисбатан ҳурматини билдириши учун ўзидан кичкина одамга ҳам “ака” деб мурожаат этади. Билдингми?

– Unda nega ѡч ким мени ака демайди?

Абдусалимнинг саволидан ҳамма кулиб юборди.

Йўлда дадамлар ҳадеб тўхтайверганидан зерикб кетдик. Бир пайт Ҳикматилла:

– Юринглар, ўзимиз кетамиз, мен йўлни биламан, – деб қолди.

Югурдик.

Анча йўлни югуриб ўтганимиздан кейин ҳамма чарчади. Энди секинлаб юраётгандик, жим туролмайдиган Абдусалим дарров гап бошлади:

– Ака, эсингиздами, бир марта чорбоғимиздаги ўрик дарахтига учаловимиз чиққанимизда, катта шохи синиб кетганди. Ўшанда бобомдан яширинамиз деб кўрага кириб олгандик, кўйлар бақириб сотқинлик қилган. Бобом келиб синган дарахтният кўрган, бизни ҳам топиб олгандилар-а?

– Лекин индамаганлар, – Ҳикматилла жилмайиб жавоб берди.

– Тўғри. Дадамларга ҳам “Бўлди, тергайверманглар” деб, ёнимизни олгандилар.

– Бобомнинг носқовоғини яширмоқчи бўлиб сувга тушириб юборганинг эсингдами, Ҳикматилла? Ариқдан носқовоқни излаб, иштонингни орқаси ҳўл бўлганда аянгга айттолмасдан, бир соат қуёш тагида туриб қуринган эдинг, – дедим-у ўзимни тутолмай катта кўчада қаҳ-қаҳ отиб юбордим.

– Бобом кабоб ейишга олиб борганларида Ҳикматилла акам энг кўпини еган. Ўшанда қорни тарвузга ўхшаб қолганди-я, ака? – деб Абдусалим завқ билан купарди. Ҳикматилланинг ўзи ҳам қорнини ушлаб роса купди.

– Бобом қумғончойни яхши кўрар эдилар. Уйда бобом иккимиздан бошқа ѡч ким йўқ эди. “Қумғончой дамлаб бер, болам,” деб қолдилар. Қумғонни тўлдиридим, орқа ҳовлидаги ғўзапоялар уюмидан кичикроқ шох-шаббаларни саралаб, ярим соат уриниб ҳам тагига ўт ёқолмадим. Кўзим ачишиб кетганига аламимдан “чой дамламайман”, дедим. Кейин ўzlари ўтинларни қандай жойланишини, қандай қилиб алангалатишини кўрсатиб, чой қайнатганлар. Ҳозир бобомга қумғончой дамлаб бергим келяпти, – Ҳикматилла хомуш тортиб гапини якунлади.

Мозорга кириб борар эканмиз, бобомни янаем соғиниб кетдим. Уларнинг қабрини тополмаётгандим, Ҳикматилла кўрсатди. Бу ерга иккинчи марта келишим. Биринчи кўрганимда бобомнинг исми-шарифи, яшаган йили ёзилган манави катта тош ўрнида фақатгина қорайган, нам тупроқ бор эди, холос. Учовимиз ҳам шошиб келганга яраша, бир иш қилолмай турдик. Дадамларни кутиб, қабристон четидаги ўриндикларда гап бошлолмай ўтиргандик, битта амаки биз томонга келди. Жўр бўлиб салом бердик.

– Ваалайкум ассалом, йигитлар. Қодир буванинг неваралари бўлсангиз керак-а?

– Ҳа. Сиз бизни танийсизми? – Маҳмадона Абдусалим амакини саволга тутди.

– Танийман-да.

– Нега биз танимасак ҳам, ҳамма бизни танийди?

– Қишлоқда шунаقا. Қолаверса Қодир бувани ўзига жуда ўхшар экансан, кичкинтой. Ёлғиз келдингларми?

– Йўқ, дадам билан амаким ҳам келишяпти. Биз югуриб келдик. – Биз танимаган амакининг исми Маҳкам амаки экан. Дадамларга салом етказишимизни тайнинлаб, меҳмонга таклиф қилиб кетдилар. Дадамлар ҳеч қанча ўтмай келишди. Улар узун дуолар ўқишиди, юзларига фотиҳа тортганларида, биз ҳам қўшилиб омин қилдик. Жимжитлик қуршаган бу масканни бошқалар қўкринчли деб айтарди. Лекин бу жойда бобом ётгани учунми, умуман, бу нарсани ҳис қилмадим.

Уйга келсак, бувим ўз қўллари билан иссиққина овқат тайёрлабдилар. Тушлик қилингач, дадамлар кўчага иш билан чиқиб кетишди, биз бувим билан қолдик.

– Бобонгизни зиёрат қилиб келдингларми? – сўрадилар бувим.

– Ҳа, – дедик учовимиз.

– Энди катта йигит бўлдиларингиз. Ҳар сафар келганингизда бобонгизни зиёрат қилишни канда қилманглар. Сизларни қанақа яхши кўрар эди... – Бувимнинг кўзлари ёшланиб кетди.

– Хўп, бувижон, ҳар доим борамиз. Фақат сиз йифламанг.

– Бувинг жонингдан, яхшиям сизлар бор деб... – кўз ёшларини рўмолларининг уни билан артиб олдилар.

– Бувижон, йифламанг, бўлди. Илтимос. Бўлмаса мен ҳам йиглаб бераман, – йифламсираб бувимни қучоқлаб олди Абдусалим.

– Мана, йиглаганим йўқ, болажоним. Бўлди, мана.

– Энди юзидағи кўз ёшни кафтлари билан артиб ташладилар.

– Бувижон, сизнинг ҳам бобонгиз борми? – бувимнинг кўксидан бошини кўтармай сўради Абдусалим.

– Бор бўлган-у, бобом тугул дадамни ҳам кўрмаганман. Аммо етти пуштимнинг ҳаммасини исмини биламан.

– Етти пушти нима у, бувижон?

– У етти аждодинг. Ҳаммамиз етти пуштимизни билишимиз керак.

– Бизнинг етти пуштимизни ҳам биласизми? Айтиб беринг.

– Хўп, биринчиси ўзларингизнинг дадангиз, иккинчиси бобонгиз, кейингиси бобонгизнинг дадаси, уларнинг исми Собиржон, тўртинчи аждодингиз Эргаш ота,

Азизжон болам, ёзиб оляпсанми, яхши, бешинчиси Эркин ота, олтинчиси Ҳамид ота ва еттинчиси Қобил ота.

– Сиз бизнинг қанақа аждодимизсиз? – Абдусалим ҳайратини яширмай сўради.

– Ҳа, бувингман-да.

– Буви қанақа аждод?

– Даданинг ёки онанинг онаси – буви бўлади. Мен дадангни онасиман.

– Бувижон, дадангизни нега кўрмагансиз, улар ҳам ўлиб қолганимилар?

– Йўқ, урушга кетиб, бедарак йўқолган. Лекин улар ҳақида аям узоқ-узоқ гапириб берардилар. Аммо ҳозир кўпини эсполмасам керак.

– Нега? Уруш бўлганми?

– Ҳа, бундан етмиш йил аввал иккинчи жаҳон уруши бўлган.

– Санжар деган бир ўртоғим копток талашиб акаси билан роса муштлашган. Ўшанга ўхшаб урушда ҳамма бир-бирини урганими, муштлашишганми, буви?

– Ўшанда одамлар бир-бирини йўқ қилган, болам, йўқ қилган.

– Кинодагига ўхшаб бир-бирини милтиқда отганими?

– Ҳа, – бувим хўрсинганча давом этди. – Очарчилик, қимматчилик бўлган, егулик тополмаганмиз, золимларнинг қийноқларида яшаганмиз, бари қийинчиликлар ўша даврда бўлганда, болам.

– Бувижон, келинг, шуларни бир бошидан гапириб беринг, – илтимос қилдим мен.

– Болажонларим-ей, у кунларни сизни бошингизга солмасин, илоҳим. Нимадан бошлай?

– Дадангиз урушга кетган кундан бошланг, – шошиб дедим мен.

– Мен кичкинагина чақалоқ бўлганман. Буларни аям менга ҳикоя қилиб берганлар. Дадам даладан қайтаётгандан иккита мелиса уларни туман марказига олиб кетган, болаларим билан хайрлашиб олай деса ҳам, рухсат бермай, ўша ердан тўғри фронтга – урушга жўнатган. Онда-сонда хат келиб турарди. Кейин хат ҳам келмай кўйди, қайта дараги ҳам бўлмади. Дадам ҳақида фақат шуни биламан.

– Бобомнинг дадалари-чи? – дедим.

– У киши жудаям ҳалол, фидокор, ҳалқ ғамини ейдиган жонкуяр, ўз даврининг ҳеч кими бас келомайдиган, кураги ер кўрмаган половни бўлган экан. Бобонгиз саккиз ёшга етган пайтида дадаси қамоқча олиб кетилган. Халқни боқаман деб қамалган экан. Бу ҳақида жуда кўп гапирап эдилар.

– Бошидан, ҳаммасини гапиринг, бувижон, – дедим сабрсизланиб.

– Ҳаммасини тўлиқ гапираверсам, гапларим қачон тугайди?

– Тугамасаям майли, эшитаверамиз. Ўзингиз ҳам етти пуштингизни билинглар дедингиз-ку. Тўлиқроқ билсак, ундан ҳам яхши. Тўғрими? – Ҳикматилла ҳам ҳикояга қизиқиб қолган экан, саволлари билан бувимни ҳикояни давом эттиришига қистай бошлади.

– Тўғри, болам, тўппа-тўғри. Ҳаммасини гапириб бераман. Бобонгизнинг дадаси ким бўлган экан, исми қандай? – деган эдилар, қўлимдаги қофозчага қараб жавоб бердим:

- Собиржон.
- Тўғри. Мана шу Собир бува колхозда омборчи бўлиб ишлаганлар.
- Колхоз маҳалла деганими, бувижон, ёки командами? – сўради Абдусалим.
- Йўқ, колхоз бу деҳқонларнинг катта бир жамоаси. Ўша йили буғдой, макка, бари экинлар яхши ҳосил берган. Кейин уни ҳаммасини фронтга жўнатасан деб тепадан бўйруқ қилинган. Бригадирлар ҳам бор ҳосилини олиб келиб, колхозга топширган. Ҳаммаси топширади-ю, кейинги йилга нима қиласиз деб узоқ ўйлашади. Қўшни қишлоғимизда Орзия исмли ўн фарзандли бир аёл бор эди. Эри бригадир бўлиб ишлаган. Ўша аёл Собир буванинг олдига келиб роса йиғлаган: “Чолим ўлгур қўрқоқним қўрқоғи, олган ҳосилингиздан хеч йўқ кейинги йилга уруғлик қилишга бир ҳовучгина олиб қолай десам, бирор билса мен ҳам йўқ бўлиб кетаман, шу керакми сенга? Тинч тур, деб ўдағайлаб берди. Иним, раҳмингиз келсин ўнта болами қандай боқаман, тўнғичим ногирон, бир ишга ярамайди. Тепадагилар билан гаплашинг, бир иложини қилса бўлармикин” деган. Собир бува аёлнинг сўраган буғдойини бериб жўнатган. Ўзи ҳам уруғлик масаласида кўп ўлланиб юрган экан. Одамларга егулик керак, ахир. Раҳбарлар бир донасини ҳам қолдирмайсанлар деб қатъий талаб қўйган, уларни умуман фикридан қайтириб бўлмасди. У ёқда ҳам, бу ёқда ҳам аҳвол жиддий. Собир бува колхоз раисига “Бирор сандиқ буғдойни олиб қолмасак бўлмайди. Бу йил амаллармиз-ку, кейинги йилга ҳалқа на егулик, на уруғлик қолмаяпти,” деб тушунтиради. Колхоз раиси ҳам: “Бирор гап бўлса бу ишларга менинг алоқам йўқ,” – деб зўрға рози бўлади. Шу билан, бир ёғоч сандиқни ярмидан кўпига буғдой солиб, устидан туршакларни бостириб яширишган. Кейин уни орасидан битта сотқин чиқиб, тепадагиларга ёзиб беради. Шу билан Собир бувани қамоққа олиб кетишган. Болала-ри ортидан зор йиғлаб қолаверган. Шунақа, болаларим, бироз ўйнаб туринглар, қолганини кейинроқ гапириб бераман, майлим? – деди бувим “бисмилло” деб ўрнидан туради эканлар.
- Майли. Фақат намозингизни тезроқ ўқинг-да, – деди Ҳикматилла.
- Ака, буғдойдан ун қилиб, кейин уни нон қилади-а? – Абдусалим мендан сўраб қолди.
- Ҳа, – дедим мен.
- Олдин одамлар буғдойни ўзи олиб, уйда ун қилиб, уй нон қилганими?
- Ҳа. Нега сўраяпсан?
- Аям бизга доим нонни юриб ема, ушогини тўкма деяверардилар. Энди билдим. Авваллари одамлар озгина нон учун шунақа қийналгандар рост экан. Ака, энди урушмайлик. Қаранг, бувим уруш бўлганига йиғляптилар. Бизниям урушганимизни кўрсалар, яна йиғлайдилар. Хўпми?
- Хўп, – дедим. – Энди урушмаймиз. Келишдик, – бир қўлим билан укамнинг кўлини олиб, иккинчи қўлим билан уни қучоқлаб олдим.
- Азиз, юринглар, кеча янги копток олганман, ўйнайлик, – Ҳикматилланинг таклифи билан орқа ҳовлига ўтдик.
- ДАЛАДА ЙИҒЛАБ-ЙИҒЛАБ ИШЛАШГАН ЭКАН
- Қани, полвонларим, бирортангиз бориб, менга бир пиёла сув келтириб беринглар. Ҳикояларимни гапириб, адоғ қилгунимча, оғзим куриб қолмасин, – бувим келиб ўтирад эканлар, Ҳикматилла чаққонлик билан: “Бувижон, мен келгунча бошламай туринг!” – деб чиқиб кетди. Биз ҳам Ҳикматилла тезроқ келса-ю тезроқ ҳикояни давомини эшитсак, деб ўтирибмиз. Хона эшиги фийқ очилиб Ҳикматилла мўралади. Яrim йўлдан қайтиб, бувим ростдан ҳам ҳикояни бошлаганлари йўқмикин деб, текширгани келибди шекилли. Яна кутдик, ниҳоят келди.
- Энди айтинг, бувижон, чой олиб келдим, – Ҳикматилла чойнакни кўйиб, бувимдан кўзини узмади. “Ишқилиб, яна иш буюрмасларидан тезроқ бошласинлар-да” деб ўйладим мен ҳам.
- Ўша даврда дадалар, акалар урушга кетганлиги учун рўзгорнинг оғир юмушлари ҳам оналарга қолган. Узоқ ўтмишни кўй, мана яқин давр – мустақилликкача ҳам катта қийинчилликлар билан кун кўрганмиз. Эрта баҳордан қишигача деярли йил давомида бутун ҳалқ пахта билан банд бўларди. Неча юз гектар ерни кетмонда чопиб, эгатлар қилгач, чигит қадаб чиқилган. Униб чиқмаганларини ўрнига яна бошқа экканмиз. Мабодо ёмғир ёғиб қолса, тупроқ қотиб қолади. Унга яна ҳалқ ўша гектар-гектар ерни мана шу кафтимдек кела-диган, кичкина беш тишли асбоб билан тараф чиқарди. Пахта пахта бўлиб чиққунича мингта иш қилинган, болаларим. Дадангиздан сўрасангиз, яхшилаб гапириб беради. Бешинчими, олтинчи синфда ўқиб юрарди, шекилли. Болалик қилган-да, далани йўлида ака-укалар копток тепаётганида бригадир келиб қолган. Ҳаммасини қатор қилиб “нега пахта термаяпсан?” деб тутнинг новдаси билан шунақа савалаган, шунақа савалаган болаларни. Болам шўрликлар йиғлаб, бирининг бўйни, елкалари қонаб, бирининг юзлари қавариб, яна бири оқсаб, ўша аҳволида пахта терган.
- Ўша одамни бориб урмаганмисиз, буви? – Ҳикматилла ўрнидан туриб кетди, – дадамни урганларни менам ураман.
- Эй болам, уларни уриш қаёқда, нима қилса хўп деб, кўзига қарашга қўрқанмиз. Золим эди улар, золим.
- Ўша одам тирик бўлганда ўзим бориб, пачагини чиқариб келардим. Тирикми, бувижон? – Ҳикматилла тишини тишига босиб бувимдан жавоб кутарди.
- Қўй болам. Ўтир жойингга. Ҳа, тирик, ҳалиям бор. Ҳудо ўзи жазосини берган – кўзлари ожиз, жойидан қимирполмай қолган. – Жуда кам одамда беш сотихми, олти сотихми ери бўларди. Раис пахта далисида ишлайдиган пайтда ўзининг ерида ишлаётгандарни кўрса, ўша куниёқ, ерда қандай экин бўлишига қарамай текислатиб ташларди. Бир куни бизни ҳам еримизда ишлаётганимизни кўриб қолди.
- Нега пахтага чиқмадинг? – деди.
- Жон ука, ярим соат, бир соатлик ишимиз қолганди. Ҳозир тугатиб қоламиз, – дедим.
- Гапим тугамай, “хе ўша сени...” – деб, ҳайқирганча зўрға кўқартирган пиёзимнинг митти ниҳолларини тепиб, эзғилаб, бир имо билан ортидан эргаштириб келган тракторни экинли ерга юргизиб юборди. Шу билан



ҳамма меҳнатларимиз кўкка соврилиб, қайта экдик. Бобонгиз узоққа ўқишига кетган, ёлғиз ўзим ҳаммасини эплашга ҳаракат қиласадим. Аёл бошим билан ярим кечада бориб ерга сув ҳам қўйганман. Сув сероб эди-ю, раислар бизни томорқаларга бермас эди. Тунда яширинча олардик. Бир сафар борсам далага сув қўйилиби. Ҳайрон бўлиб қайтавердим, кейинги сафар қарасам, яна қўйилган. Учинчи бор эса доимигдан вақтлироқ бордим: Қўшни маҳалладаги Розиквой деган киши еримизга сув очяпти. Мени кўриб: “Солиҳа опа, мен ҳам ҳар сафар еримга сув очиб шунақа пайтда ёпгани келаман, шунда бир йўла сизникига очаяпман. Келиб овора бўлманг,” – деди жойинг жаннатдан бўлгур. Ҳаммага яхшилик қилиб, кўпнинг дуосини олиб юради. Эрта вафот этгани ёмон бўлди-да. Ҳуллас, томорқамида ишлаётганимизни кўриб қолмасин деб, кўркиб, машина ёки отлиқнинг овози узоқдан эшистилиши билан дарров чангларнинг орасигами, ариқнинг ичигами, ўзимизга қулай пана жойга яшириниб олардик. Катта раислар қоп-қора машинада юрган, бригадирлар отда эди. Ҳар иккаласиниям бошида шляпа. Шулар йўлда кўринса катта-ю кичик яшириниб, кўзига кўринмасликка ҳаракат қиласди.

Яна бир золим бригадир бор эди: аёлларга жуда шафқатсиз, нуқул меҳнат кунимизни қисқартириб ёзарди. Бир сафар Кароматхон деган шаддод аёл: “Келинглар, шу одамни тавбасига таянтириб қўяйлик, нима ҳаммамиз бир бўлсак эплолмаймизми?” – деб қолди. Ҳамманинг кўнглига бу томошани иштиёқи тушиб, режалар тузишига киришиб кетишиди. Ӯша куни кечга яқин келиб бригадир ҳаммага бақираётганда учта аёл бир бўлиб, ерга йиқитди, қолганлар келиб қўл-оёғини арқон билан боғлаб ташлади. Доим бошимизда қамчи айлантирадиган одамнинг ерда думалаб: “Бўлди тавба қилдим, бўлди қилинглар,” – деб ёлвориши кулгили туюларкан. Каромат шаддод: “Хўш, энди меҳнат кунимизни тўғри ёзасанми?” – деяверганидан “опа, сизникини ортиғи билан ёзаман” деб балога қолган. “Мен сендақа харомхўрмасман, шу гапинг учун ҳам мана сенга,” – деб, суви йўқ бир чукур ҳовузга думалатиб юборганди. Бўлди кулгу, бўлди томоша. Ўғли тухматдан қамалиб, чехраси ёришмай қўйган бир хола бор эди. Ӯшанда биринчи марта қийқириб кулганини кўргандик. Аммо эртаси куни Кароматхонни мелиса олиб кетган. Мелисалардан ҳам роса қўрқардик. Улар пат-пат миниб юрган. Иккита мелиса ҳар кун эрталабдан уйларни айланниб, далага кетмаганларга ўдағайлаб, боланг касалми, ўзинг касалмисан, қараб ўтирмай далага ҳайдаган. Биз ҳам далага сал кеч қолган кунимиз, Азизжон, сени даданг, кўчага қараб турарди. Кўчанинг бошида мелиса кўриниб қолса “Аяжон, елмиса келяпти, юринг кетайлик, тезроқ чиқиб кетайлик” деб ялинарди.

Абдусалим менга қараб кулди.

– Дадам “мелиса” деёлмаган эканлар-а? Ҳали келсалар ўзларига айтамиз “елмиса нима?” деб, – ҳаммамиз кулиб юбордик.

ҚИШЛОҚДА НОН ОЗ, МЕХР КЎП

Далада бегиланган ишини соғлиғи кўтартмай эпломаган одамлар нонсиз қолганида, ноҳор бўлса-да

маҳалла, кўй ёрдам берган. Уйимизнинг қарама-қарши томонида Ҳайрия холаларинг бор-ку, танийсизлар-а?

– Таниймиз. Касал бўлсак кинна солиб қўядиган холами? – деди Ҳикматилла.

– Ҳа, ўша холаларингнинг онаси қаттиқ касал эди, мелиса нимага ишламай ётибсан деб далага ҳайдаган. Мажбуран далага чиқан аёлнинг касали зўриқиб, кейин юролмай қолди. Юролмайдиган одам қандай нон топарди. Ишламаган одамга нон йўқ. Маҳалладаги қурби етганлар ҳар кун топган нонидан озгина-озгинадан тўплашса, битта оила тўйса бўладиган нон чиқар эди. Ҳамма бир бўлақдан берса, биз битта нон берардик. Чунки бизнинг оиласдан мен, акаларим, опаларим ҳам ишлаб бошқалардан кўп нон олардик.

– Бувижон, ўшанинг учун бизга кинна солдирганингизда пулингизни олмай: “Сиздан умрбод қарздорман, пулингизни қандай оламан, опа” деб айтар эканларда, – деди Ҳикматилла.

– Ҳа.

– Қишлоқ одамларининг бошқачалиги шунда-да. Қачонлардир бир-бирига меҳнати сингган, оғир кунларида бегоналардан ўзининг жигаридек ёрдамини аямаган, битта дардда қоврилиб, бир тан-у бир жон бўлиб кетган. Ва буни ҳеч қачон унутмайдилар.

Уруш тугаган эди. Катта акам бетоб бўлиб, бир неча ҳафтагача иссиғи умуман тушмаган. У даврда шифокор, табиблар қайда. Фақат ромчилар бўларди, касал бўлган борки, ромчига юргурган. Одамлар арзимаган дардни ҳам аритолмай увол бўлиб кетган. Онамнинг ҳам бошқа иложи қолмагач, топганини олиб, акамни ромчига олиб борганимиз. Борсак, нима эмиш, эшакни сўйиб терисига ўралса соғайиб кетар экан. Бизда эшак нима қилсин, кунда топган нонига тириклий қиладиган камбағал оила бўлсак. Бошқа йўли йўқми деб ялиниб-ёлворган онам раҳматли. Ромчи: “Бўлмаса битта эшакдай келадиган хўрозди топиб қон чиқаринг” дегач қишлоқни кезиб, эшакдай хўрозди излаганимиз. Бир бева аёлнинг икки хўрози бор экан. Майли бераман, фақат қон чиқазгач гўштини қайтариб келинг деган шарт билан берган. Шўрлик ноҳоргина, иккита ёш боласи бор эди. Хўрозни сўйидик, исми-расмини қилдигу, қайтариб олиб бордик. Яхши аёл экан “Буни болангизга шўрва қилиб беринг, дармон бўлади” деб хўрознинг битта оёғини қайтариб берганди. Ҳалигача ўша аёлнинг чехраси кўзимни олдидан кетмайди.

– Ажин босган нурли яноқларидан ҳорғингина, устма-уст сизиб тушаётган кўз ёшларини кўриб бувимга ёпишиб олдик.

– Бўлди, бувижон, йиғламанг, – Абдусалим бувимнинг бошини силайвериб, рўмолини елкасигача тушириб қўйди.

– Бувижон, бўлди, энди сизни йиғлатадиганларини айтманг, ҳалигинақа фақат кулдирадиганларидан, расини чукурга ташлаганларинг бору, ўшанақаларидан яна айтиб беринг. Ҳўпми? – Бувимнинг юзларидаги ёшни артиб сўрадим. Ҳикматилла бувимга чой қўйиб узатаётганда:

– Бувижон, чой ичинг. Агар ҳаммаси йиғлатадиган бўлса, майли айтмай қўяқолинг, – деди яна.

– Йўқ, болаларим, мен хурсанд бўлиб йиғлаляпман. Яхши одамларнинг кўплигидан йиғлаляпман. Сизлар ҳам хафа бўлманглар. Шунақа йиғлоқиман-да. Сиз-

ларга росаям яхши яна бир инсон ҳақида гапириб бераман. Катта акам бетоб кунлар эди. Эвакутса қилиб...

– Эвакуация қилиб, – жилмайиб бувимнинг хатосини түғирладим.

– Ҳа, ўшанақа қилиб, ҳуллас кўчириб бир қанча татарларни бизнинг қишлоғимизга олиб келишган. Бизнинг уйда иккита хона борлиги учун биттасини татар оиласардан бирига ажратиб берганимиз. Вой ҳалигилар-чи ўзбекчаниям билар экан, ўрисчаниям билар экан. Бизнинг уйда яшайдиган татар аёл акамни касал эканини билиб, дарров даволашга киришиб кетди. Ўзи дўхтири экан. Биз умримизда кўрмаган бир нарсаларни ичириб, баданига ҳам нималардир суртиб, бир пасда соғайтириб юборган. У вақтда дорилар қоғозларга ўраб бериларкан-да. Менгаям ҳар куни ичиб тургин деб қоғозда дори берган. Яхшиям татарларнинг келгани, ўша аёл бўлмагандага акам шўрлик ўлиб қоларми? – Бувим ўзини зўрга йигидан тийиб гапида давом этди. – Қишлоғимизда касал одамнинг ўзи қолмаган. Уни узоқ жойлардан излаб келишарди. Опам кўп шамоллар эди. Ўша татар аёл иссиқ-иссиқ сут ичини деган. Қишлоқда саноқлигина одамларда сигир бўлган. Битта сигири бор аёл аҳволимизни кўргач, ҳар тонгда беш-олти кўча наридан бир коса сут олиб келарди. Татар аёл ҳам қишлоғимиз одамларига ҳайратланиб, “Дунёда ўзбеклардек ҳалқ бошқа бўлмаса керак,” – дерди.

– Ўша аёл ҳозир қаерда, бувижон? Сиз биласизми? – сўради Абдусалим.

– Ўн йилча бўлиб қолди-ёв. Вафот этган. Тобутини ҳалқ кўтарганди. Охирати обод бўлсин!

– Бизнинг ёшда нималар қилгансиз? – дедим мен.

– Сизнинг ёшингида қорнимизни тўқлаш учун далалардан машоқ териб келардик?

– У нима, бувижон?

– Буғдоилар ўрилгач ерга тўкилиб қолганлари бўлади. Ўшаниям кўриб қолса уриб, олиб қўйган. Яшириниб, бир йўлени қилиб, ким қанча терса, ўшани тегирмонда унга алмаштириб олардик. Ундан аям ҳаммамизига биттадан нонни амаллаб чиқариб берарди. Менга кичкина кулчача, опамларга сал каттароқ, тўрттала акамгаям амаллаганича чиқариб, ундан ортса ўзлари еб, бўлмаса сотиб, пулига яна ун олиб, нон қилиб сотган. Колхоз идораси билан уйимиз бир девор эди. Овқат қилиб бер деб шоли чиқаришарди. Уни тўйиб туручидан овқат қилиб идорадагиларга берса, қолган оқшоқ, курмагидан бизгаям бирор егулик қилиб берарди. Аям шунақа тадбиркор бўлганлари учун ҳам бошқаларга ўхшаб ажириқ, кунжараага қолган кунимиз бўлмаган. Қишлоқда очарчилик авж олганда, одамлар кунжара еб, ишиб кетган, ёш-ёш болалар, кексаларнинг аксарияти шундан вафот этганди. Мактабга ҳам деярли бормаганимиз.

– Вой маза-ку, – Ҳикматилла жилмайиб кўйди.

– Ҳа, бирпасда мактабдан зерикдингми, болам? Бу шароитларда ўқиш бахт-ку. Мен жудаям мактабга боришини истаганман. Нима қилай, мактабга борсам, егуликсиз қолардим. Ўзим бошоқ термасам, акаларимнинг бирортаси оч қолиб, ўзиникини менга беришига тўғри келарди. Кейинроқ катта бўлиб, далада ишлаб нон олдим. Шу бошоқни деб ҳоламни қамаб қўйишганди. Болалари катта ҳалтасини тўлдириб да-

ладан чиқаётганини раис кўрган-у, уларни калтаклаб, ҳалтасини олиб қўйган. Уйида егулиги йўқ бўлган болалар яна бошоқ теради. Йиғлаб уйга қайтса, онаси уйда йўқ. Болаларини машоқ теришга чиқаргани учун ҳоламни мелисалар олиб кетишган экан. Қўшниси уларни етаклаб онасининг олдига, мелисаҳонага олиб борган. Аям билан борганимда кўргандим. Холамнинг кенжатоий қамоқхонанинг деворларини тепиб-тепиб: “Аямни чиқаринглар, илтимос” – деб йиғлаганлари қулоғимнинг остида ҳозиргидек жаранглайди. Онасины кўрсатишга рухсат берганда панжарани таталаб очмоқчи бўлганди. Ҳамма йиғлаган, лекин ўша ердаги мелисалар умуман парво қилмай, тошдек тураверган. Ўша ерга яқинини кўришга келган бир амаки аҳволимизни кўриб, мелисалардан суриштирган. Кейин уларга: “Бир ҳалта буғдоига шунчалик қиласанларми, иймонсизлар, кўйиб юбор буларни, ўша бир ҳалта буғдоини мен бераман сенга” – деб, катта бошлиқнинг олдигача борган. У кишининг ким эканини ҳам билмаймиз. Эртасига ҳоламни кўйиб юборишган. Вой болаларининг кувонганини... Кичкинтои: “Аяжон, энди қайтиб бошоқ теймемиз, оч қолсак ҳам майли, сизни яна қамаб қўймасин” – деб, ҳаммани йиғлатганди. Шунақа, болажонларим. Сизлар ўйнаб туринглар-а, мен қўйларга ўт юлиб беришим керак.

– Бувижон, биз ҳам борамиз, сизга ёрдам берамиз, болалар, қани туринглар! – ўзим биринчи бўлиб турдим. Чопқиллаганча ҳовлининг орқа томонига ўтдик.

– Мана бу бодринг палаги, яхшилаб таниб олинглар, шундан бошқа ҳамма ўтларни юлаверинглар, – дедилар бувим. Ўз-ўзидан ким биринчи кўп ўт юлиб бўлишга киришиб кетдик. Абдусалимнинг норози овози эшитилди:

– Мен тўплаган ўтлар қани? Ким олди, ака, сизми? Беринг деяпман. Бўлмасам дадамга айтиб бераман.

– Мен олмадим.

– Бўлмаса ким олади? Сиз олгансиз. Беринг, – деди энди йиғламсираб.

– Биз урушмасликка келишгандик-ку. Нега сўзингда турмаяпсан?

– Ростдан сиз олмадингизми? – ювош тортиб қайта сўради укам.

– Ийи, анави ерда экан-у, топдим. – Укам айбидан уялиб бошқа гапирмади. Бувим Абдусалим юлган ўтларни қўйга бераётанида, бир қанча бодринг палакларига ҳам кўзи тушиб қолибди.

– Ҳай, Абдусалим. Буни нимага юлдинг. Мен сенга таниб ол демабидим. Майли энди ҳамманигиз олдимга келинг-чи. – Бувим этгини тўлдириган мевалардан бизга улашдилар:

– Мана Ҳикматилла, сен кўп ўт қилганинг учун учта, Азизжон озроқ қилгани учун иккита, Абдусалим палакларни ҳам юлиб олгани учун жарима сифатида битта дона бераман. Ана, яшанглар, дастёрлар. Ишимиз тамом.

ЯШАСИН ҲАШАР!

Яна тонг саҳарлаб хўроздой қичқирди, димоғимга тандирдан янги узилган нон ҳиди, келинойим ҳовлига сув сепгач бувим эккан район ҳиди урилиб, жаннат ҳавосидай татиб кетди, уйқудан турмасимга қўймади.



Нонуштани бошлаганларида уйғонибман. Даастурхон атрофида ҳамма иштаха билан нонушта қиляпти. Бугун барвақт үйғонмаганимга ризқимни түлиқ ололмабманда, деб үйладим. Аммо унчалик кеч қолмабман. Мен даастурхонга ўтиришим билан бувим бир коса, юзаси қалин қаймоқлаган, муздек сутни олдимга қўйдилар. Қўлимни кўйдирай-кўйдирай деб турган нонни шундоқ сутга ботирдим-у, сутга бўккан нонни авайлаб оғзимга солдим. Умримда бунақа ширин нонушта емагандим. Қишлоқнинг сути бизнинг дўконлардаги сутдан ширин бўлар экан. Бувимдан яна сут сўрамоқчи бўлиб тургандим:

– Гуручдан олдингми? Жийда билан, тутмайиз бор эди. Улардан ҳам олиб кет. Айвонда туриби, – дедилар бувим дадамга. Нимага ундай деятилар. Нима, биз бугун кетамизми? Йўқ, ишқилиб кетадиган бўлмайлик-да, – деб қўрқибгина дадамдан сўрадим:

– Дада, бугун кетамизми?

– Ҳа, кетамиз. Тезроқ тамадди қилиб ол. Йўлда очқаб қоласан бўлмаса.

– Мени қишлоқда қолгим келяпти, – дедим шошиб.

– Үғлим, аянгиз сизларни соғинибди, кетмасак бўлмайди, мен ишга боришим керак. Сен бўлмасанг уканг ёлғизланиб, зерикади. Бошқа сафар келганимизда қоларсан, бўлтими? Ўзинг ақпли боласан-ку а?

– Дадамни ерга қараб жимгина эшилдим. Шу билан ҳеч ким ҳеч нарса демади. Бувим билан истаб-истамайгина хайрлашдик. Бизга оқ йўл тилаб қўлларини фотиҳага очгандилар, ийғлагим келди. Жудаям-жудаям қолгим келяпти қишлоқда. Бувимнинг эртакларини, дала ҳавосини, тонгнинг ажабтовур “наво”ларини соғиниб-соғиниб юравераман экан-да!

Абдусалим иккимиз машинанинг орқа ойнагидан то улар кўринмай қолгунича кўл силкиб кетдик.

– Дадажон, энди яна қачон келамиз қишлоқка? – дедим.

– Билмасам, мени ишларим камайиши билан аянгни, синглингни олиб келамиз-да, Тошкентга кетайлик демагунингизгача шу ерда қоламиз.

– Унда ҳеч қачон кетмас эканмиз-да. – Абдусалимнинг кайфияти кўтарилиб гапга қўшилди. Қўнглимдаги ғашлик тарқагандай бўлди. Қачондир албатта тўйиб-тўйиб ўйнаб кетишимишни билиб, хурсанд бўлдим. Машина секинлаб, жуда кўп одамлар тўпланган, қурилиш бўлаётган бир уйнинг олдида тўхтадик.

– Даадажон, нимага тўхтадик? – бир пас ҳам жим туролмайдиган Абдусалим савол берди.

– Ҳозир, үғлим. Ўртоқларимни кўриб қолдим, сўрашиб олай. Қани, сизлар ҳам тушинглар, – дадам ўртоқлари билан қулоқочиб кўришиб кетдилар. Шовқин-сурон, кулгу кўтарилиди. Амакилар, чўнтакларидан пулми, шириналкими чиқарип қўлимизни тўлдириб ташлашди.

– Ҳа, Жамол, қурилиш қиляпсанми? – Даадам ўзларидан каттага ўхшайдиган, семиз, мўйлови бор амакини сенлаб гапира кетдилар.

– Ҳа, кеча излаб-излаб қурувчи уста топиб келсам, булар бир бўлиб уни кетказвориби. Биз турганда уста нима қиласди, ҳашар қилинса дарров битадиган иш дейди, барака топкурлар. Шунга бугунги ишни бошлаймиз деб тургандик. Қайтапсанми Тошкентга? – Даадам у кишининг саволидан кейин бироз ўнағайсизланди-да, кейин нимагадир:

– Йўқ, ҳали бери кетмайман. Дўстим уй курса-ю мен қатнашмай кетаманми? Мен ҳозир ҳашарбоп кийимларни кийиб келай, уйинг битмасдан кетмайман, билиб кўй, – деб дадам рулга ўтиридилар. Машина ортга қайтар экан, Абдусалим сўради:

– Ҳашар нима, дадажон?

– Ҳашар – биз ўзбекларнинг энг яхши одатларидан бири. Қийинроқ юмуши бор одамларга имкон топган яқинлари, маҳалла-кўй кўплашиб ёрдам беради. Масалан, бу ҳашарда уй қуриляпти. Одамларнинг кўплигини кўрдингми? Кўпчиликнинг қўлидан ҳеч иш қочиб кутилолмайди-да. Айниқса, бизнинг қишлоқдагилар ҳашар бўлса шошиб қолади. Чунки унинг ўзига яраша гашти, файзи бўлади. Савоби ҳам катта. Бунда бирор бирорга пул тўламайди, ёрдам берганлардан қарз ҳам бўлмайди. Чин кўнгилдан, беминнат ишлаш учун келинади ҳашарга, – дедилар дадам. Мен шошиб сўрадим:

– Дада, ҳашар қилиб уй қурилса қанчада битади?

– То уйнинг томи ёпиб олингунча уч-тўрт кун кетса керак, – дедилар дадам. Абдусалим табассумдан қисилиб кетган қўзлари билан менга қаради. Мен ҳам қувончдан ўзимга сифмай кетдим. Роса сақрагим келди. Оҳ, қандай зўр иш бўлди-я. Қандай яхши! Яна уч-тўрт кун бувижонимдан турли ҳикоялар эшишиб, далаларга чиқиб, қишлоқ тонгидан баҳра олиб, тунда яна бувимдан эртак эшишиб ухлаймиз. Яшасин ҳашар!





Ориф ҲОЖИ

Сув бўлиш оққай ўт узфа музми ду ё дилми ду?

МАЪРИФАТ ДУРДОНАСИ

Нафсига қуллик киши
думбултигин нишонаси,
Нафсига бек бўлса
қулнингдур ёруғ пешонаси.

Кўзи тўқнинг кўзларига
кулба кўрингай бир қаср,
Кўзи очнинг кўзларига
вайронадай кошонаси.

Бу жаҳоннинг молини берсанг
кўзи тўйимас валек,
Бир сиқим тупроқ билан
тўлгай аниңг паймонаси.

Нафси шайтон илкина
тушганни маймун айлагай
Кимки шайтон воласи,
иймон аниңг бегонаси.

Руҳ қушини хуши тутинг,
гурбатта абгор бўлмасин,
Унга олтиндан қафасдир
бул вужуд вайронаси.

Ризқини тергай вужуд
бул моддалар дунёсида,
Маънавиятдан бўлур
руҳ тўтисининг донаси.



Нафсини енгган киши
инсони комил бўлгуси,
Кўкрагида маърифат
дарёсининг дурдонаси.

Орифо, шукринг билан
сабринг муродга етказур,
Ношукр зотларни кўр,
ўз нафсининг ҳайронаси.



Олди кўнглимни мани
бир жилва бирла ёши, шўх,
Бемурувват бераҳм
бедарду ҳам бебоши, шўх.

Кўнгли тоими ё метиндан
бильмадим, недин экан,
Шиша кўнглимга мудом
ўйнаб уродур тоши, шўх.

Мен уни ҳар кўрганимда
минг ўлиб турган билан,
Мунчанинг мингдан бирин
билсайди ҳамки коши, шўх.

Колмади жой дил уйида
нақшини ул урмаган,
Кўнглими ўз нақши-ла
тўлгазди ул наққоши шўх.



Энди сен-ла тил топиб бир
манзилобод айлайин,
Бўлмаса сарманзилимдан
опкетарман бош, шўх.

ТИЛ

Сўйлаганда бол томадур
найшакар ё тилми бу,
Ё юракларни тилиб,
малҳам қўйшилик илми бу?

Сўз ила жонинг олур,
ҳам тиргизур бир сўз ила,
Қайта-қайта маҳв этарга
шуңчалар мойилми бу?

Турки кўзлар теграсин
тутган қаро киприкми ё,
Ўзгаларни кўр этарга
соз этилган милми бу?

Ёр лутф айлаб бирор
сўзга оғиз очган замон,
Сув бўлиб оққай ўт узра
музми бу ё дилми бу?

Орифо огоҳмисан,
ёр илкингга тутқазгани,
Риштаи кўнгилмидур
ё қирқ ёрилган қилми бу?

ИЛОЖ

Неча дардида дилим ошуфта,
ул қилмас илож,
Тавба-тавба феълу хўй ҳам
шуңчалар бўлгайми кож.

Бизга навбат келмагай
ўзгаларни дастидан,
Энди мен ҳам ўзгаман деб,
алдагайман ноилож.

Эй алиф қадлиг санам
дол қоматимдан айнимा,
Долни ҳам қилгай алиф
Кодир худо берса ривож.

Қол мени кўнглим аро
ҳокими мутлоқ бўлиб,
Ҳар бир аъзо бир фақирдир,
жони шириним-хирож.



Ҳар замонда бир хабар,
ё бир хатингни йўлласанг,
Бошим осмонда бўлур,
ул хатинг бошимга тож.

* * *

Ёри жонимдан насимлар
мужеда келтурди сабоҳ,
Согиниб ўлган дилимни
қайта тиргузди ногоҳ.

Ҳажрида гул баргидан ҳам
саргайиб сўлган юзим,
Қайтадан гулгун бўлиб ҳам
нурланиб тонди салоҳ.

Бунча ёши гўдак каби дил
сакраб иргишилар десам,
Бир сабий ёрнинг хаёли
айламишидур жиславоҳ.

Ошиқи содик деган сўз
ўздан ўтганни атар,
Ўздин ўтмогим учун бас
куз учидан бир нигоҳ.

Шу нигоҳдан ноумид
қилмас эса ҳар бандани,
Ул назаркарда бўлур
ошиқ аҳлига паноҳ.

ИСМИ ГУЛ

Исми Гулдир, ҳусни гулоб,
Ишиқида дил селу силоб.

Оз анингдек кўзи оташи,
Йўқ менингдек бағри кабоб.

Зулолига қонса дилим,
Лабларидан тутса шароб.

Рашк айласа рақибларим,
Куя-куя бўлса хароб.

Кипригини дилга қадаб,
“Ишиқ” сўзини ёзса савоб.

Ошиқ кўнгилга ёқадур,
Нозлар қилиб берса азоб.

Ишиқида дил селу селоб,
Исми Гулдир, ҳусни гулоб.





Адхамбек АЛИМБЕКОВ,
ЎзМУ доценти, адабиётшунос

ИЗЛАНДУВЧАЖАИК

Одатда кўпчилик ижодкорлар марказга интиладилар. Бу адабий жараёнга яқин бўлиш, жўшқин ижодий муҳитдан узилиб қолмаслик истагидан бўлса керак. Бироқ пойтахтдан узоқда яшаб, қалам тебратадаётган ижодкорлар ҳам кам эмас.

Сайдвафо Бобоев ана шундай, вилоятда яшаб самарали ижод қилаётган ёзувчиларимиздан. Унинг “Мен англаган ҳақиқатлар”, “Армонли дунё”, “Қўрқинчли тун”, “Ушалмаган орзулар”, “Қонли қилич”, “Миллат ифтихори” номли китоблари нашр этилган. Ижодини ҳикоялар ёзишдан бошлаган Сайдвафо Бобоев се-кин-аста, тадрижий равишда йирик жанрларда ҳам қалам тебратада бошлади. Натижада унинг бир нечта: “Номус тутқуни”, “Илон ишқи”, “Икки қиёфали одам”, “Қисмат жумбоги”, “Тунги ташриф”, “Қалтис ўйин”, “Тунги қўрқув”, “Қўрқинчли тун” қиссалари ёзилди. “Қонли қилич” романи эса ёзувчининг маҳорат йўлида изланышларининг меваси ўлароқ юзага келди.

Ҳаётий материалларни тинимсиз ўрганиш, атроф муҳитга, умуман дунёга ижодкор нигоҳи билан қараш ёзувчи учун доимий хислатга айланиши даркор. Бир воқеадан юз одам юз хил хуласа чиқарганидек ёки бир ажойиб манзарали расмдан ҳар ким ўзича завқ туйганидек, ижодкор нигоҳи бошқаларнига ўхшамаган бўлса ўзига тортилми бўлади, кўнгилда завқ уйғотади. Ёзувчи яхши билган, ўрганган нарса, ҳодисалар ҳақида ёзиши керак. Шунга амал қилган Сайдвафо Бобоев ўзи билган муҳитни қаламга олади. Қаҳрамонларини атрофида юрган одамлар ичидан излайди.

Ёзувчининг “Дашт фариштаси” ҳикоясида икки инсон – икки характернинг чиройли намунаси берилган. Катта йўл бўйида савдо қилаётган аёлдан олма сотиб олиш воқеаси орқали дили билан тили бир бўлмаган кимса қиёфаси очилади. Ҳикоя сотувчи аёлни тасвирлашдан бошланади: “Аёлнинг оппоқ юзида оппоқ хаёллар кезиниб юрарди. Дуррача тагидан кўпиреб чиқкан соч толаларидан тортиб енгил оёқ кийимигача алланечук беғуборлик, алланечук жозиба уфуриб турарди. Қошлари қалдирғоч қанотидек эгилган. Қўнғирга мой-

ил йирик-йирик кўзлари андак ҳуркак, андак мағур бокади. Бироз қалин, бироз бўртиқ лаблари жиддият билан қимтилган. Эгнидаги сарғиши, қизғиши кўйлаги буралиб-эшилиб ёнаётган алангадек туюлади. Олдидағи кўчма пештахта устида ҳафсала ва маҳорат билан териб қўйилган қип-қизил, сап-сариқ олмалар худди Миср эҳромидек қад ростлаган”. Ниҳоятда чиройли чизилган тасвир. Мана шу гўзал аёлдан, ҳалидан бери йўловчи машинадаги шерикларига гўзаллик ҳақида воизлик вилиб келаётган Ҳошим исмли кимса олма сотиб олганда пулидан уриб қолганига гумон қилиб сўқинаяпти.

Кўз олдида гўзаллликка раЖна тушмаслиги учун ҳикоя қилаётган қаҳрамон ўз ёнидаги пулдан мошина салонига ташлаб қўйиб, “пулингиз тушиб қолибди”, – дея Ҳошимга узатади. Шу кичик лавҳанинг ўзида “гўзалликни қадрлаш керак”, – деб маъруза ўқиб келаётган инсон ботинан қанақалиги жуда яхши кўрсатилган. Ёзувчи “тарихий санъат асарларидан ҳайратланишга, уларни қадрлай билишга ўрганишимиз керак... қаҷонгача қорин ғами билан яшайсизлар?” сингари дилида туғиб юрган, кўпчиликка айтмоқчи бўлган фикрларини персонажлар тилидан ўринли қилиб беради. Муаллиф сўзидан кўра кўпроқ қаҳрамонларини сўзлатиши, кичик лавҳаларга катта бадиий юк ортишга интилиш хусусиятлари Сайдвафо Бобоев қиссаларида янада ёрқинроқ кўринган.

“Қалтис ўйин” қиссасида пул топаман деб нопок йўлга кирган Шарифнинг қисмати асар марказида турари. Шариф бу йўлга ўзидан ўзи тушиб қолгани йўқ. Азим сингари бойлик йўлида ҳамма нарсани қурбон қилувчилар Шарифни шу куйга соладилар. Аммо Шарифга ўхшаган иродаси бўш, қинғир йўлга киришдан ўзини тия олмаганларнинг айби, аввало ўзида. Қисса ҳаром ишнинг охири вой бўлишини билиб туриб ҳам ўзини шу йўлдан тўхтата олмайдиган иродаси бўш қимсаларга жуда ўрнак бўлгулик. Муаллиф қаҳрамон руҳий ҳолатини ифодалаб шундай ёзади: “Тириклик озодлик билан мукаммалдир. Агар инсон озод



бўлмаса, у ярим тириқдир. Ойлар давомида иркити чиқиб кетган тўшақда елкаларига сим каравот ботганча шифтга термулиб ётган Шариф бу ҳақиқатга минг карра амин бўлди. Ким билсин, балки инсон маълум бир ҳақиқатларни англаши учун ўша ҳақиқатни яшаб ўтиши керақдир. Балки яратган Зот неъматларининг қадрига етиши учун бандасига шу имтиҳонларни йўллаб кўяр. Лекин, нима бўлганда ҳам Шариф ним қоронғу ва зах хонада ётиб тинимсиз ўйлади, мулоҳаза юритди ва оқибатда руҳан юксалгандек бўлди”.

Ёзувчи қандай ҳодисани тасвиrlамасин, ички руҳий ҳолатлар ҳақида гапирмасин, ёзаётганлари-га аввало ўзи ишониши керак, ана шунда китобхон ишонади. Тасвиrlанаётган воқеаларга мос руҳий ҳолатни бериш ёзардан маҳорат талаб қиласи. Шу маънода қиссадаги ёш Шарифнинг бегона киши билан ўйин тушган сулув янгасини чақириб чиқиб кетиши, унинг бирор нима дея олмай йиглаши самимий берилган.

Шарифнинг онаси Хайрия кампир оилавий аҳволи қанчалик оғир бўлмасин, ўғлининг бебилиска пул то-пишидан шубҳаланади ва у олиб келган кўйлаклик материалларни елкасига ташлаб ҳам кўрмайди. Айни пайтда ўғлини шаҳарга юбормасликкка ҳаракат қиласи, қайниси Бердиқулни ишга солади, аммо Шариф ўз билганидан қолмайди. Шарифнинг тақдирида онани норизо қилган фарзанднинг иши юришмайди деган фалсафий хулоса бордек. Шарифнинг хатосини ҳаёт тўғрилайди, бироқ энди кеч эди.

“Ушалмаган орзулар” қиссасидаги Лазизнинг умр йўли ҳам Шарифнига ўхшаш. Фақат Шариф билиб туриб дунё илинжида ёмон йўлга кирса, Лазиз ўзини ҳимоя қиласман деб одам ўлдириб қўяди. Лекин улардаги ирода заифлиги хатоларини билиб турса ҳам ту-затишга, тузалишга ҳаракат қилмайдилар.

Таникли ёзувчи Собир Ўнар Сайдвафо Бобоев қиссалари ҳақида фикр билдириб, “тақдирилар ижодкори” деганда С. Бобоевдаги характер яратиш маҳоратини назарда тутгани, шубҳасиз. “Номус туткуни” даги Карим пачоқ, Ҳайдар, Умар, Ойгул, Гулбибиларнинг ҳар бири бир олам. “Қисмат жумбоги”даги Толиб, Гулсеварлар, Фахриддин акаларнинг ўзи бир дунё. Муҳими бу қаҳрамонлар эсда қоларли. Ўқувчи уларнинг тақдирига бефарқ қараб туролмайди, кимгadir ачинса, кимнингдир қилмишларидан жирканади. Асарнинг ўқишли қилган тортиш кучи ҳам образларнинг таъсирли ифодаланишида бўлса керак.

Қисса ва ҳикоялар ёзиз қаламини чархлай борган Сайдвафо Бобоев катта жанрда ҳам ўзини синаб, “Қонли қилич” романини ёзди. Романининг ўзига хос жиҳатларидан бири ўтмиш воқеаларининг ҳозирда бўлаётган ҳодисалар билан параллел тасвиrlанишидир. Бухоро амири Субҳонкулихон учун ясалган қилич асосий детал қилиб олинган. Мана шу қилич қисмати бир инсон тақдиридек тасвиrlана боради. Саргузашт, сеҳрли воқеалар тасвир унсурлари бўртиб турган романда ёзувчи реалистик ва детектив услубни омухта қилган ҳолда сюжет тизимини яратади. Бундай йўл асарнинг ўқишли чиқишини таминлаш баробарида ёзувчига катта маъсулият ҳам юклайди. Шунинг учунми баъзи ўринларда тажриба етишмаслиги сезилиб қолган.

Асарда эсда қоларли образлар анчагина. Ўз отасидан ҳам шубҳаланадиган Хонимқул мелисанинг Муродали билан сұхбатдаги “Замон шунақа, ука, замон! Замон сенга боқмаса, сен замонга боқ, дейишади. Шубҳаланмасак бўлмайди. Ўзимиздан шубҳаланиб қўйишиади”, деган сўзлари унинг кимлиги ҳақида тасаввур бериши мумкин. Бухоро амири Убайдуллахон образи ҳам ёркин яратилган, характер даражасига кўтарилиган. Укаси Абдулфайзхон томонидан занжирбанд қилинган Убайдуллахон ўзини мардона тутишга ҳаракат қилгандаги руҳий ҳолат шундай берилади: “Нима бўлса-да, шу юрт, шу мамлакатга неча йиллар давомида хонлик қилди. Мана шундай одам энди манави ялоқиларга бўйин эгмаслиги керак. Хон бўлиб яшади, хондайин ўлиши керак”.

“...Тиз чўкиб яшамаган... ўлса ҳам тик ўладиган” хон шу аборг ҳолатида ҳам юрт келажаги, авлоди аштархонийларга қайфураётгани таъсирли берилади романда. Шу тарзда қизиқарли воқеалар тасвиrlана боради ва асар сўнгидаги ёзувчи кўнглидаги гап чиқади: “Орадан роса уч юз йил ўтиб, қилич ўз вазифасини бажариб бўлган эди. Биргина қилич, биргина курол шунча инсоннинг ҳаётига зомин бўлди, қанчалар тақдириларни ҳал қилди, қанчалар одамларни хор-зорликка маҳкум датди. Буларнинг барчаси оддий биргина куролнинг иши эди. Оддий бир қиличининг.

...Аслида ҳаммасини қиличдан эмас, инсон кўнглидан, унинг тубан хоҳишларидан қидириш керак”. Ўткир сюжетли бу роман муаллифнинг катта жанрда ҳам муваффақиятли қалам тебратади олишининг мисоли бўла олади.

Ҳаётда тажрибамиз ортгани сайин биз дунёга бошқача кўз билан қарай бошлаймиз. Аввали воқеа-ҳодисалардан фалсафий хуносалар чиқаришга мойиллигимиз ортади. Сайдвафо Бобоевнинг “Мен англаган ҳақиқатлар” китоби бунинг яхши намунаси. Ёзувчи қисқа, лўнда фикрларда англаб етган ва маъқул кўрган қарашлари билан ўртоқлашади. Қуидаги, “Ҳайратнинг кўзида” қатрасидан олинган парчада болалик билан улғайган киши ўртасидаги фарқ жуда са-мимий берилган: “...болалигим поёнига етган куни мен ҳайратимни ҳам йўқотиб қўйдим. Энди ҳамма нарса одатий эди. Менинг сойим кичрайиб қолгандек, дарахтларимнинг бўйи ҳам кичрайиб қолганга ўхшарди”. “Осмонга тупурма”, “Қафасдаги эрк”, “Мехр билан қаҳр ораси”, “Она дуоси”, “Кулгу – мўъжиза”, “Тақдирилар ҳазили” каби қатралардаги фикрлар кишини ўйловга мажбур қиласи, ҳаётга теранроқ қарашга ундейди. Кечиримли бўлиш, атрофидагиларга меҳрибон, дилозор бўлмаслик кишидан кўп нарса талаб қилмайди, лекин шуни ҳам ҳаётда эплолмаганлар қанча.

Машхур немис ёзувчиси Ҳерман Ҳессе китоб мутолааси ҳақида шундай гўзал фикрларни билдирганди: “Китоблар инсонни ҳаётга йўллагандагина, унга хизмат қилгандагина фойдалидир. Агар китоб ўқувчига оз бўлса-да куч-ғайрат, шижаот, маънавий поклик баҳш этмаса, мутолаа учун сарф этилган ҳар бир соат беҳуда ва бесамар бўлиб қолаверади”. Ёзувчи сифатида тажриба ортирган Сайдвафо Бобоевга келажакда янада бадиий пухта асарлар ёзишига тилақдош бўлиб, устозлар ўйтини унутмасликни истаб қоламиз.



Эмили КАРЛ

«ЯШАШГА ҲАҚҚИНГИЗ БОР»

Ҳикоя

— Яхши қиз?

— ...

— Яхши қиз, Лионга боряпсизми?

Мен қаршимда ўтириб гапга тортишга тириша-ётган одамга қарадим. У чамаси қирқ ёшни қоралаб қолган одам бўлиб, жаноблардек яхши кийинган, аммо кўримсизгина эди. Андак оқ оралаган сарғиш соchlарига кўзим тушди, нигоҳларида истеҳзо бордек. "Кўча-кўйда безорилик қиладиган шилқимлардан бири бўлса керак" деб ўйладим ўзимча.

Шуни алоҳида айтиш керакки, ўша вақтда мен тушкун кайфиятда бўлиб, руҳий касалликлар шифохонасидан қайтаётган эдим ва у ерга боришим биланоқ кўрган воқеалардан ҳали ҳам ўзимга келолмагандим. Бир хил хоналарга киришингиз билан ҳар хил беморларни учратишингиз мумкин. Атрофдаги кишилар аянчли аҳволда эди. Бақири-чақирилар мени бутунлай ларзага келтириб юборди, у ерда турли хил касалларни учратиш мумкин, лекин ҳеч қайсисида инсонийлик ҳисси кўринмас эди. Ҳамма касаллар: жиннилар, ҳаёлпарастлар, руҳан эзилганлар, тутқаноққа чалингандар — ҳаммаси бу ерда жамул-жам бўлиб, тинмай бақиришар, дод-вой солишар эди... Шифохонадан қайтарканман, ўзимга ҳам соппа-соғман, деб тақрорладим ҳарнечук улардек бўлишимга нимадир этишмаслиги менга яққол сезилиб турарди.

Опамнинг пешонаси шўр экан. У бошқа касаллар билан бир хонада турарди. Мени зўрға таниди. Олиб борган егуликларни сумкамдан олаётганимда у умуман ҳаракатсиз турди, сўнгра бир неча узук-юлуқ сўз айтди, холос. У бепарво, ҳеч нарсани пайқамагандай, ўз бошига ғудранарди. Опамни олиб кетиш учун қилган барча саъй-ҳаракатларим зое кетди. Отам, болалари ва Вал де Пре ҳақида айтилган янгиликлар уни зигирча ҳам қизиқтирумади... Унда умуман келажакка ишонч ҳисси йўқ эди.

Шифокор опамнинг аҳволи ҳақида ижобий фикр билдирганди. Опангизни вақтида олиб келмагансиз, яхши қиз, одатда бу касаллик ҳозирги кўринишидан енгилроқ кечарди, ҳозир у анча хотиржам ва эс-ху-

шини йигиб олган... Опангиз тезда оёққа туриб кетиши учун бор имкониятни қўллаймиз" – деди. У менга бор ҳақиқатни айтдимикан? Ҳар ҳолда у ҳақда бирон нарса дейиш қийин, унинг гаплари тўлиқ ишонч ҳосил қилишга етарли эмасди.

— Яхши қиз?

Купедаги қаршимда ўтирган нотаниш одам менинг жавоб беришимни кутарди. Унга эътибор қилмасдан жомадонларимни йигиштиридим ва ўрнимни алмаштиридим.

Эндиғина бошқа купега жойлашаётганимда, ўша одам орқамдан эргашиб келди ва менга қараб жилмайиб, ишонч билан мулозамат кўрсатмоқчи бўлди. Аччиқландим. Ахир кўчада қолган аёл эмасман-ку?!

— Феълингиз жуда қизиқ экан, нега эргашиб юрибсиз? Биласиз, агар сиз билан гаплашишни хоҳлаганимда купеда қолган бўлардим... Мен эса чиқиб кетдим, демак, ёлғиз қолмоқчиман.

— Қаранг-а, – деди у, – ёқимли ва мулойим овозда. – Узр, билмабман. Сиз табиатан шундай ўжарсиз шекилли?

Суҳбат аввалида унинг гапини бўлишга уриниб кўрдим. Бироқ у кулимсираб деди:

— Эҳтимол, сиз Марселда севикли ёрингизни ташлаб кетаётгандирсиз?

— Севимли ёрим! Севги-муҳаббатнинг мен учун ҳали мавриди эмас, – маъюс жилмайиб қўйдим. – Марсельдаги севгилим эмиш... Агар қаердан келаётганимни билганингизда, ҳатто ҳазиллашишга ҳам юрагингиз дов бермасди.

У қаршимга ўтирганича мендан кўз узмасди. Унинг нигоҳида ажиб бир туйғу пинҳон эди ва мендан сўради:

— Хўп, яхши қиз, менга айтинг-чи, қаердан келяпсиз ўзи?

— Шифохонадан. Опамни кўриб келяпман. Унинг баҳтсизлигини тасаввур ҳам қилолмайсиз. Опам ҳатто йигирма тўрт ёшга ҳам тўлгани йўқ. Касаллигини тасвирлашга тил ожиз, эси кирди-чиқди.

Мен бир оз жим қолдим. Бу тўсатдан менга келган ҳиссиёт эдики, ўз шахсий ҳаётимни бир нотаниш

кимсага айтиб беришимга бир баҳя қолди... "Барыбир эмасми" – дедим ўзимча ва гапимда давом этдим:

– Бунга чидаш мен учун жуда қийин, опамнинг иккита ёш боласи бор, боқиш менинг гарданимда, етмиш беш ёшни қаршилаган отам ҳам ошимга ҳамтовор.

– Уларга ёлғиз ўзингиз қарайсизми?

– Бўлмасам-чи, мен Лозе лицейида дарс бераман, имкон туғилди дегунча, ҳар куни ўттиз чақирим нарида жойлашган уйга югурман... Отамнинг қиласиган иши фақат мени кутиш, уни болалар билан ёлғиз ташлаб кетолмайман. Ҳозир уйда отам неваралари билан ёлғиз қолган, билсангиз агар. Бор-йўғи оиламиш шулардан иборат...

– Бошқалар-чи ?

– Яъни?..

– Ҳартугул ука-сингилларингиз бўлса керак?

– Ҳа, албатта, лекин...

Бу сафар унга оилавий ҳаётимни айтиб беришдан ўзимни тўхтата олмадим; нотаниш бу одам гапларимга ишона бошлади... У мени бутунлай жинни қилиб қўйганлигидан шундай дейиш мумкин эди, мен тинмай гапиришни, ўзимни овутишни хоҳлардим. "Шундай қилиб ўша одам гапларимни уқиб олади ва шу билан сұхбатимиз ҳам тугайди", – деб ўйладим. Оилавий ҳаётимни тасвирлаб беришни тугатар эканман, у менга деди:

– Тушунарли... Шифохонада даволанаётган опангиз бор, қолаверса, икки фарзандига, кекса отангизга сиз қарайсиз, ҳаёт шундан иборат деб ўйлаяпсизми? Ҳеч нарсага ҳаққим йўқ дегандай бўлдингиз, шундайми? Бироқ ақл бовар қилмайди! Тушунишим бўйича, отангиз етмиш беш ёшда, лекин ҳали соғлиги жойида... Сиз унинг ўлишини хоҳлайсизми? Аммо яхши қиз, ўз отаси бўлишлик қандай ажойиб, тез согаяётган опангиз ва иккита фарзанди ҳам яшашга умидвор... Мен сизнинг ҳаётдан воз кечишингизга қаршиман... Сиз фақат ўз фикр-тушунчангиз билан дунёга қарайпсиз, сиз ҳали ёш ва жуда чиройлисиз, ҳаётни энди кўрятпсиз. Сиз айтаетган эркин бўлишлик фақат куч билан бўлмайди... сиз фақат шундай деб ўйлаисиз. Мен сизга айтмоқчи бўлганим, яшашга ҳаққингиз бор!

У бир оз жим қолди, мен эса юрагим тез ура бошлаганини ҳис қилдим... Бу одамнинг айтган гаплари ҳақиқат эди, у менда шундай бир куч ўйғотди, уни йиллар давомида жиловлаб тургандим. У гапининг сўнгига шундай деди:

– Сизнинг ёшингизда ҳаётнинг бу ҳақиқий мевасини ўзига мавҳум деб тушуниш ўзингиз ва оилангиз учун ҳам жиноятдек туюлади... Фараз қилинг, отангизга қилаётган совғангиз заҳарланган ва охирида шун-

дай дейишингиз керак, – "Ҳаётимни сен учун қурбон қилдим". Бу қандай кўргулик ахир! Йўқ, сиз бошқаларга ҳам ёрдам қилинг, айни вақтда ўзингизни ҳам ўйланг, шунда яхши бўлади... Шундагина сиз қилишингиз лозим бўлган ҳар бир иш учун ўзингизда катта куч сезасиз.

Бу одам, унинг гаплари, эътибори, мулойимлиги ва гапларининг ҳаққонийлиги менда етишмай турган шижоатни ўйғотди. Бир неча ойлар, йиллардан буён мен бор кучимни Мари Роз ва отам учун бахшида этиб яшадим. Мен худди бу дунёда унтилгандек эдим, бироқ ҳар қалай "яхши сингил" бўлопган эсамда, ўзим ҳақимда қайгуришни унугандим. Баъзида ўзимча ўйланиб қолардим: "Эмили, сен ёшлиқдан баҳраманд бўлмадинг, фақат ғам-қайғу ва ишни биласан, холос"... Ҳаётимни хотимасига фақат бир қадам қолган бўлсада, энди мен ҳаётга бардам кириб бордим. Тўсатдан, Марсел ва Бриансон темир йўл купесида бир нотаниш киши пайдо бўлди ва у менга шундай бир нур ҳадя этдики, у ҳеч қачон сўнмайди деб ўйлайман ва у менга гапиришда давом этаркан, унинг ким эканлигини, нима иш қилишини, фикрларини ва дунёқарашини билишга уриндим. Мен уни сўроққа тутишим мумкин эди, бироқ кўрқаним учун унга савол беришга ҳам журъат эта олмадим. Ўзимча дедим: "Бу ким бўлса ҳам, менга аҳамиятсиз... Очиғи у жуда маданиятли ва дилга яқин одам эди".


Ана шу пайтда у менга исми Жон Карл, оддий ишчи, безакчи рассом эканлигини айтди, лекин унга ишонгим келмади. У юриш-туришидан умуман оддий ишчига ўхшамас, кўринишидан ҳаётни чуқур англаған ва анча юқори маданиятли кишига ўхшарди.

Вейин шахрига келганимизда йўлимиз айрилди. У Лионга онасини кўргани кетди, мен бўлсам, ишим, отам ва жиянларим кутаётган Бриансон томон йўл олдим. Жўнаб кетишимиздан олдин хат ёзишиб туришга келишиб олдик:

– Сиз мени қизиқтираётган тоғларнинг расмини жўнатинг, қолаверса, мана шу расмлар сиз яшаётган жой ҳақида менга хабар беради.

Шунинг билан қисқагина сұхбатимиз ниҳоясига етди. Она юртимга олиб бораётган автобусда ўша одамнинг ҳамма гапларини қайта ўйлардим. Гапларининг ҳаққонийлиги менга янада равшанроқ туюлар, аммо бу ерда бошқа нарса бўлиб, у менинг ҳаётимга тўсатдан кириб қолган ва зимистонликни ёритиб турган нурга ўхшарди.

Француз тилидан Самарқанд Чет тиллар институти магистри Жаҳонғир САНАҚУЛОВ таржимаси



Шукур ҚУРБОН

Кино тасмасидаи чарх урафаи хаёт

ТУНГИ НАВБАТЧИЛИК

Бу бир шифохона,
Бу йигит – талаба, шифохонада
Навбатчилик қилар дарсдан сўнг, тунда.
Эртасига эса кун бўйи
Яшайди у ҳасратда, мунгда.

Ўртасида қолган у икки ўтнинг:
Ёши бўла туриб,
Соз бўла туриб,
Севган қизи бўла туриб – дилрабо,
Үйлангиси келмас йигитнинг.

Кўзниг хотираси бўлмаса қани,
Унтарди кўрганларини.
Кулокнинг ҳам хотираси бор,
Эшиятганин чиқармас ёддан.

Наҳот, шунча тубанликка боради одам,
Сотар нафсга номус, орин.
Сўнг алдайди
Бўлажсак ёрин?

Завқларини булгаб кўмирга,
Қандай яшар кейин у билан бирга?
Алдаб бўлмас, ахир, бир умр,
Бир кун ошкор бўлади-ку сир?

Кингиришнинг қийиги... деган гап бор-ку!
Кингиришни қилганлар охирда хор-ку!



Кимматбаҳо мошинларида
Бойваччалар олиб келишар –
Бунда мўмай пул эвазига
Шифокорлар жувонларни қабул қилишар
Ва жарроҳлик йўли ила
Бокираға айлантиришар,
Келинликка шайлантиришар...
Маҳбубаларин...

Ойни этак билан ёпмоқ бўлишар,
Бадбўй уфуради бу ерда риё.
Керакли, кераксиз қулишар,
Бўлажсак куёвларни мазах қилишар.

Худонинг-да қаҳридан қўрқмас,
Жаҳаннамнинг қаъридан қўрқмас –
Шифокор ҳам,
Бойваччалар ҳам...

Ҳаммасидан талаба бўлади огоҳ
Ҳамда руҳан сўлади шу чоқ.

УКА

Ҳеч ким ўргатмаган, ҳеч ким айтмаган,
Йигинга опангни қўриқлаб бор деб.
Қалб буюрганидан ука қайтмаган,
Кечган оромидан гурур деб, ор деб.



Ота-она руҳсат берганин билар,
“Яна нима керак сенга, эй аҳмоқ!..
Собиқ синфодоиш қизлар халос йигилар”...
Опасин қўриқлаб бораверар, боқ!

Қиз бор жойда кўз бор – қаровчи унга,
Сўз бор отилгувчи – олддан, орқадан.
Гарчанд димоқ-фироқ қилинар бунга,
Аммо баъзиларга мойдай ёқади.

Опасидан аввал олар кийиниб,
Борар – хоҳлайдими-йўқми, эргашиб.
Опани тинч қўйши шунча қийинми?..
Ўлтирас даврада физони ошиб.

Кўчада, йигиндан, кўздан пана
Қизир ҳангомаси укаларнинг ҳам.
Қизлар даврасидан завқда, маънода
Ортиқ бўлса борки, эмас зарра кам.

“КИЧКИНА ТАБИБ”

Шу номли фильмдан сўнг

“Бу уйда нималар бўляпти ўзи?
Нимага бу уйда фаришталар йўқ?”
Янграйди кичкина табибининг сўзи,
Зулматликлар аро бамисоли ўқ.

Санчилар у Машраб ака кўксига,
Негаки, у барча гапдан хабардор.
Сўзлар оғзигамас, чиқар кўзига,
Қайтади қалбига ва беихтиёр.

Қасам ичган, ахир, ёмон бир қасам
Ки маъноси заҳар-заққум сингари.
Қабоҳатни кўриб, жисм турган одам –
Яхшиликдан нари, юракдан нари.

Бу уй осмонига кичкина табиб,
Куёши сўрар, булут сўрар Худодан.
Балки у кўринар бир тентак каби,
Тентаклар ичиди донишманд зотан.

Ҳаром бойлик ийгиб, ҳаром еганлар
Рўшинолик кўрганми охир-оқибат?
Ялангоч қолмасми ҳаром кийганлар?
Куламасми бир кун ҳаром иморат?

Бу бир уй, яхшиям мамлакат эмас,
Ватан шундоқ бўлса, айтинг, нетардик?



Машраб ака томга чиқиб йиғлар, бас,
Биз-чи? Қайга чиқиб, фарёд этардик?

Кино тасмасидай чарх урап ҳаёт
Гоҳида бизларни адаштирас, ҳай!
Кичкина табиб, бу – келажаск авлод,
Қачонгача яшар бизни тушунмай.

Ва тушунмагани учун қақшар зор,
Ва шундай бегуноҳ ва шундай маъсум.
Кўргиси келмайди катталарни хор,
Болаларни эса, дардманд ва маҳзун.

Ва дейман бари бир ўзим-ўзимга:
Бир Машраб аканинг эмас, ҳамманинг –
Сенинг ҳам, менинг ҳам ягир кўксимга
Ўша ўқ муттасил санчилса қани!

Ва ўйласак қани биз ҳам гоҳида
Боиқа ташишилардан, гамлардан ортиб.
Фаришталар ҳақда, иймон ҳақида
Ва гафлат лойига қолмасак ботиб.

БОЗОР ВА СЕВИШГАНЛАР

– Нима бор бозорда севишигандарга?
– Тадбиркорлар, бозорда дўкони бор-да.
– Севишигандар – тадбиркор, демак!
– Лекин улар дўконига харидор кирмас.

Кирса ҳам булар кўрмас,
Эшишигандар, пайқашмас ҳатто.
Сўзлашади бир-бiri билан –
Дўконда йўқ нарса ҳақида,
Бозорда йўқ нарса ҳақида,
Ишқ ҳақида сўзлашар улар
Ва сўзлари бўлмайди адo...
Билинмас вақт ўтгани ҳатто
Ёнилади бозор, ёнилмас
Дўкони севишиган тадбиркорларнинг.



ШОИРНИНГ ЭНГ КАТТА УНВОНИ

Шоирнинг энг катта унвони – ёзиши,
Худо берган бўлса гар буни – соз иши.
Ҳақиқатни кўйлаши бандалар аро
Шеър аҳлининг юксак қисмига хос иши.



Гулҳаё УЗОҚОВА,
Ўзбекистон Давлат консерваторияси
талаабаси

РЕП ҲАҚИДА ГАП

Ярим асрдан зиёд тараққиёт йўлини босиб ўтган ўзбек эстрада кўшиқчилиги буғунги кунга келиб шоубизнес оламига айланиб қолди. У бугун сон-соноқсиз ёш кўшиқчиларни ўзига жалб этган. Оммавий ахборот воситалари, телевидение ва радио дастурлари орқали эфирга узатилаётган кўшиқларнинг салмоқли қисмини эстрада жанри эгаллаб турганлиги фикримиз далилдир. Ҳатто Наврӯз, Мустақиллик каби умум ҳалқ байрамларини, ҳалқимиз тўю томошаларини, турли маросимларни эстрада кўшиқларисиз тасаввур этиш мушкул. Демак, биз хоҳласак-хоҳламасак эстрада мусиқасининг оҳанглари-ю усуллари, йўналиш-у услублари онгимизни забт этиб, руҳиятимиз, маънавий дунёмизга кириб бораверади. Бутун жаҳон маданиятининг таъсири натижаси ўлароқ Ўзбекистонга ҳам эстрада мусиқанинг кўплаб услуг ва йўналишлари кириб келди. Жумладан: жаз, поп, рок, диско, техно ва хип-хоп кабиларни санаб ўтишимиз мумкин. Шуннингдек, буғунги кунда ёшларимизнинг репга бўлган қизиқишлари тобора ортиб бораётганлиги кўз ўнгимизда намоён бўлмоқда. Бироқ, тингловчилар орасида ёки мутахассислар даврасида ушбу эстрада мусиқасининг йўналишларига бўлган муносабатларини кўриб ҳар кимда ҳам турли фикрлар туғилиши бегумондир. Шу бизга керакми? Ундан манавий озуқа, эстетик завқ олиш мумкинми? Қолаверса, бизнинг менталитетимизга тўғри келадими? Шу каби саволлар кўпчиликни ўйлантиради. Ва ушбу жанрларнинг негизида қандай фалсафа яширганлиги борасида қизиқиб қоласиз.

RAP – бу “Rhythrical African poetry”, яъни “Ритмли Африка поэзияси (шеърияти)” сўзларининг қисқартма шакли. Rap (реп) – инглизчада “тақииллатмоқ”, “урмоқ”, “зарба бермоқ” каби луғавий маъноларни билдиради. Одатда реп речитатив тарзда оғир ритмга асосланган мусиқа остида ўқиладиган шеърий ҳикоя ва тарихан афро-америка анъанавий маданиятининг бир кўриниши сифатида пайдо бўлган. Бироқ қадимдан

реп ва у сингари айтимлар нафақат қора танлилар фольклорида, балки ҳар қандай ҳалқ анъанавий маданиятида у ёки бу шаклда мавжуд бўлганлиги ҳам маълум. Фикримиз далили сифатида кўйида қисқача тарихий маълумотларни келтириб ўтамиз.

Испомгача бўлган араб дунёси бозорларида репга ўхшаш жанр кенг тарқалади. Ҳар бир кўчманчи араб қабиласидан бир шоир-натиқ (ритор) даврага чиқиб, бошқа қабилаларга қарата бадиҳагўйлик билан очикойдин ҳақоратли айтимни бошлайди. Ўз навбатида бошқа қабилалардан чиқкан шоир-натиқлар ҳам унга ўз жавобларини айтишади. Одатда бундай “айтишув”-лар оммавий жанжаллар билан якун топган.

“Ямб” деб аталувчи худди шундай мусобақа қадимги Юнонистонда Дионис ва Деметрилар шаррафига бағишлиланган байрамларда ҳам уюштирилган. Қадимги скандинавия анъанасида мазкур мусобақалар “манжафбр”(эркаклар олишуви) сифатида машҳур бўлиб, асосан у святки (рождество) кунларида ўтказиладиган ўйин ҳисобланади.

Аввалдан афро-америқаликлар ўртасида репга ўхшаш мусобақалар бўлганлиги ҳақида баъзи (чала-чулпа) маълумотлар учраса-да, реп ва унинг (“Dozens”(ўн иккилар), “Signifying” (изҳор қилмоқ), “Talking shits” (кемалар сухбати) каби шакллари ҳақидаги илк илмий тавсифлар 30-йилларда Гарлем ва Жанубий Бронксда бўлган. Ўсмирлар муайян қатъий каноник қоидалар асосида тузилган 3 та тўртлик шеър матнини (“дюжин” – 12 лар, реп шакли шундан келиб чиқкан) навбатма-навбат айтиб, имкон қадар аниқ ва ритмик импровизация қилиш борасида беллашадилар. Икки рақиб, кескин ўзгарувчан ритм асосида тўртлик алмашадилар. Улардан бирининг (риторика) – нутқи бошқасидан афзал чиққунга қадар давом этади. Репнинг асосий мақсади рақибни ҳақоратлаб ерга уриш бўлган.

1. “Дюжин” – репнинг маҳсус шаклларидан бўлиб, унда дастлабки тўртлик мақтанчоқликка асосланаб,



бадиҳагўй-муаллифни ўз обрўсини кучли даражада орттириб кўрсатишга қаратилган бўлади. Шундан сўнг рақиб томондан ҳам бунинг сўзларидан кулимсираб нафратланиб айтилган (мендек моҳир репчига қарши чиқишига қандай журъат қилдинг деган маънодаги) жавоби янграйди. Кейинги тўртлиги маҳалла ҳаётидаги воқеалар, турли ғоялар ва умуман янги туғилган фикрлар асосида қурилади. Бу жараён соатлаб давом этиши мумкин ва агар ғолиб аниқланмаса, унда қатнашувчи ва ишқибоз-мухлисларнинг ўзаро уришканжали билан якун топади.

2. “Сигнифийнг” (бошқа бир шакли) – дюжиндан чекланмаган бадиҳагўйлиги билан фарқланади. У ритмнинг мақсадли бузилиши ва синкопаланиши асосида бўлиб, охири дастлабки ритмга қайтилади. “Сигнифийнг” рус тез айтишларига яқинdir. У ўз навбатида 10 сатрдан иборат матннинг ягона қофияга асосланганлиги билан мукаммал ҳисобланади. Бу жанрлар аста-секин Нью-Йорк дискотекаларида ривожланади.

Айтиш жоизки, реп даврлар оша ривожланиб халқлар ижрочилик амалиётида ўрнини топди ва ижро анъаналари ҳам тубдан ўзгарди. Жанр сифатида қўшиқка яқинроқ қўринишга келди ва энг муҳими сахна санъатидан жой олди. Жумладан: “Сугар Хилл Ганг” гурухининг “Репперс Делайт” қўшиғи илк реп ёзувларидан биридир. Мазкур қўшиқ дунё миқиёсида хит даражага кўтарилади.

Юқорида келтирилган реп мусиқасининг типологиясидан қўриниб турибдики, жанрнинг илк шаклланиши ғализоқ бўлса-да, ривожланиш жараёнида мусиқий жанр сифатида ва халқона матнларни ифода этишга мўлжалланган қўринишга келган. Яъни, репнинг сўзматнининг маъно-мазмуни, мақсади ўзгарган, лекин ундаги шакл, йўл-йўлакай мос келиб қолувчи қофияга асосланган ҳикоя тарзидаги сўз бадиҳагўйлиги сақланиб қолган.

Мустақилликка эришганимиздан сўнг ўзбек эстрада ижрочилигига турли услублар билан бир қаторда реп йўналиши ҳам кириб келди. Албатта, бу услубнинг намоёндалари сифатида Шоҳрух, Шаҳриёр ва “Радиус 21” номларини тилга оламиз. Мазкур хонандалар ижоди ёшлар томонидан илиқ кутиб олингандиги ҳам рост. Лекин, назаримизда, ўзбекларнинг менталитетига тўғри келиши ёки келмаслиги маънавият ва маданиятга таъсири хусусида ҳам ўйлаб кўриш зарур. Чет эл реп ижрочиларининг эгнидаги либоси, тақинчоқлари, соч турмаклари ва ҳатто беҳаё рақс ҳаракатларини ҳам ўзбекларда кўриб ажабланмай қолдик.

Реп қўшиқларининг мазмунига аҳамият берадиган бўлсак, сўз қўллаш санъатининг фожиасига гувоҳ бўламиз:

*Мадорим ўқ шу буғунда бор-у йўғим мана шу
Юрагимда абсолютний бардак, вот так.
Кечагина берилган бу ваъдаларинг
Унумилди дарров, гапирилди просто так.
Яна нима-нима, ҳар гал битта гапингга ишониб
Яшадим ман ахмоқ.
Сани гапинг мана бундоқ:
– Келинг энди илтимос мани кечиринг,
Энди яхши яшайлик.*

Шоҳрух репнинг “Хато” номли бу қўшиғи кўпчиликка манзур бўлар балки, лекин, хақиқатни айтиш лозим. Бу қўшиқ эмас, сафсата, бемаъни вадирав эмасми? Бу бизга керакми? Нима учун? Кўча сўзлари, қолаверса, икки тил (ўзбек ва рус) қоришиб ётиди. Менинг назаримда бундай сўз матнларини санъатда қўллаш шарқ маданияти, шеърияти, сўзамоллигига путур етказишдан бошқа иш эмас. Афсуски, бу йўлдан шиддат билан бораётган ёшларимизнинг сафи талайгина. Жумладан, “Уммон” гуруҳи ҳам бугун кўплаб мухлисларга эга бўлди, ўзининг концерт дастурларини ўtkазди. Репертуаридан ўрин олган қўшиқлари сони ҳам ортиб бормоқда. Сифати эса юқорида айтилганидек, холос. Айниқса “Уммон барибир уммон-де”, “Майли кетавер”, “Севавераман”, шу каби бир қатор қўшиқларини эшлиб ёқа ушлайсан киши.

Балки, репнинг ижро услуби мазкур хонандаларга ёқар, лекин, шуни эсдан чиқармаслик лозимки, санъат бедарвоза эмас, истаган киши кириб, ўз ишини қиласидиган. Санъатнинг мақсади:

– Маънавиятни юксалтириш, эстетик завқ улашиш ва эзгуликка етаклаш. Ҳар қандай ижодкор бу мақсадни ёддан чиқармаслиги зарур. Санъат халқнинг маънавияти учун хизмат қилиши керак.

Биз ўзбек эстрада ижрочилигига реп услубини умуман инкор этиш мақсадида эмасмиз. Аксинча, ўзбек мусиқасининг негизида ўзбекона одоб, ахлоқ, муносабат ва лутф доимо гўзалликка интилиш, гўзаллик ҳақида кўйлаш, гўзалликнинг жозибасини намоён этиш, ҳаётга завқ бериш ва фаолиятга чорлаш каби мезонлар ётади. Ва бу баркамол авлод тарбиясида муқобил келадиган омиллар сифатида қадрланиб келади.





Мухлиса ХАМРОЕВА

ШЕРДА СИМАСАЖ ТУМСУЛАР

У севди...
бир маротаба севди.
Баридан кечиб севди...
Хаётининг якуни аянчли тугашини сезмай севди...
Ҳеч нарсага парво қилмай севди.
Аммо севикли ёр танлашда адашганини кеч англади.
Негаки, севги кўчасига кирганида унинг кўзлари
кўр, қулоғи кар, тили сўзсиз, ахволи эса девонанинг
ахволидан фарқланмасди.
Шунда ҳам афсус демади.
Барибири севди. Бир ўзи қолиб кетди ҳам... севди!
Бироқ...
Кўрқди! Йиғлади!
Юрагини излади ўша жойдан.
“Ташлаб кетгандир”, деб ўйлади.
Аммо тополмади. Умидланди.
“Севади”, деб шивирлади.
“Негаки, юрагимни ташлаб кетмабди!
Олиб кетибди ўзи билан” деди.
Ўрнидан туриб келган йўлидан кета бошлади.
Нималарнидир шивирлади.
Севиш учун катта юрак ва жасорат керак. Негаки, ҳар
ким ҳам бу каби телба ҳаётга қўнавермайди.

У қийинчилик кўрмай яшади. Оғир нима, енгил
нима – билмай яшади. Яшаш шу экан, деб яшади.
Оёғининг тагини кўрмай яшади. Отасининг топганини
совурди. Онасининг йиғиб қўйганларини йўқ қилди.
Чорасиз қолди. Чора тополмагач йиқилди. Бор бўйи
билан йиқилди. Қанча ётди – билмайди.
Бир куни у ўрнидан озод турди. Қўзларига нур
кўрингандай бўлди. Илдам юра бошлади. Эшик ёнига
келиб тўхтади. Аста тақиллатди. Қаттиқ тақиллатди.
Аммо эшик очилмади.

Эрталаб яна ўша таниш эшик ёнига келди.

Тақиллатди. Тақиллатаверди, тақиллатаверди. Гарчи
ичкаридан “ким у?” деган овоз келмаслигини билса-
да, эшикни ҳеч ким очмаслигини англаса-да, барибири
тақиллатаверди.

Яна бир мунавар тонг отди. У яна ўша эшик ёнига
келди. Энди у эшикни тақиллатмади, ўзи эшикни
шартта очди-ю, ичкарига кирди. Бу – ҳаёт эшиги эди.
У янги ҳаётга қадам қўйди.

Ёш эдинг.

Ҳеч нарсага ақлинг етмасди. У доим сенинг орқангдан
юради. Ҳеч кимга ишонмасди сени. Бўйингга бўй
кўшилиб анча-мунчанинг фарқига етадиган инсон
бўлдинг. Лекин ёнингдаги илиқ меҳр тафтими хис
қилмадинг. У сенга қанча меҳр бермасин, сен ундан
тобора узоқлашдинг. Мехрингга зор қилдинг уни.

Аммо сен бундан буёғига кўрқиб яша!
Кун келиб, унга шу қадар зор бўласанки, дунё
кўзларинг остида тор бўлади.
Ўзинг учун Онангни асрар!
У – ягона.

Кутасан, кутаверасан, йиллар ўтса ҳам сенга барибири.
Умринг ўтса ҳам бефарқсан.
Юрагинг сезади у қайтмаслигини. Лекин билмайсан-
ки, у аллақачон сенинг вужудингга айланиб кетган.
Сен эса ҳамон уни кутасан.

Нега инсон ёнидаги меҳрга зор кишилардан бир том-
чи меҳрини қизғанади? Нега у шафқатсиз? Бу тўкис
давр инсоними ёки шаклланган манқуртми?



Юлдуз ФАЙЗИЙ,
Навоий Давлат стипендиантни



БАХТ НИМА

Бахт аталмиш тушунча инсонни ҳаётга кўз илғамас ришталар билан боғлаб туради. Бахтиёрлик, дунёнинг некбин инсонларидан бирига айланниш ҳисси эса кўнгилга адоқсиз қувонч бағишлайди. Айниқса, аёл аталмиш хилқат учун бахтнинг ўрни, аҳамияти беқиёс! Зоро, аёл ҳамиша бахтга талпиниб яшайди.

Бахт – азалий мавзу. Оламда бахтли бўлишни истамайдиган инсоннинг ўзи йўқ. Шуниси ҳам борки, бахтга эришишни истайдиганлар қанчалик кўп бўлса, бахт ҳақидаги тасаввурлар ҳам шунчалик хилма-хил...

Лекин биласизми... аёлларга бахтнинг нима эканини сўраб мурожаат қиласангиз, улардан бирбирига ўхшаш жавобларни оласиз. Зоро, аёл бахти унинг оиласи, фарзандлари, умр йўлдоши ва яқинлари билан боғлиқ.

Бахтга ҳар ким ҳар хил таъриф беради. Унинг кўриниши мана бундай, унинг формуласи мана шу деб айтмолмаймиз. Кимдир севиш бахт дейди, кимдир севилиш. Аслида бу ҳиссиятлар инсон қалбининг энг кичик зарралари. Қачонки улар бирлашсагина бахт дунёси боййиди.

Инсон ҳаёти давомида тўла-тўқис бахтли бўла олмайди. Аммо у ана шу тўқис бахтга эришиш учун тиним билмайди. У яна юксакроқча чиқишига интилади. Аслида одамзоднинг ана шу изланиш ва интилишининг ўзи ҳам бир бахтдир.

Баъзан дадам шоир Равшан Файзнинг китобларини вараклаганимда биринчи бўлиб менга бағишлиган шеърларини тақрор ва тақрор ўқийман. Бу фақат менга аталгани учун эмас, балки қисқа бўлса ҳам қимматли хотираларимни эслатгани учун қўлимдан қўймайман. “Нима олиб келасиз, дада?”

“Юлдузнинг саволи” деб аталадиган шу биргина жумла замирида менинг бутун бошли болалигим акс этган. Менинг “Нима олиб келасиз, дада?” деган саволимга шеърнинг охирида “Кўксим тўлдириб тоза ҳаво олиб келаман” деб жавоб берилган. На чораким, энди у кунларга қайтиб бўлмайди. Аммо ўша пайтлардаги бахтиёрлигим ширин хотиралари билан ҳаётимни безатиб туради.

Дунё машҳурларидан бири бахтга шундай таъриф берган: “Ҳеч ким бахтнинг нималигини аниқ билмайди”. Бу хуласа қайсиdir жиҳатлари билан бизга таниш. Чиндан ҳам бахтнинг аниқ бир шакли йўқ. Чунки ҳар бир инсон яшар экан, ўз бахтининг худудларини, мезонларини ўзи белгилайди. Таъбир жоиз бўлса, инсон ўз бахтининг кашфиётчисидир.

Шу маънода кимгadir бахт бўлиб кўринган нарса сиз учун ўткинчи туйғу бўлиб туюлиши мумкин.

Хуллас, бу оламда ҳамма ўзича бахтли...

“Интилганга толеъ ёр”, – дейди донишманд халқимиз. Халқ суйган шоирлардан бири эса “Ғойибдан келажак бахт бир афсона” деб ёзади.

Бахт инсон билан бирга туғилмайди. Бу – аксиома...

Инсон ўз бахтини ўзи яратади. Орзулари, ҳаракатлари, меҳнати ва муҳаббати билан дунёга келтиради. Биз ёнимиздаги бахтимизни фақат кетганидан кейин англаймиз. Инсоннинг нодонлиги ҳам шунда. Ким билсин, ҳаётимиздаги бахтни вақтида билиб, унинг қўлидан тутганимизда балки бошқачароқ яшармидик

Ўз бахтини бунёд этиш бобида аёллар анчайин пешқадам, десак хато бўлмас. Негаки, бахт меҳр ва фидойиликка интилади. Аёл қалби эса бу икки туйгуниг асл маскани, манбаидир.



Тоштемир ТУРДИЕВ,
филология фанлари номзоди

САМРАДАРДА СУРҲОНДАРДА

СУРҲОНИ

Бу инсонни юртимизда кўпчилик билади. Келинг, шундай бўлса-да мен ҳам яна бир бор таниширай: Хушбоқ Раҳим. Сўзи ўткир, диди баланд ижодкорларимиздан. Шеъриятга ошуфта юрак. Мамлакатимиз мустақиллиги Хушбоқ Раҳимга ўзига хос илҳом манбаи бўлди. Шоир ўзининг “Сурхондарё” достонини ёзди.

Дарҳақиқат, Хушбоқ Раҳим достонини ўқиганлар асар ёзиш учун ижодкор кундалик ҳаёт билан киришиб кетган, сўнгра тарихни, мавжуд фан ютуқларини, фалсафа қонун-қоидаларини яхши ўзлаштирган бўлиши лозим, деган хulosага келади. Юқоридагилардан юзакироқ хабардор киши Хушбоқ Раҳим шеърларининг мазмун-моҳиятини қандай бўлса шундайлигича англаб етмаслиги мумкин.

*Мустақил дунё ҳам эркин тафаккур
Тарихни туяниң жунидай титди.
Қуёш ҳам тожига тирноқдоши Хушбоқ
Шону шуҳратингга қасида битди.
Сурхондарё.*

Сурхондарё юрақдай ягона курраи заминда қоядай мустаҳкам Ўзбекистоннинг муштарак қисми. Шоир воҳадаги Тешиктош ғори ёки Бойсун ва Боботоғ қиёфасини ва бисотинигина эмас, балки шу худуднинг заррачасини ҳам синчков тафаккури қамровидан қочирмайди. Уни китобдай ўқийди, у билан дардлашади. Заррани коинот билан, бели ва белбоғи билан, Сурхондарё билан бир бутунликда кўради. Юрт, коинот, инсон қадди, бел ва белбоғининг моддий ва мавжуд заррадай тинч ва соғлом бўлишини истайди. Чунки энг катта бойлик – тинчлик ва соғломликдир.

*Заррани китобдай ўқидим, бугун
Қаддимда Дунё ҳам ўша мадор, ўқ.
Белбоғ ҳам белимда мулки коинот
Тинчлик ҳам соғликдан катта бойлик ўйқ.
Сурхондарё.*

Сурхондарё иқлими ниҳоятда қулай. Йилнинг тўрт фасли қўёшли. Қиши-қировли кунлар кам. Бу ҳудуд

инсоният тамаддунининг дастлабки бешикларидан бири. Қадимги Бақтрия, Кушонлар давлати ва унинг пойтахти шу ҳудудда жойлашганлигини археологлар аниқлашган. Энг қадимги шаҳарлар ўрни, маҳалла, арки аъло, мудофаа деворлари, жаҳондаги энг қадим қабристон, сопол идишлар, сопол сиёҳдон, омоч, турли тақинчоқлар, давлат муҳрлари, жун, пахта, ипак тўқима қолдиқлари, буғдои дони, фўза чигити, дастлабки металл заводининг ўрни, шиша, пишиқ ғишт, заргарлик ашёлари, нақшнинор ёғоч синиклари ва бошқа қатор тарихий қадриятлар Сурхондарё ҳудудидаги асрлардан асрлар оша кўкка кўкрак кериб турган тепалар бағридан топилган. Хушбоқ Раҳим достон орқали китобхонларни мазкур топилдиқларни синчиклаб ўқишига, Сурхондарё тарихи ва бугунини эътибор билан ўрганишга чақиради.

*Хунар кексармайди, кўнгил қаримас
Мехнатнинг ортидан ютуқлар бари.
Оромий ёзуви, рақам ҳам чизик
Бору бир, баҳру бар китоб, дафтари.
Сурхондарё.*

Шоир “Сурхондарё” сўзини дарё маъносида, моддий, бир жинсли вақт маъносида, табиат, жамият ва инсон тафаккури тараққиётининг энг умумий қонунларини, одам ва олам муносабатларининг ҳаммабоп алоқа ва боғланишларини билиш ва билдириш, таҳлил ва тадқиқ этувчи диалектик метод маъносида ҳам ишлатган. Дарҳақиқат, дарё сувига икки марта тушиб бўлмайди, ўтган вақт изига қайтмайди. Бугунги ютуқнинг қусури эртага кўринади, ижтимоий ҳодисаларнинг қандай юз бериши мавжуд шартшароитга, ўринга, вақтга боғлиқ. Уларни бир хил мезон, тошу тарози билан ўлчаш, бир хил бўёқ билан бўяш, бир қолипга жойлаштириш диалектика табиатига зид.

Шу маънода шоир Хушбоқ Раҳим шеърларида давлатлар ва улар ўртасидаги муносабатларнинг шартшароит ва замон талабига мувофиқлиги мадҳ этилган.



*Темир ўўл, авто ўўл, осмонда ҳам ўўл
Кундалик ҳақиқат, тарихий юмуш.
Дўстларга сарфланган эзгу фурсатнинг
Ўрнини босолмас на олтин, кумуш.
Сурхондарё.*

Дўстлик туйғуси қадимий, маънавий қадрият. Жаҳонда зиддиятли, боғланмайдиган, манфаатли муносабатда бўлмайдиган давлат, оила, одам йўқ. Дўстлик, тинчлик, тотувлик, тенг манфаатли муносабат ва бошқаларни бошқаларга кўз-кўз қилувчи, давлатлардан ҳар бирининг расмий рамзлари, жумладан байроғи бор. Мустақил Ўзбекистон байроғи, шоир таъбирича, оддий ранг ва ўлчамдаги мато эмас, балки йигирма етти миллион, ундан-да кўпроқ қалбдан тўқилган туғ. У аждодлар ижоди, авлодлар баҳти, ўзбек халқининг ғурури, ғоя ва мағкураси дунёдай событдир. Хушбоқ Раҳимнинг кўксини тоғ, дилини боғ, кўнглини чоғ, умри кузини қайта баҳор айлаган, Ватан жам бўлган жамики борлиқ – Ўзбекистон ва унинг ой ҳам ўн икки юлдузли ҳаворанг байроғидир.

Инсон олий қадрият. Унинг қадами иш вақти ё бўш вақтидан иборат. Иш вақтида моддий ва маънавий бойликлар яратилади. Инсон бўш вақтининг мазмун дараҷаси иш вақтида кўлга киритилган соғф даромаднинг миқдор ва сифати билан тўғри пропорционал. Бироқ моддий бойликни бирорлар билан баҳам кўрсанг камаяди, маънавий бойлик эса, аксинча, кўпаяди. Моддий бойликка жигилдон, маънавий бойликка инсон қалби муҳтож. Амалий ҳаётда томоқ, кийим-кечак ва уй-жойга нисбатан қалб эҳтиёжига жуда кам сарф-харажат қилинади. Бир янги китоб харид қилишдан кўра, бир сих кабобга пул сарфлашни хуш кўрадиганлар кўп. Тўй, туғилган кун, синфдошлар ўтириши, қизлар даврасидаги чиқимларнинг оқибати аниқ. Вақтида маърифатга, маънавиятга чанқоқлиги қондирилмаган ўшалар юраги фақат оила ташвиши, майда гап, мишмиш, хурофот ва бошқа чиқиндиларнинг уясига айланади. Шоир Хушбоқ Раҳим кўксидаги сувайдо, унга туну кун тинчлик бермаган ҳақиқат шу.

*Одамлар ўзгарди, қойим коинот
Маъданда кўп эмас, олтиндан озим.
Турмушда тирикдай яшамоқ учун
Мияни чиқитдан тозалаш лозим.
Тингловчи, кўксимда сувайдо, тугун
Ўзингни тушуниб етдингми бугун?!*

Инсоннинг ўзини тушуниши, бир бутун оламнинг оддий бир заррачаси эканлигини англаб етиш осон эмас. Орамизда, афсуски, ҳаётга нима учун келиб, нима учун кетаётгандигини лоақал бир марта ўйлаб кўрмаган басирлар топилади. Инсон қиёфаси бир-биридан нисбатан кам фарқ қилади. Уларнинг ички олами эса бир-биридан чигал, бир-биридан мураккаб-

дир. Ўзини тушунган одам бошқаларни ҳам тушунади. Ўзини ҳурмат қилган бошқаларни ҳам ҳурмат қилади. Ўзининг кимлигига ва нима ишларга қодирлигини англаб яшаган маънавиятли одам бошқалар учун ҳам яшайди.

Хушбоқ Раҳим мустақил, янги ҳаётда ямоқдай ялтираб кўзга ташлангувчи камчилик ва қусурларнинг кушандасини замонавий саводхонликда, уни сув мисол ичган мустақил фикрловчи, ижодкорларда кўради. Шоирнинг назарида ўтмиш ёки ўтиш даври теша зарбидан кўкарған тирноқка ўхшайди. Хаста тирноқни янги, соғлом тирноқ суреб чиқаради. Соғлом тирноқ – шоирини ғуурлантисувчи мустақил Ватаннинг авлиё ва алломаларидан кам бўлмаган, билимдон, келажаги порлоқ ўғил-қизларидир.

*Тўқмагиз чигитдай ихчам хулоса
Ушбу дамлар ҳеч бир дами ғам эмас.
Интернетга шўнғиб кетган ҳар боланг
Авлиёю алломадан кам эмас.
Сурхондарё.*

Ҳар бир шоирнинг китобхонга ёқтириш ва юқтиришга йўналтирилган ғояси бўлади. Хушбоқ Раҳимдаги бундай ғоя бирлик ва жинслиқдир. Ватан, одамлар ва уларнинг олам билан бир бутунлигидир.

Шоир Хушбоқ Раҳим учун Коинот бир бутун, Курраи Замин, Ватан ва унинг манфаатлари бир бутун, оила, маҳалла, туман, вилоят, Ўзбекистон бир бутун, миллат, миллийлик, дунёвий фанлар предмети, испом олами бир бутун, ишлаб чиқарувчи кучларнинг унсурлари бир бутун, мулк шакллари бир бутун, гул бир бутун, гулзор бир бутун, тирик ва нотирик бир бутун.

*Гул мисол ҳаёт ҳам олами кубро
Улардан ажралмас инсон ҳам исми.
Кўзларим гавҳари Ўзбекистон ҳам
Курраи Заминнинг энг обод қисми.
Сурхондарё.*

Бадиий пишиқ шеър кўнгилларни яратади, қалбни қувонтиради. Китобхонни сувдан олиб ўтга, ўтдан олиб сувга ташлайди. Шеърдаги дарднинг залвори йиғлаганларни юпатади, ғамдан йироқ басирларни йиғлатади. Омманинг баланд руҳини осмонларга кўтаради, белини янада бақувват қилади. Урвоқ ҳам уммон, гард ҳам гул, зар ҳам заргар вужудидаги ёпиқ, лекин яширин юлдузларни ошкор айлайди. Шеър – маънавий кашфиёт. Кашфиётнинг сабаби очик, аччиқ ва машақатли меҳнатdir. Оқсоқ очун бир кашфиёти учун минглаб марта тажриба, синовини тақрорлаган табиатшунос олимларни билади. Яхши шеър ҳам шоирдан ҳеч бўлмагандага ўша кашфиётни кўлга киритиган табиатшунос меҳнатини талаб қилади. Мушкул ва машақатли меҳнатнинг оқибати эса мақтовларга лойиқ.





Фаёзбек РУСТАМОВ,
Тошкент Ахборот технологиялар
университети талабаси

ТАРАҚҚИЁТ ТАЯНЧИ

Мамлакатимиз иқтисодиётини ривожлантириш, аҳолини иш билан таъминлаш, ҳалқимиз фаровонлигини оширишда тадбиркорлик субъектлари, хусусан, кичик бизнес ва тадбиркорлик субъектлари мухим ўрин тутади. Айтиш мумкинки, кичик бизнес ва тадбиркорлик иқтисодий тараққиёт таянчларидан бирига айланиб бормоқда. Буни ўтган 2011 йилнинг “Кичик бизнес ва хусусий тадбиркорлик йили” деб номланганлигидан ҳам билиш мумкин. Ўтган йилда мамлакатимизда шу муносабат билан қабул қилинган маҳсус давлат дастурига кўра кичик бизнес ва хусусий тадбиркорликни ривожлантириш борасида жуда катта кўламдаги ишлар амалга оширилди. Янги-янги кичик бизнес ва хусусий тадбиркорлик субъектлари ўз иш фаолиятларини бошладилар. Натижада мамлакатимизда минглаб янги ишчи ўринлари яратилди. Кичик бизнес ва хусусий тадбиркорлик субъектлари ишлаб чиқарилган рақобатбардош ва сифатли маҳсулотлар мамлакатимиздагина эмас, балки хорижий давлатларда ҳам илик кутиб олинди. Булар ўз навбатида иқтисодиётимизни мустаҳкамлашга хизмат қилиб келмоқда.

Шуниси қувончилики, республикамида тадбиркорликни ривожлантиришга ва унинг иқтисодий ва ҳукуқий асосларини мустаҳкамлашга эътибор тобора кучайтиримоқда. Буни мамлакатимизда тадбиркорларга кенг шароит яратиш учун қонунчилик соҳасида бир неча ҳужжатлар қабул қилинганлигидан ҳам кўришимиз мумкин. “Тадбиркорлик фаолияти эркинлигининг кафолатлари тўғрисида”ги қонун, “Тадбиркорлик фаолиятини янада кўплаб-кувватлаш ва ривожлантириш чора-тадбирлари тўғрисида”ги Президент қарори, “Тадбиркорлик субъектларини ихтиёрий тугатиш тартибини такомиллаштириш тўғрисида”ги Президент қарори, “Микрокредитбанк акциядорлик тижорат банкининг тадбиркорлик субъектларини кўплаб-кувватлаш борасидаги фаолиятини янада кенгайтириш чора-тадбирлари тўғрисида”ги Президент фармони, “Тадбиркорлик фаолиятини амалга оширишда руҳсатномалар олиш тартибини такомиллаштириш ва соддалаштириш тўғрисида”ги республика Вазирлар Маҳкамасининг қарори ва бошқа бир қатор ҳужжатлар ана шулар жумласидандир. Бу мухим ҳужжатлар мамлакатимизда кичик бизнес ва хусусий тадбиркорлик соҳасида тобора эътибор кучайтирилаётганлигидан да-лолат берib турибди.

Президентимиз Ўзбекистон Республикаси Олий Мажлиси Қонунчилик палатаси ва Сенатининг кўшма мажлисидаги маъруzasida таъкидлаганидек “Биринчи навбатда ху-

сусий мулкнинг ҳуқуқи ва ҳимоясини мустаҳкамлашимиз, ҳар қайси хусусий мулқда қонуний йўл билан қўлга кири-тилган ёки яратган ўз мулкининг дахлсизлигига асло шубҳа қилмаслигини таъминтайдиган ишончли кафолатлар тизими-мини яратишимиш зарур. Ҳар бир тадбиркор, аввало шуни аниқ-равшан билиб олиш керакки, давлат хусусий мулқдор ҳуқуқларининг ҳимоячисидир. Шунинг учун ҳам тадбиркор-лар ўз бизнесига инвестиция киритиши, ишлаб чиқариш фаолиятини кенгайтириши, маҳсулот ҳажмини ва олаётган даромадини кўпайтириши, ўз мулкига ўзи эгалик қилиши, фойдаланиши ва тасарруф этиши лозим”.

Мазкур маърузада мамлакатимизда демократик ислоҳотларни чукурлаштириш ва фуқаролик жамиятини ривожлантиришнинг олти қисмдан иборат концепцияси аниқ белгилаб берилди. Булар давлат ҳокимияти ва бошқарувини демократлаштириш, суд-ҳуқуқ тизимини испоҳ қилиш, ахборот соҳасини испоҳ қилиш, ахборот ва сўз эркинлигини таъминлаш, Ўзбекистонда сайлов ҳуқуқи эркинлигини таъминлаш ва сайлов қонунчилигини ривожлантириш, фуқаролик жамияти институтларини шакллантириш ва ривожлантириш ҳамда демократик бозор ислоҳотларини ва иқтисодиётини либераллаштиришини янада чукурлаштиришдан иборатdir.

Юртбошимизнинг Мустаҳкам оила йили деб ном берилган ушбу йилда оиласи бизнесни ривожлантириш оиласалар иқтисодини мустаҳкамлашга хизмат қилияпти. Йилдан-йилга тадбиркорлик субъектларининг мамлакатимиз ялпи маҳсулотидаги улуши ошиб бормоқда.

Хуллас, кичик бизнес ва хусусий тадбиркорлик иқти-содиётнинг тез ўзгариб турадиган талабларига жавоб беришини таъминтайдиган замонавий тузилмаларни шакллантиришда, янги иш ўринларини ташкил қилишда ва аҳоли даромадларини оширишда мухим аҳамиятга эга.

Шу жиҳатдан олганда амалда қабул қилинган ва қабул қилинаётган қонулар ҳўжалик юритувчи субъектлар, тадбиркорлик фаолиятини янада либераллаштириш ва модернизация қилишда ҳуқуқий асос бўлиб хизмат қилади. Айни вақтда бир қатор қонун лойиҳаларининг тайёрланиши кичик бизнес ва хусусий тадбиркорлик субъектларини ташкил қилишни соддалаштириш, уларнинг фаолиятига кўпроқ эркинлик беришни кўзда тутади.

Албатта, бутун жаҳон ҳамжамиятини ҳавас қисса арзигулик мувафаққиятлари билан ҳайратга солаётган давлатимиз кўлга киритаётган бу натижалар замирида ҳалқимизнинг бунёдкорона меҳнати, изланиш, интилиш, фидоийлик намуналари мужассамдир.



Темир ҚУРБОН

ТҮҚИЛМАГАН ХИҚОЯЛАР

АНОРИНГИЗ ШИРИН ЭКАН

Хасислиқда Олтин холамнинг олдига тушадиган одам бу оламда топилмаса керак. Узумининг бир шингилини на ўзи ейди, на болаларига раво кўради. Қуритиб олган майизлари ю қоп-қоп туршакларига, саккиз йилда бир сонияга бўлсин, сандиқдан чиқмаган қанд-курсларига қурт тушиб нобуд бўлса-бўладики, аммо меҳмонга насиб этмайди.

Бўйнига осиб олган калитлар шодасининг ўзи нақ уч кило келса керак. Ахир, қирқ йилдан бери йиқсан молу дунёсининг ўзи неча сандиғу қутига жо бўлгандан кейин калитлар ҳам шунга яраша бўлади-да...

Қишида қор сўрасанг, йўқ дейдиган Олтин холани ҳеч ким тавбасига таянтиrolмасди. Бир куни қўшни аёллар билан маъракадан қайтаётган Олтин холага шигил ҳосил соглан анорларини кўрсатиб мақтاشди:

– Хола, шу анорингиз зап ҳосил қилиби-да. Ўзиям роса ширин бўлса керак.

– Қаёқда дейсиз, – деди Олтин хола гап нишаби қаёққа кетаётганини англаб, – ҳосили яхши бўлгани билан нордонлигидан оғизга олиб бўлмайди. Уни егандан кўра қалампир чайнаган маъқул.

Уни “эритиб” бўлмаслигини билган кўшнилар бир-бирларига қараб маъноли кўз қисишиди. Олтин хола уйига кириб кетгач, Барнохон кўшниларини ўзиникига бошлади. Унинг бир шумликни ўйлаганини билиб ҳамма унга сўзсиз эргашди.

Барнохон елиб-югуриб дастурхон ёзди. Топган-тутганини ўртага кўйди. Кўшнилар бир пиёладан чой ичгунча, бир этак анор териб келиб дастурхонга тўқди. Кейин қизини Олтин холани чақириб келишга юборди. Ҳеч нарсадан бехабар Олтин хола кўрпачага ўтирас-ўтирас кўзи дастурхонда думалаб ётган анорларга тушди. Ҳар бири чақалоқнинг бошидек келадиган анорлардан бирини олди-да, уни ҳафсала билан тўртга бўлди.

Бир хилда терилган туятиш анорнинг ёқут рангига маҳлиё бўлганча, ўтирганларга сўз қотди:

– Мана буни анор деса бўлади, – қўлидаги бўлакни оғизга соларкан, ҳали чайнаб ултурмай сўзида давом

этди: – Мазасини қаранг, мазасини, ўлгур бизларникини оғизга ҳам олиб бўлмайди. Азбаройи аччиқлигидан қалампир ўрнига ишлатса бўлади...

Унинг гапи охирига етмасдан, аёлларнинг шўх кулгуси чоғроқина айвонни зириллатиб юборди.

Барнохон бу анорларни унинг чорбоғидан узуб чиққанидан бехабар Олтин хола эса уларга ҳайрон боқарди.

МАҚТУБ

Чақалоққа қўл ва оёқларидаги бармоқларнинг олтита бўлгани учунгина эмас, оиладаги олтинчи фарзанд бўлгани учун ҳам Олтивой деб исм кўйишиди. Унинг қош-қўзлари ва юзи акалариникидек келишган бўлса-да, ўзи жуда бесўнақай, девсифат эди. Олтивой бир синфда икки-уч йил ўқигани етмаганидек, бир йилда икки-уч баравар тез улғаярди. У опалари ва акаларига қанчалик ўхшамаса, ўзидан кейин туғилганлар ҳам Олтивойга шунчалик ўхшамасди.

У ўн боланинг ичидаги эртакдаги пахлавонларга ўхшаш гавдаси ва гулдирак овози билан ажralиб турарди. Устига-устак, Олтивой дудук ва чучук тил эди. Шунинг учун ҳам уни оиладагилари иложи борича, ўзларига яқинлаштирамасди.

Олтивой хўтиклигига боқиб катта қилган оқ эшагининга яхши кўрарди. Бор дарду ҳасратини ҳам фақат унга айтарди. Катта-катта қора кўзларини демаса, ўзи қордек оппоқ эшаги ҳам Олтивойнинг дудуқланиб айтган ҳасрат тўла достонини тушунгандек шалпангқулоқ бошини бот-бот силкитиб кўярди...

Олтивойнинг иштаҳаси олдида девларни ҳам ҳеч гап эмас эди. Уни тўйдиришнинг ўзи бўлмасди. Шунинг учун бўлса керак, ундан уйдагиларнинг ҳаммаси безган эди. Фақатгина амакисининг хотини Ҳанифа опагина Олтивойга юракдан ачинарди. Гоҳ яхши сўзи билан, гоҳ лаззатли овқатлари билан унинг кўнглини овларди...

Олтивой олтинчи синфи бир амаллаб тугатганда унинг тенгдошларини ҳарбий хизматта чақиришаётган эди. Бундан қишлоқдагина эмас, туманда ҳам анчаги-

на обрў-эътиборга эга бўлган отаси номусларга ўлиб бўлди. Таниш-билишларини ишга солиб, тўлиқсиз маълумот ҳақидаги ҳужжатни олиб берди-ю, уни ҳарбий хизматга жўнатди. Ахир, Соловоровулда ҳарбий хизматга бормаган йигитга қиз беришмасди-да...

Олти ой деганда Олтивойдан биринчи ва охирги мактуб келди. Хатжилдни очиб кўриб ҳамма ҳайрон қолди. Чунки унда бор-йўғи еттита сўз ёзилган эди: “Ҳанифа янгам билан оқ эшагимга алангали салом”.

MAXСУМ

Соловоровул қишлоғида чўпонлар кўп бўлган. Аммо уларни жуда кам кўрардик. Чунки чўпонлар йил-үн икки ой отарнинг орқасидан даштма-дашт кезиб юришиб, маълум бир вақтлардагина ахли аёлидан ҳабар олгани қишлоққа тушишарди. Ўзиям чўпонларнинг қайтиши байрам бўлиб кетарди-да. Кўйлар сўйилиб, катта қозонга шўрва осиларди. Чўпонлар ҳаётидан сўйланадиган ҳикоялар тонг отгунча давом этарди. Бундай сухбатларда ҳаммадан ҳам неча йилларки, ёлғиз ўзи яшайдиган Максум бобо мириқарди...

Бу йилги қишлоғда қишлоққа биринчи бўлиб Жумакул полвон тушиб келди. Жумакул полвон чўпонлар ўртасидагина эмас, балки бутун қишлоқ ахли орасида ҳам ўзига хос обрўга эга эди. Шунинг учун ҳам унинг уйига қишлоқнинг ярми кўчиб келди-ёв.

Бухороча шўрвадан кейин бошланган қизғин гурунг алламаҳалгача давом этди. Алл қоматли Жумақул полвоннинг гоҳ чўпонлар, гоҳ полвонлар ҳаётидан қилган ҳикоялари қанчалик қизиқарли бўлмасин, уйкуни подшо билган ҳамқишлоқлар учун давранинг улуғи бўлган Максум бободан изн сўрашди.

Ҳамма тарқалиб бўлгач, кенг-мўл меҳмонхонада Жумакул полвон билан Максум бобо ёлғиз қолиши. “Қиши ўчоги тор, болам – тур уйингга бор, болам” маталини кунига юз бора тақоррлашни хуш кўрадиган Максум бобо бугун негадир ҳар қачонгидан ҳам кўпроқ эзмаланарди. Чаркоқдан кўзлари юмилиб бораётган полвонга эътибор ҳам бермасдан минғирлагани-минғирлаган денг.

Охири тоқати тоқ бўлган Жумакул полвон хотинини чақириди.

– Хотин, – деди полвон гумбирлаган товуш билан, – мана шу ерга учта жой сол. Икковимизнинг ўртамиздаги жойни юмшоқроқ қил. Унда Максум бобо ётади.

Максум бобо бир жиддий қиёфасини қилт эткизмай турган полвонга, бир унинг гапидан ҳангуманг бўлиб турган аёлнинг ҳайрат тўла кўзларига қараб, гап нимадалигини дарров тушунди.

– Майли, – деди Максум бобо инқиллигандан ўрнидан туаркан, – мен энди борай, сизлар ҳам дам олинглар. Ахир, уйга келмаганингизга ҳам анча бўлди...

Доктор, сизнингча операция муваффақиятли ўтвими?

